

## El santo evangelio según San Mateo

*Jesucristo rujearoto riojuaju gāna  
(Lc 3.23-38)*

<sup>1</sup> Abraham ñayoru ito yicōri David ñayoru janerābatia janami ñayiju Jesús. Jesús ñicusabatia wame mware gotigu ya yu. Ado bajiro wame cūtiyoyijarã ñina:

<sup>2</sup> Abraham ñayoru macu ñayiju Isaac. Ito bero Isaac macu ñayiju Jacob. Jacob macu ñayiju Judá. Ito yicōri gājerã ñ ocabaji mesa cūni ñayijarã. <sup>3</sup> Judá rīa ñayijarã Fares ito yicōri Zara wame cūtirã. ñina jaco ñayijo Tamar. Ito bero Fares macu ñayiju Esrom. Esrom macu ñayiju Aram. <sup>4</sup> Aram macu ñayiju Aminadab. Aminadab macu ñayiju Naasón. Naasón macu ñayiju Salmón. <sup>5</sup> Salmón macu ñayiju Booz. ñ jaco ñayoyijo Rahab. Ito bero Booz macu ñayiju Obed. ñ jaco ñayoyijo Rut. Obed macu ñayiju Isaí. <sup>6</sup> Isaí macu ñayiju Uju David wame cūtigu. David macu ñayiju Salomón. ñ jaco ñayijo Urías ñayoru manoyo godogo.

<sup>7</sup> Ito bero Salomón macu ñayiju Roboam. Roboam macu ñayiju Abías. <sup>8</sup> Abías macu ñayiju Asa. Asa macu ñayiju Josafat. Josafat macu ñayiju Joram. Joram macu ñayiju Uzías. <sup>9</sup> Uzías macu ñayiju Jotam. Jotam macu ñayiju Acáz. Acáz macu ñayiju Ezequías. <sup>10</sup> Ezequías macu ñayiju Manasés. Manasés macu ñayiju Amón. Amón macu ñayiju Josías. <sup>11</sup> Josías macu ñayiju Jeconías. Ito yicōri ñ ocabaji mesa cūni ñayijarã. Ito bajiro ñina baji ñariju Babilonia gāna Israel sita gānare ñina ñami wacōri ñinare moari masa cūtiyijarã ñina ya cūtoju.

<sup>12</sup> Ito bero m̄cana Jeconías macu ñayijũ Salatiel. Salatiel macu ñayijũ Zorobabel. <sup>13</sup> Zorobabel macu ñayijũ Abiud. Abiud macu ñayijũ Eliaquim. Eliaquim macu ñayijũ Azor. <sup>14</sup> Azor macu ñayijũ Sadoc. Sadoc macu ñayijũ Aquim. Aquim macu ñayijũ Eliud. <sup>15</sup> Eliud macu ñayijũ Eleazar. Eleazar macu ñayijũ Matán. Matán macu ñayijũ Jacob. <sup>16</sup> Jacob macu ñayijũ José. Ñayijũ María manũju. Iso ñayijo Dios ñ cōaru Jesucristo jaco.

<sup>17</sup> Abraham r̄ia janerābatia David ñ ñayorajũna catorce masa ñasũoyjarā. Abraham macu ñayijũ Isaac. Isaac macu ñayijũ Jacob. Ito bajiro mani cōia ruji waja David ñ ñarajũna catorce ñarā ñayijarā ñna. Ito bero m̄cana David macu ñayijũ Salomón. Salomón macu ñayijũ Roboam. Ito bajiro mani cōia ruji waja, Babiloniajũ Israel sita gānare ñna āmi warajũna m̄cana catorce ñayijarā ñna. Jeconías macu ñayijũ Salatiel. Salatiel macu ñayijũ Zorobabel. Ito bajiro mani cōia ruji waja Cristo ñ rujearayũna catorce ñayijarā m̄cana.

*Jesucristo ñ rujeare gaye*

*(Lc 2.1-7)*

<sup>18</sup> Jesús ñ rujeare gaye ado bajiro bajijijũ: José manajo ñaroco ñayijo María. José rāca iso ñaroto riojuajũ Espiritu Santo ñ masirisena ñ queo sājare macu sãñagō ñayijo iso. <sup>19</sup> José iso manũju ñarocu queno yigũ ñayijũ. Ito bajiri masa ñna tiro riojo bojoro iso tōbũjaroca yi āmobisijũ José. Ito bajiri masa ñna masibeto, “Mũre āmobe a yũ”, yi āmobjayijũ José isore. <sup>20</sup> Ito bajiro ñ tũoia cani waroca, ñ cāirojũ Dios ñaro gagũ ángel goaĩoyijũ ñre. Goacōri ado bajiro gotijijũ ángel ñre:

—Tũoya José David ñayoru janami mũ. Maríare manajo cuti güibes a mũ. Espiritu Santo ñ masirise, ñ queo sājare macu sãñagō ñamo iso. <sup>21</sup> Macu rucogo yigōji iso. Jesús wame wōgũ yigũja mũ ñre. Masare ñna ñeñaro yirise waja

yicōri masogũ yiguĩji ĩ. Ito bajiri Jesús wame cutigu yiguĩji ĩ, yiyijũ ángel Josére.

<sup>22</sup> Diore goti ĩsiri masũ, “Ado bajiro rētarō yiroja”, ĩ yiado bajiroti rētayijũ. Dios ĩ bũsire gotigu ado bajiro yiyijũ Diore goti ĩsiri masũ:

<sup>23</sup> Romio ũmugũ rāca ajeĩabeco macũ sãñagõ ñagõ yigõji iso. Ito bajiri macũ cutigo yigõji iso. Emanuel yirã yirãji masa ĩre, yiyijũ Diore goti ĩsiri masũ.

“Dios ñami mani rāca”, yireoni ña iti Emanuel yire.

<sup>24</sup> Ito bajiri yujiguti ángel ĩ gotiado bajiroti yiyijũ ĩ. Maríare manojō cutiyijũ ĩ ĩja. <sup>25</sup> Iso macũ ñasũogũ rũcoroto riojũ, manojō macũ bajiro bajiyijũ José maji. Iso rũcoja bero Jesús wame yiyijarã ĩna ĩre.

## 2

### *Ñocõare riasotiri masa Jesure ĩna eja tire gaye*

<sup>1</sup> Judea sitajũ Belén wame cutiri cutojũ rujeayijũ Jesús. Iti rodori ĩ rujearoca iti sita ɸjũ ñayijũ Herodes wame cutigu. Iti rodori Jerusalénjũ ejayijarã ũmacañi joeja wadiro gãna ñocõare riasotiri masa. <sup>2</sup> Iti cutō ejacõri seniĩayijarã ĩna:

—¿No ñati judio masa ɸjũ ñarocũ, rujearũ? Ũmacañi joeja wadiro ñocõare ticõri, “Rujeañi ĩ”, yi masimũ gũa. Ito bajiri ĩre rũcũbũorona wadia gũa, yiyijarã ĩna.

<sup>3</sup> Ito bajiro ĩna seniĩa ucuja tũocõri, ito gagũ ɸjũ Herodes bato tũoĩa gũiyijũ. ĩre bajiro riti tũoĩayijarã iti cutō Jerusalén gãna cũni. <sup>4</sup> Ito bajiro tũoĩacõri paia ɸjarã, judio masa rotirise riasori masare cũni ji ñucayijũ Herodes. ĩna ejaja ticõri, ado bajiro seniĩayijũ ĩ: “¿Nojũ rujeagũ yiguĩjida Cristo?” yiyijũ ĩ ĩnare. <sup>5</sup> ĩnajũa ado bajiro yiyijarã ĩre:

—Judea sita Belén wame cutiri cutojũ rujeagũ yiguĩji, yi ucañi sĩgũ Diore goti ĩsiri masũ. Ado bajiro bajia ĩ ucare:

<sup>6</sup> “Judea sitaju Belén wame cútiri cuto, jaibiti cuto ñabo-jarocati ñasari cuto ñaro yiroja iti cuto. Iti cuto gagu ujü ñasagu rujeagu yiguñji. Ì ñagü yiguñji yu ñarã Israel sita gãna ujü. Ìnare tirünugü yiguñji Ì, yiyijü Dios”, yi ucare ña adi, yiyijarã judio masa rotirise riasori masa.

<sup>7</sup> Ìna ito yija tucõri, mucana ñocõare riasotiri masare yeyoroacã ji ñucayijü Herodes. Ìna ejaja ticõri, ado bajiro seniñayijü Ì: “¿Nocãta ñocõa goasucocati?” yi seniñayijü Ì ñnare. <sup>8</sup> Ito yija Belénjü ñnare wa rotiyijü Ì:

—Wasa Ì macuacãre ãmatëña. Mua ìre ti bujaja yure gotirã wadiba. Yu cuni ìre rucubucogü warocu ya, yiyijü ñnare ucogü.

<sup>9</sup> Ì ito bajiro rotija tucõri, Ì yiro bajiroti wayijarã Ìna. Ìmacañi joeja wadirojü ñocõa Ìna tiru Ìna riojua wayijü mucana. Ì wajasaroti tuja rügüyijü macuacã Ì ñaro weca.

<sup>10</sup> Ñocõagã wacõri Ì tuja rügüja ticõri, bato wanuyijarã Ìna, ñocõare riasotiri masa. <sup>11</sup> Ñocõagã Ì ñaro roca ñari wi sãja wacõri Ìna tija ito ñayijü macuacã Ì jaco María rãca. Ìre ticõri Ì riojo rijomunigãna ñini rüjüyijarã Ìna. Ito yicõri ìre rucubucoyijarã Ìna. Ito bajiro Ìna yija bero Ìna rucori jedori janayijarã Ìna. Janacõri orore, uco queno sutirise, ito yicõri mirra wame cutirise iti ãmicõri ìre Ìsiyijarã Ìna.

<sup>12</sup> Ito yija bero Ìna cãirojü, “Herodes tu tudi wabesa. Ito ñaguñji macuacã”, Ì yi masime yirona, yiyijü Dios ñnare. Ito bajiri iti masicõri Jerusalénjü rëta wa ãmomena gaje majü tudi wayijarã Ìna.

*Egipto sitaju Ìna ware gaye*

<sup>13</sup> Ñocõare riasotiri masa Ìna tadjia bero ángel goayijü Josere Ì cãirojü. Ado bajiro yiyijü Ì ìre:

—Yujija, macuacãre, Ì jacore cuni Egiptojü ãmi rudi wasa mü. Itojü riti ñama maji yu müre gotirocõjuti.

Herodes macuacãre sïarocu ïre ãmagũ yiguĩji, yiyijũ ángel Josére.

<sup>14</sup> Ì ito yija bero yujijijũ José. Yujicõri macuacãre, ï jacore cuni Egiptoju ïnare ãmi wayijũ ï. <sup>15</sup> Ito ïna ñaroca riti godacoayijũ Herodes. “Egiptoju yu Macure ji ñucagũ yigũja yu”, ïre goti ïsiri masuna sũoriti Dios ï yija, ï gotiado bajiroti bajijijũ.

*Herodes wame cutigu rïacare ï sïa rotire gaye*

<sup>16</sup> Ñocõare riasotiri masa ïre goti ãmomena gaje majũ ïna tũdi waja tuocõri, bũto junisiniyijũ Herodes. Ito bajiri junisinigũ Belén gãna rïaca ãmuare ito yicõri, iti cuto tu gãna rïacare cuni sïa roti jeocõyijũ Herodes ï ya moari masare. Jua rodo tũjarãre ïna bero rujeanare cuni sïa roti jeocõyijũ Herodes. “Jua rodo tũja ñocõa ï rujeaja bero”, ñocõare riasotiri masa ïna yija tuocõri, jua rodo tũjarãre ito yicõri ïna bero rujeanare cuni sïa roti jeocõyijũ Herodes. <sup>17</sup> Ito bajiro Herodes rïacare ï sïa rotija Diore goti ïsiri masu Jeremías wame cutigu ï ucado robo bajiroti rêtayijũ. Ado bajiro ucañi ï:

<sup>18</sup> Ramá sita gago iso rïare iso tuoïa otija ruyuyijũ. Ito bajiro oti ñagõti ñayijo iso, Raquel rïare otigo. Gãjerã ïna sobojarocati yisi ãmobisijo Raquel iso rïa godajare, yi ucayijũ Jeremías.

<sup>19</sup> Egiptoju José ï ñaroca godayijũ Herodes. Ì godaja bero Egiptoju José ï ñaroca ï cãiroju sïgũ ángel ïre goaïoyijũ. Ado bajiro yiyijũ ï ïre:

<sup>20</sup> —Yujijya, macuacãre ï jacore cuni Israel sitajũ ãmi tũdi wasa. Macuacãre sïa ãmoana goda jedicoama ïna, yiyijũ ï Josére.

<sup>21</sup> Ito yija yujicõri, macuacãre ï jacore cuni Israel sitajũ ãmi wayijũ José. <sup>22</sup> Ma wacũju tuoyijũ José, “Herodes ñajacu macu Arquelao wame cutigu ï jacure wasoagu

Judea sitajũ ñayijũ”, yija tuoyijũ José. Iti tuocõri wa ãmobisijũ ï itojũ. Mũcana itojũ cãiyijũ ï. Ito bajiro cãicõri, “Galilea sitajũ yũ waja quena”, yiyijũ ï. <sup>23</sup> Galilea sitajũ ejacõri, Nazaret wame cutiri cutojũ ñagũ wayijũ ï. Diore goti ïsiri masa, “Nazaret cuto gagũ ñagũ yiguĩji Jesús”, ñna yi ucare ñajare ito bajiroti bajiyijũ iti.

### 3

*Yucũ* manojũ Juan idé guri masũ ï ñna ucure gaye  
(*Mr 1.1-8; Lc 3.1-9,15-17; Jn 1.19-28*)

<sup>1</sup> Iti rodori ito bajija bero Juan masare idé guri masũ Judea sitajũ yucũ manojũ wayijũ. <sup>2</sup> Itojũ ejacõri masare riasogũ, ado bajiro yiyijũ ï:

—Nocõ mejeti ïre tuorãnrãre ï rotirojũ miojugũ yiguĩji Dios. Ito bajiri mũa ñeñaro yirise tuoĩa bojori bñjacõri jidicãña mũa, yiyijũ Juan masare.

<sup>3</sup> Diore goti ïsiri masũ Isaías wame cutigũ ï ucado bajiroti yiyijũ Juan. “Ado bajiro yigũ yiguĩji”, yirocũ ucañi Isaías Juanre tuoĩa yugũ:

Sĩgũ yucũ manojũ mũare ado bajiro oca sẽoro gotigũ yiguĩji: “Ñeñaro mũa yirise jidicãña mani Ujũ ï ejaroto riojũa, mũa ya usijũ ï queno ña masitoni. Ñeñaro yirise jidicãcõri quenarisejũa tuoĩaña mũa”, yigũ yiguĩji sigũ, yi ucañi Isaías, Juanre tuoĩa yugũ.

<sup>4</sup> Juan ï sãñaro yutabuju, camello joana suado ñayijũ. Waibucũ wiro ñayijũ ï ya wecũ wiro. Rujiro ñimia bayijũ ï. Ito yicõri joa gaye beroa ide idiyijũ ï. <sup>5</sup> ïre tuorã masa jãjarã ejayjarã. Jerusalén gãna, Judea sita gãna ito yicõri Jordán wame cutirisa gãna cuni ejayjarã ïre tuorã. <sup>6</sup> ñna ñeñaro yirise ñna goti rẽtobuja, Jordán wame cutirisajũ ñnare idé guyijũ Juan.

<sup>7</sup> Jājārā fariseo gaye t̄oīarā, ito yicōri saduceo gaye t̄oīarā c̄ni ĩna ejaja ticōri, ado bajiro yiyij̄ Juan:

—M̄are ȳ idé gure āmoboja m̄a. Āña rima juniro bajiro ñeñaro yirā ña m̄a. Ado bajiro t̄oīaboja m̄a: “Dios waja ĩ seniri r̄m̄a iti ejaroca manire waja senibiqūji Dios. Ñeñaro yirā mani ñabojarocati manire ti maicōri manire waja senibiqūji Dios”, yi t̄oīaboja m̄a. Ñeñaro m̄a yirise m̄a jidicābeja m̄a t̄ōbujaroca yiḡu yigūji Dios, yiyij̄ Juan ĩnare.

<sup>8</sup> M̄cana ado bajiro gotiyij̄ Juan:

—Ñeñaro m̄a yirise jidicācōri quenarise riti t̄oīa ñaña m̄a. Ito bajiro riti yisotiba, “Quenarisej̄a t̄oīarā ñama ĩja”, masa m̄are yi ti masitoni. <sup>9</sup> Ado bajiro yi t̄oīabesa m̄a: “Abraham ñayor̄u janerābatia ḡua ñare waja ḡuare masoḡu yigūji Dios”, yi t̄oīabesa m̄a. Ado bajiro baja. Adi ḡūtana Abraham janerābatia robo bajiro ĩ godo weo āmoja, godo weo masigūji Dios, yiyij̄ Juan ĩnare.

<sup>10</sup> Ito yicōri ado bajiro goti masiore ocana gotiyij̄ Juan:

—Comeana yuc̄re quēaroc̄u ñacāmi s̄iḡū. Ito bajiri yuc̄u queno rica maniḡure ti bujacōri quēaḡū yigūji ĩ. Ito yicōri jeana soeḡu yigūji ĩ. Ado bajiro yireoni ña iti: “Masa ĩna ñeñaro yirisere waja seniroc̄u ñacāmi Dios. Ito bajiri ĩna ñeñaro yirise jidicābeja ticōri, ĩnare ruyurioḡu yigūji ĩ. Ito yicōri jeame ūjuroj̄u cōaḡū yigūji Dios ĩnare”, yiyij̄ Juan masare.

<sup>11</sup> Gaje ado bajiro gotiyij̄ Juan:

—“Āna ñama ĩna ñeñaro yirise jidicārā”, yi ĩoroc̄u idenati masare idé gua ȳ. Ȳ bero rētoro ñasaḡu ejaḡu yigūji. Ȳ rētoro ñasaḡu ĩ ñajare ĩre bajiro rētoro ñasaḡu meje ña ȳ. ĩama m̄are Esp̄iritu Santo queo s̄aḡū yigūji ĩja. Ito bajiro m̄are queo s̄acōri queno m̄are m̄a t̄oīaroti ejabuaḡu yigūji ĩ, yiyij̄ Juan masare.

<sup>12</sup> Gaje ado bajiro gotiyij̄ Juan ĩnare:

—Yũ bero ejagũ trigo besegũ bajiro yigũ yiguĩji masare. Sīgũ trigo otegũ iti wirori coda batecõri ajeri riti seo masiguĩji ĩ. Ito bajiro ĩ codaja bero iti wirorire jeamejũ soeguĩji ĩ. Yatirime meje ñaroja itime jeame. Wirori ĩ soegori ajeriana trigo ĩ seorojũ seogũ yiguĩji ĩ. Ito bajiro yigũ yiguĩji mani Ujũ adojũ ejagũ. Trigo beseado bajiroti besegũ yiguĩji manire, yi gotiyijũ Juan masare.

*Jesure idé gure gaye*

*(Mr 1.9-11; Lc 3.21-22)*

<sup>13</sup> Iti rãmuri Galilea sitana wacõri Jordán wame cõtirisa ejayijũ Jesús. Juan tũjũ ejacõri: “Yũre idé guya mũ”, yiyijũ Jesús ĩre. <sup>14</sup> Ito bajiro ĩ yibojarocati ĩre idé gu ãmobisijũ Juan. Ito bajiri ado bajiro yiyijũ ĩ Jesure:

—Meje, muáma yũre mũ idé guja quena. Yũre idé gu rotibitirũja mũ. Yũ rëtoro ñasagũ ña mũ. Ito bajiri mũre idé gu masíbea yũ, yiyijũ Juan Jesure.

<sup>15</sup> ĩ ito yija tũocõri, ado bajiro yiyijũ Jesús ĩre:

—Yũre mũ idé gure ãmoa yũ. Yũre mũ idé guja ñajediro Dios ĩ rotiro bajiro cũdiana mani, yiyijũ Jesús Juanre.

—Baũ ãmoa yũ, yicõri Jesure idé guyijũ Juan ĩja. <sup>16</sup> Jesús ĩ majaroca riti ũmacũjũ macãrucũro soje janayijũ. ũmacũjũ Jesús ĩ ti mũorocati bujare bajiro bajigũna quedĩ sãja wadicõri Jesús joe quedĩ jeayijũ Espíritu Santo. <sup>17</sup> Ito bajiro ĩ quedĩ jeaja bero ado bajiro oca ruyuyijũ ũmacũjũ:

—Ãni yũ Macũ ñami, yũ maigũ. ĩre bũto wanũa yũ, yi ruyuyijũ oca ũmacũjũ.

## 4

*Rãmúa ujũ Jesure ĩ usirio codere gaye*

*(Mr 1.12-13; Lc 4.1-13)*



<sup>1</sup> Jesús ï idé gu rotija bero yucu manojũ ïre ãmi wayijũ Espiritu Santo. Itoju Jesús ï ejaroca, “¿Diole riti cudigu yiguĩjida Jesús?” yirocu ïre usirio codeyijũ rãmúa uju.

<sup>2</sup> Jũarã masacõ rumuri bare babicuti ñayijũ Jesús yucu manojũ. Itoçõ bero ñiocõyijũ mũcana. <sup>3</sup> ï ito bajijare, ïre rnoçũ ejayijũ rãmúa uju:

—Riti Dios Macũ mũ ñaja adi gũtanati naju godõ weoçũ yigũja mũ, yiyijũ ï Jesure.

<sup>4</sup> Ito bajiro rãmú ïre yibojarocati:

—Yibesa. Dios oca ado bajiro gotia: “Najuna riti meje catirã yirãji masa. Jeyaro Dios ocana queno wanũ quena ñarã yirãji masa”, yi gotia Dios oca, yiyijũ Jesús rãmúre.

<sup>5</sup> ï ito yiroca riti Jerusalénju Jesure ãmi wayijũ rãmúa uju. Ito ejacõri mũcana Dios ya wi joeju Jesure ãmi mũja wayijũ rãmú. <sup>6</sup> Ito ïre ãmi mũja ejacõri ado bajiro yiyijũ:

—Tũoya Jesús mũ. Ado bajiro gotia Dios oca:

ï ñaro gãna ángel mesare mure code rotigu yiguĩji Dios. Mũ quedi waja gũtagã joeju quedi jeacõri mũ ya gũbo jeabe yirona mure boca ãmirã yirãji ñna, yi gotia Dios oca, yiyijũ rãmú Jesure.

Gaje ado bajiro yiyijũ ï:

—Riti Dios Macũ mũ ñaja adojuãa bubu quedi wacũ yigũja mũ, yi tobuayijũ rãmúa uju Jesure.

<sup>7</sup> ï ito bajiro yibojarocati ado robojuãa yiyijũ Jesús ïre:

—Mũ ito bajiro yirisere cudibicũja yũ. Gaje ado bajiro gotia Dios oca tuti. Tite mũ: “ ‘No bajiro Dios ï yija ticũja yũ’, yirocu ïre usirio codebesa”, yi gotia Dios oca, yiyijũ Jesús rãmúre.

<sup>8</sup> ï ito yija tũocõri, cogũ gũtagũ ũmaricu joeju ãmi wayijũ rãmú Jesure. Itoju ãmi ejacõri adi sita gaye quenari catorire ïo jeocõyijũ rãmú Jesure. <sup>9</sup> Ito yicõri ado bajiro gotiyijũ rãmú:

—Yure r̄uc̄b̄uoḡu m̄u ȳu riojo rijomunigāna ñini r̄ij̄j̄ja, adi sita ñaroc̄oti ñarise m̄ure ĩsic̄ja ȳu, yi r̄uoyij̄u r̄m̄m̄a ɛj̄u Jesure.

<sup>10</sup> Ito bajiro ĩ gotibojarocati:

—Wasa Satanás m̄u. Ado bajiro gotia Dios oca: “Mani ɛj̄u Diore riti r̄uc̄b̄uoc̄ori c̄udija quena”, yi gotia Dios oca, yiyij̄u Jesús r̄m̄m̄e.

<sup>11</sup> Jesús ito ĩ yija t̄uoc̄ori, wacoayij̄u r̄m̄m̄ ĩja. Ito yija bero ángel mesa Jesure ejabuarona ejayij̄arã ĩja.

*Galilea sitaj̄u* Jesús ĩ riasos̄ore gaye

(Mr 1.14-15; Lc 4.14-15)

<sup>12</sup> “Tubiara wij̄u ñami Juan”, yire oca t̄uoc̄ori Galilea sitaj̄u t̄udi wayij̄u Jesús. <sup>13</sup> Itoj̄u ejac̄ori ĩ ñaro Nazaret wame c̄utiri c̄utoj̄u tujabisij̄u Jesús. Galilea wame c̄utirita t̄unima t̄u Capernaum wame c̄utiri c̄utoj̄u ñaroc̄u wayij̄u Jesús. S̄oj̄u meje ñayij̄u Zabulón sita ito yic̄ori Neftalí sita c̄uni. <sup>14</sup> Iti c̄utoj̄u Jesús ĩ ñaja Diore goti ĩsiri mas̄u Isaías wame c̄utiḡu ĩ ucayore r̄etayij̄u ĩja. Jesure t̄uoĭa yuḡu ado bajiro ucayoñi Isaías:

<sup>15</sup> Jordán jodej̄u Galilea wame c̄utirita ñac̄u. Itira t̄unima t̄u ñac̄u Zabulón sita ito yic̄ori Neftalí sita. Iti sitaj̄u ñarã judio masa meje ñarãji ĩna.

<sup>16</sup> Diore masibitic̄ori r̄ait̄iaro bajiro ñarãji ĩna. Ito bajic̄ori s̄iḡu queno busuḡure ti wan̄rã yirãji ĩna. Diore masimena ñari godanare bajiro bajirãji ĩna. Ito bajiri busuḡu ĩ ejaja tic̄ori, wan̄rã yirãji ĩna. ĩna t̄uo masiroca yiḡu yiguñji ĩ. Ito bajiri mama r̄um̄u bajiro ejaro yiroja ĩnare, yi ucayoñi Isaías.

ĩ ucare bajiroti iti sitaj̄u ejayij̄u Jesús.

<sup>17</sup> Iti sitaj̄u ejac̄ori masare Dios oca riaso ucus̄uoyij̄u Jesús. Ado bajiro gotiyij̄u:

—Yoari mejeti ĩre t̄wor̄ñnr̄ãre ĩ rotiroj̄u miojuḡu yiguũji Dios. Ito bajiri m̄ua ñeñaro yirisere jidicãcõri mama ùsi wasoaya m̄ua, yi masare riaso ucuyij̄u Jesús.

*Wai jori masa j̄uar̄iar̄ãre Jesús ĩ jire gaye  
(Mr 1.16-20; Lc 5.1-11)*

<sup>18</sup> Itajura Galilea wame c̄utirita t̄nima wa ucuḡu wayij̄u Jesús. Ito wacuj̄u tiyij̄u Jesús, Simón Pedro ito yicõri ĩ ocabaji Andrésre c̄uni. Wai jori masa ñayijarã ĩna. Yori yuc̄rina wai waya ñayijarã ĩna. <sup>19</sup> ĩna t̄u ejacõri ado bajiro yiyij̄u Jesús:

—Ȳu rãca waya. Masare jirã yirãji m̄ua, Diore ĩna masitoni, yiyij̄u Jesús ĩnare.

<sup>20</sup> ĩ ito yirocati yori yuc̄ri c̄ucõri, ĩ rãca s̄uya wayijarã ĩna.

<sup>21</sup> Ito yija ito s̄oj̄ua b̄usa wa remoyij̄u Jesús. Jabeto wa remocõri tiyij̄u Jesús, Santiago, ĩ ocabaji Juanre c̄uni. Zebedeo r̄ia ñayijarã ĩna. ĩna jac̄u rãca cumaj̄u yori yuc̄ri sia queno ñayijarã ĩna. ĩnare ticõri ĩnare jiyij̄u Jesús. <sup>22</sup> ĩ ito yija t̄ucõri, cumaj̄uti ĩna jac̄ure wagoyijarã ĩna. Ito bajiri Zebedeo r̄ia Jesús rãca wacoayijarã ĩna ĩja.

*J̄ãjarã masare Jesús ĩ riasore gaye  
(Lc 6.17-19)*

<sup>23</sup> Galilea sitaj̄u riaso ucu jeoyij̄u Jesús. Co c̄uto r̄aya-beto judio masa minijuara wi s̄ãjacõri oca quenarise, “ĩre t̄wor̄ñnr̄ãre ĩ rotiroj̄u miojuḡu yiguũji Dios”, yire oca gotiyij̄u Jesús masare. Ñajediro cõrãre ĩna cõrise bajiroti ĩnare yisioyij̄u Jesús. <sup>24</sup> Ito bajiro cõrãre Jesús ĩ yisioja Siria sita ḡãna c̄uni t̄uo jediyijarã ĩna. Ito bajiri ñajediro cõrãre ãmi ejayijarã Jesús ĩ yisiotoni. Jeyaro ñarise c̄utirãre ãmi ejayijarã ĩna. R̄ũmú s̄ãjagoana, ùsi jedi quediana, ruduanare c̄uni ãmi ejayijarã Jesús ĩ yisiotoni. ĩna cõrise bajiroti ĩnare yisioyij̄u ĩ. <sup>25</sup> No Jesús ĩ waro j̄ãjarã masa ĩre

sɔya wayijarã. Tite. Galilea sita gãna, Decápolis cuto gãna, Jerusalén cuto gãna, Judea sita gãna ito yicõri Jordán wame cõtirisa siduja gãna cuni Jesure sɔya wayijarã ñna.

## 5

*Tur*ia ñacõri masare Jesús ñ riasore gaye

<sup>1</sup> Jãjarã masare ticõri turia maja wayijɔ Jesús. Itojɔ maja wacõri rujiyijɔ Jesús. Ito yija ñ rãca riasotirã ñ tu minijuayijarã. <sup>2</sup> Ñna ejaja ticõri, ado bajiro ñnare riasoyijɔ Jesús:

*Mani wanɔ* quenaroca yiroti gaye

(Lc 6.20-23)

<sup>3</sup> —“Jaje rɔya Dios oca queno yɔ masi jeoroti”, mɔa yi tuoñaja, wanɔ quenarã yirãji mɔa. Ijajɔ Dios ñ rotirojɔ ejacõri ñ rãca rotirã yirãji mɔa.

<sup>4</sup> 'Adocãta tuoña riorã mɔa ñaja, wanɔ quenarã yirãji mɔa. Ijajɔ mɔa tuoña riorise rëtogũ yiguñji Dios.

<sup>5</sup> “Gãjerã rëtoro ñasagɔ meje ña yɔ”, mɔa yi tuoñaja, wanɔ quenarã yirãji mɔa. Ijajɔ Dios ñ goticãdo bajiroti queno bujarã yirãji mɔa.

<sup>6</sup> 'Adocãta Diore cudi jeo ãmorã mɔa ñaja, wanɔ quenarã yirãji mɔa. Mɔare ejabuagɔ yiguñji Dios, ñre mɔa cudi jeo masitoni.

<sup>7</sup> 'Gãjerãre ti maicõri mɔa queno yija, wanɔ quenarã yirãji mɔa. Dios cuni mɔare ti maicõri mɔare queno yigɔ yiguñji ñ.

<sup>8</sup> 'Dios ñ ãmoro bajiro riti quenarise mɔa tuoñaja, wanɔ quenarã yirãji mɔa. Ijajɔ Diore tirã yirãji mɔa.

<sup>9</sup> 'Adocãta oca quenori masa mɔa ñaja, wanɔ quenarã yirãji mɔa. Ijajɔ, “Yɔ rã ña mɔa”, yigɔ yiguñji Dios.

<sup>10</sup> 'Diore mɔa cudire ticõri, gãjerã mɔa tõbujaroca ñna yija, wanɔ quenarã yirãji mɔa. Ijajɔ Dios ñ rotirojɔ ejacõri, ñ rãca rotirã yirãji mɔa.

<sup>11</sup> Yũre mũa cũdire ticõri, gãjerã mũare aja tudija, mũa tõbũjaroca ñna yija, ito yicõri mũare ñna bũsitubojaja cũi, wanũ quenarã yirãji mũa. <sup>12</sup> Diore goti ñsiri masare cũi ito bajiroti ñeñaro yiyijarã masa jane mejeju cũi. Itire masicõri queno wanũ quenaña mũa. Ijaju Dios tu ejacõri ñajediro ñ seo ñsirisere queno bũjarã yirãji mũa, yiyiju Jesús ñ rãca riasotirãre.

*Moa oca quenarise robo bajiro bajirã ña mani, quenarise mani yija, yi Jesús ñ riasore gaye*

*(Mr 9.50; Lc 14.34-35)*

<sup>13</sup> Mũcana ado bajiro gotiyiju Jesús ñ rãca riasotirãre:

—Moa ba ãmoama masa. Ito bajibojarocati iti ocabeja ñe waja ma moa. Juaji iti ocarise ejabeto yiroja. Iti ocarise jedija ticõri, itire cõacõrãji masa. Ito yicõri itire cũdarã yirãji ñna. Moa bajiro bajirã ña mani cũi. Mani queno yija ticõri, mani bajiro queno yi ãmorãji gãjerã cũi. Ito bajibojarocati mani queno yibeja, “Diore tũorũnũña mũa cũi”, mani yi riasobojaja manire tũo ãmomenaji gãjerã, yiyiju Jesús.

<sup>14</sup> Mũcana ado bajiro gotiyiju Jesús:

—Ñami bũto rãitĩari ñami iti ñaja sõju jea iti busuja queno ruyuroja. Tũria joe mani cũto meniija masa jeyaro tirã yirãji jea iti busurise. Ito bajiroti mani queno yija masa jeyaro tirã yirãji ñna. <sup>15</sup> Sĩabusuorise mani sĩaja sotũ rocaju cũmenaji mani. Sĩabusuorise sĩacõri ãmacũju cũrã yirãji mani ñajediro iti wi gãna ñna titoni. <sup>16</sup> Ito bajiroti queno yija mũa “Queno yirã ñama Diore tũorũnrã”, yi ti masirã yirãji masa jeyaro. Mũa queno yirise ticõri mani Jacũ ãmacũju gagũre wanũ rũcũbũorã yirãji masa, yiyiju Jesús ñ rãca riasotirãre.

*Moisés ñayoru ñ rotirise Jesús ñ riasore gaye*

<sup>17</sup> “Moisés ñayoru ñ rotirise ito yicõri Diore goti ñsiri masa ñna riasorisere cõarocũ wadiñi Jesús”, yi tũoĩabesa

mua. Itire cōarocū meje wadia yū. Īna riasorisere mua queno tūoīatoni wadibū yū. <sup>18</sup> Riti mūare gotia yū. Dios ĩ rotirise ñajediro ñatīñaro yiroja. Adi macārūcūro jediroto riojua co wame godo cūtibeto yiroja. Ñajediro Dios ĩ gotiado bajiroti rētarō yiroja. <sup>19</sup> No Dios rotirisere jabeto cūdibicū, “No yibea mani cūdi jeobeja cūni”, yi riasogū quenabemi. Dios rotirojū ejacōri ñasagū meje bajiro ñagū yiguīji ĩocū. No Dios rotirise cūdicōri, “Jeyaro ĩ rotirise mani cūdi jeoja quena”, yi riasogū ĩ ñami quenagū. Ito bajiri Dios rotirojū ejacōri ñasagū ñagū yiguīji ĩama. <sup>20</sup> Riti mūare gotia yū. Judio masa rotirise riasori masa ito yicōri fariseo gaye tūoīarā ĩna queno yibojado rētoro mua queno yibeja Dios rotirojū ejamenaji mua, yiyijū Jesús ĩ rāca riasotirāre.

*Gājērāre junisini tibesa, yi Jesús ĩ riasore gaye  
(Lc 12.57-59)*

<sup>21</sup> Mūcana gaje ado bajiro gotiyijū Jesús:

—Jane mejeju gāna ĩna rotigore tūogoana ña mua. Ado bajiro baja iti: “Gājire sīabesa. No gājire sīagūti ĩre waja senigū yiguīji Dios”, yi rotiyijū Moisés ñayocū. <sup>22</sup> Yūama ado bajiro mūare goti remoa: No gājire junisini tigūre waja senigū yiguīji oca quenori masū. No gājire busitugūre waja senirā yirāji oca quenori masa. No, “Rocati mecūri masū ña mū. Jeame űjurojū warūja mū”, yigūti ĩjūare waja senirocū ĩre cōagū yiguīji Dios jeame űjurojū, ya yū mūare.

<sup>23</sup> Itire masicōri, gaje ocare cūni tūoīaña mua. Diore rūcūbuorā ĩna soe ĩsira casabojū ejacōri, “Gāji rāca oca cūtia yū”, mua yi tūoīa bujaja Diore rūcūbuorona ecarūre sīacōri soebeja maji. <sup>24</sup> Itire cūña maji. Itire cūcōri oca quenorona mua baba tū wasa. Ī rāca oca quenocōri Diore soe ĩsirona tūdi waja quena, ya yū mūare.

<sup>25</sup> 'Gaje ado bajiro baja. Gãji mũare ĩ seti yija oca quenori masu tũju mũa ejaroto riojua oca quenofia mũa. Oca quenori masu tu ejamenati mũa oca quenobeja ĩ mũare poreciare ĩsigũ yiguĩji. ĩna poreciaju mũare tubiarã yirãji. <sup>26</sup> Riti mũare gotia yu. Ñeñaro mũa yigore mũa waja yi jeobeto riojua budimena yirãji mũa. Iti robo bajiroti baja Dios waja seniri mũmũ ejaroto riojua ĩ rãca mũa oca quenobeja, ya yu mũare, yiyiju Jesús ĩ rãca riasotirãre.

*Gãji manojore rũcũbuoya, yi Jesús ĩ riasore gaye*

<sup>27</sup> Mũcana gaje ado bajiro gotiyiju Jesús:

—Jane mejeju gãna ĩna rotigore tũogoana ña mũa. Ado bajiro baja: “Gãji manojore rãca ajebesa”, yi rotiyiju Moisés ñayoru. <sup>28</sup> Yũama ado bajiro mũare goti remoa: No romiore ãmotigu ĩ tũoĩarisena isore ajegu bajiro yami ĩocũ, ya yu mũare, yiyiju Jesús.

<sup>29</sup> 'Mũa ya riojocadũja cajeana ticõri ñeñaro mũa yi ãmoja iti cajeare ruacõña. Itire ruacõri cõatẽña. Manire co dũja cajea manija quenabetoja. Ito bajibojarocati jua cajea, cajea cutirã ñabojarãti jeame mũjuroju mani waja, rẽto busaro quenabeto yiroja. <sup>30</sup> Mũa ya ãmona ñeñarise mũa yija, itire jatacõña. Itire jatacõri cõatẽña. Manire co dũja ãmo manija quenabetoja. Ito bajibojarocati jua ãmo, ãmo cutirã ñabojarãti jeame mũjuroju mani waja, rẽto busaro quenabeto yiroja. “Mũa ñeñaro yirise jidicãña mũa”, yirocu ito bajiro yiyiju Jesús ĩ rãca riasotirãre.

*Manojore jidicãbesa, yi Jesús ĩ riasore gaye*

*(Mt 19.9; Mr 10.11-12; Lc 16.18)*

<sup>31</sup> Mũcana ado bajiro gotiyiju Jesús:

—Gaje ado bajiro gotia jane mejeju yigore: “ũmũgũ ĩ manojore ĩ cõa ãmoja papera ucarũja ĩre: Adio rãca manojore cutibojaguti isore cõagũ ya yu. Yu manojore meje ñamo ĩja, yi ucarũja ĩre”, yi gotia jane mejeju yigore.

<sup>32</sup> Yũama ado bajiro mũare gotia: Sĩgũ ĩ manoyo gãji rãca ajebitigoro ñabojarocati isore ĩ cõaja, isore buto ñeñaro yami ĩocũ. Gãji rãca iso manũju cutibojaja ĩre ajego yigõji iso. Ito yicõri no iso rãca manoyo cutija isore ajegũ yiguũji ĩ, yi gotiyijũ Jesús ĩ rãca riasotirãre.

*Riojo mani gotija quena, yi Jesús ĩ riasore gaye*

<sup>33</sup> Mũcana gaje gotiyijũ Jesús:

—Jane mejeju gãna ĩna rotigore tuogoana ña mũa. Ado bajiro bajia iti: “Riti ado bajiro yicũja yũ”, Diore mũa gotija mũa goticãdo bajiroti yiba, yi rotiyijũ Moisés ñayorũ. <sup>34</sup> Yũama ado bajiro mũare gotia: “Ado bajiro yicũja yũ”, yicõri, riojo yiba. “Yũ goticãdo bajiroti yicũja yũ”, yirocũ “Riti gotia yũ Dios ĩ ñaro riojo”, yibesa itioni. ĩ ñaro ña ĩ rotiroyũ. Ito bajiri, “Riojo gotia yũ”, yibesa iti wame rãca. “Adi macãrucũro riojo cuni, riti gotia yũ”, yibesa itioni. <sup>35</sup> Adi macãrucũro ña Dios yaro. Ito bajiri, “Riojo gotia yũ”, yibesa iti wame rãca. “Jerusalén wame cutiri cuto riojo cuni riti gotia yũ”, yibesa itioni. Mani Uju ñasagu cuto ña Jerusalén. Ito bajiri iti cuto wame rãca “Ado bajiro yicũja yũ”, yibesa. <sup>36</sup> “Yũ ya rijoganati riojo gotia yũ”, yibesa itioni. Ñirise, botirise mani ya rijoga joa godo weo masíbea mani. Dios sĩgũti ñami itioni godó weo masigũ. Ito bajiri iti wame rãca, “Ado bajiro yicũja yũ”, yibesa mũa. <sup>37</sup> Mani riojo gotija quena. Mani cudibeja cuni riojo gotija quena. “Riti gotia yũ”, yirona gaje mani goti remoja rũmũa uju ejabuarisena goti remoa mani, yi gotiyijũ Jesús ĩ rãca riasotirãre.

*Sĩgũ ñeñaro manire ĩ yija gãmebeja quena, yi Jesús ĩ riasore gaye*

*(Lc 6.29-30)*

<sup>38</sup> Mũcana gaje ado bajiro gotiyijũ Jesús:



—Jane mejeju gāna ĩna rotigore tuogoana ña mua. Ado bajiro bajia iti: “Sĩgũ ĩ cajea jioja gājire cuni cajea jioja quena. Sĩgũ ĩ guji jabejasāja gājire cuni guji jabejasāja quena”, yiyijarā masa jane mejeju gāna. <sup>39</sup> Yũama ado bajiro mũare gotia. Sĩgũ ñeñaro mũare ĩ yija ĩre gāmebeja. Ado bajirojua yiba. Sĩgũ rio mũare ĩ jaja gaje dũja cuni rotiba. <sup>40</sup> Sĩgũ mũ ya camisa ĩ ĩma āmoja, rēobeja ĩre. ĩ āmoro āmicōto. Ito yicōri ĩre jai bũsaro ĩsi remoña. <sup>41</sup> Sĩgũ ĩ ya gajeoni coji cōrecō ĩ ũma rotija juaji cōrecō ĩre ũma ĩsima. “Ado bajiro yũre moa ĩsiña”, gāji mũare ĩ rotija, ĩ rotiro rēto bũsaro ĩre moa ĩsija quena. <sup>42</sup> Noa mũare gajeoni senirāreti ĩsicōaja quena. Sĩgũ mũare wasoa āmoja wasoaja quena. Ito yicōri “Mũre ĩsicũju yũ”, yija quena, yiyiju Jesús ĩ rāca riasotirāre.

*Mani wajanare* cuni mani ti maija quena, yi Jesús ĩ riasore gaye

(Lc 6.27-28,32-36)

<sup>43</sup> Jane mejeju gāna ĩna bũsigore tuogoana ña mua cuni. Ado bajiro bajia iti: “Mua babare queno ti maiña. Ito yicōri mua wajacũre ti teya”, yiyijarā masa jane mejeju gāna. <sup>44</sup> Yũama mũare ado bajiro gotia: “Mua wajanare ti maiña. ĩnare queno yiya. Mua tōbũjaroca yirāre yiari Diore bũsi ĩsiña”, ya yũ mũare. <sup>45</sup> Ito bajiro mua yija mani Jacũ ũmacũju gagũ rĩa ñarā yirāji mua, ĩ āmoro bajiro riti mua yisotija. Masa ñajedirore queno ejabũami Dios. ĩre cũdĩmenare cuni ejabũami ĩ. ĩ ñami quenarā, ñeñarāre cuni ũmacañi busuroca yigũ. ĩ ñami riojo cũdirā, riojo cũdĩmenare cuni ide queo ĩsigũ. <sup>46</sup> Mũare ti mairāre riti mua ti maija ñe waja ma iti. Ito bajiro mua yija ticōri, mũare waja yibiquĩji Dios. Ujarāre yiari waja seni ĩsiri masa ĩnare mairāre riti ti mairāji ĩna cuni. ĩnare bajiro yibesa mua. Mũare ti terāre cuni maija quena. <sup>47</sup> Mua ñarāre riti mua seniñaja, ñe waja ma. Diore masimena cuni

ito bajiroti yirāji ĩna cūni. <sup>48</sup> Mani Jacu ũmacũju gagu, coji ñeñaro yĩabici ñami ĩ. ĩre bajiroti yiya ma cūni, yiyiju Jesús ĩ rāca riasotirāre.

## 6

*Gājerāre mani ejabuaja* quena, yi Jesús ĩ riasore gaye

<sup>1</sup> 'Queno ma yija, "Queno yama ĩna", yijaro gājerā yirona meje, queno yiba ma. Masa tiro riojo riti, "Āni ñami queno Diore cūdigu", ma yi ĩbojaja ñe waja bu-jamenaji ma, ũmacũju mani Jacu Dios taju ma ejaja. <sup>2</sup> Ito bajiri bojoro bujarāre ma ejabuaja masa jeyarore goti batobeja. Ito bajiro yama minijuara wiju, mariju cūni, "Yiro robo yirā ña gu", yibojarāti yiro robo yimena. Bojoro bujarāre ĩna ejabuaja, "Queno yirā ñama", masa ĩna yitoni yama ĩnaōna. Riti maare gotia yu. Ito bajiro ĩna yirisenati waja bujacāma ĩna. Ñe gaje buja remomenaji Dios taju. ĩnare masa rucububojarocati Dioama ĩnare rucububobicu yiguĩji. <sup>3</sup> Māma bojoro bujarāre ma ejabuaja, masa ĩna masibeto ito yicōri ma baba ñasagu ĩ masibeto masare ejabuaja quena. <sup>4</sup> Reco meje masa ĩna tibeto bojoro bujarāre ejabuaba ma. Masa ĩna tibeto bojoro bujarāre mani queno yija, ti masiguĩji Dios manire. Ito bajiri waja yigu yiguĩji manire, yiyiju Jesús ĩnare.

*Diore mani seniroti Jesús ĩ riasore gaye*

*(Lc 11.2-4)*

<sup>5</sup> 'Diore ma busija, "Yiro robo yirā ña gu", yibojarāti yiro robo yimena bajiro Diore busibeja ma. ĩnama minijuara wiju Diore ĩna busija rügōcōri busirāji. Ito yicōri ma tūnima masa ĩna titoni Diore busirā yirāji ĩna. Ito bajiro ĩna yirisenati waja bujacāma ĩna. Ñe gaje buja remomenaji ĩna Dios taju. ĩnare masa rucububojarocati Dioama ĩnare rucububobicu yiguĩji. <sup>6</sup> Māma Diore ma

bʌsija, mʌa ya sɔa sãjacõri soje biaya maji. Ito bajiro yicõri mani Jacu rãca riti bʌsiba mʌa. Ito bajiro masa mano mʌa yija ticõri, mani Jacu mʌare waja yigu yiguĩji, yiyiju Jesús ñare.

<sup>7</sup> Diore masimena ñre ñna bʌsija, coji gayeti bʌsimʌcutiama ñna. “Buto mani bʌsimʌcutija Dios manire tuogu yiguĩji”, yi tuoia bʌsibojarãji ñna. <sup>8</sup> Ñare bajiro yibeja mʌama. Ñe manire rʌyarise mani senirototo riojʌaju masicãguĩji Dios. <sup>9</sup> Ito bajiri Diore mʌa bʌsija, ado bajiro bʌsiba:

Gua Jacu, ũmacũju gagu ña mʌ. Mʌ wame masicõri masa ñajediro rʌcubʌojaro ñna.

<sup>10</sup> Masa jeyaro Uju mʌ ñaroti rʌmʌ ejare ãmoa gua. ũmacũjuga tuti cʌni mʌ ãmoro bajiroti ñayija. Ito bajiri adi tutiju cʌni mʌ ãmoro bajiro riti ñare ãmoa gua.

<sup>11</sup> Co rʌmʌ rʌyabeto gua baroticõti guare naju ñsiña.

<sup>12</sup> Gua ñeñaro yirisere ãcabojoya. Gua cʌni ito bajiroti guare ñeñaro yirãre ãcabojoa.

<sup>13</sup> ¿No bajiro yure cʌdirã yirãjida ñna? yi tuoiabesa guare. Gua ñeñaro yibititoni guare ejabʌaya. Mʌ ña uju ñatĩñarocu. Mʌ ña buto masitĩñare gaye rʌcotĩñarocu. Mʌ ña masa jeyaro ñna rʌcubʌotĩñarocu. Itocõ ña. Amén. Ito bajiro Diore mʌa bʌsija quena, yiyiju Jesús ñ rãca riasotirãre.

<sup>14</sup> Mʌare ñeñaro yirãre ñna ñeñaro yirisere mʌa ãcabojoya, mani Jacu ũmacũju gagu mʌa ñeñaro yirise ãcabojogu yiguĩji ñ cʌni. <sup>15</sup> Gãjerã ñna ñeñaro yirisere mʌa ãcabojobeja mani Jacu ũmacũju gagu cʌni mʌa ñeñaro yirisere ãcabojobicu yiguĩji, yiyiju Jesús ñare.

*Bamena riti Diore mani bʌsiroti Jesús ñ riasore gaye*

<sup>16</sup> Diore tuoia ãmorã bamena riti ñre mʌa bʌsija, masa ñna tiro riojo bojori bʌjabeja mʌa. “Yiro robo yirã ñna

gua”, yibojarāti yiro robo yimena bamena riti Diore ĩna senija, masa ĩna tiro riojo bojori bujacā ĩna. Masa ĩna ti masitoni bojori bujabojacā ĩna. Riti mware gotia yu. Itinati waja bujacāma ĩna. Ne gaje buja remomenaji ĩna Dios taju. ĩnare masa rucububojarocati Dioama ĩnare rucububobicu yiguĭji. <sup>17</sup> Bamena riti Diore mua busija, joa cuni queno siro, rio cuni queno coe yiba mware masa ti masime yirona. <sup>18</sup> “Bamena riti Diore busirā ĩnama ĩna”, masa yibe yirona wanu quenama. Mani Jacu mani rāca ĩnagū ĩ sīgūti masitĩnagū yiguĭji. Gājerā masibeto ĩ sīgūti masigū yiguĭji. Ito bajiri manire waja yigu yiguĭji ĩ, yiyiju Jesús ĩ rāca riasotirāre.

*Ūmacūju Dios tu quenarise mani bujaroti gaye  
(Lc 12.33-34)*

<sup>19</sup> ‘Adi sitaju gajeoni jairo mio cūbesa. Adoju gajeoni mua mio cūbojarisere mutarācā barā yirāji gajeoni bari masa. Gajeoni jogaro yiroja, ito yicōri riniri masa rinirā yirāji. <sup>20</sup> Yu tija ūmacūju mani Jacu taju quenarise miojuja quena. Itoju gajeoni bari masa manaji. Gajeoni jogabetoja. Ito yicōri riniri masa cuni ejamenaji. Ūmacūju manire yiari queno yisotitĩnagū yiguĭji Dios. Manire ĩ queno yirise jedibetoja. <sup>21</sup> Gajeoni mani rucoroju mani tuoĭarise ĩaro yiroja manire. Ito bajiri ūmacūju mani Jacu taju quenarise mani miojuja quena, yiyiju Jesús ĩnare.

*Mani ya cajea busurica robo bajiro baja, yi Jesús ĩ riasore gaye*

*(Lc 11.34-36)*

<sup>22</sup> ‘Mani ya cajea queno iti ruyuja, mani tuoĭarise queno sosaroja manire. Ticōri queno mani tuoĭaja mani ya ūsi cuni quenaroja manire. <sup>23</sup> Ito bajibojarocati tibojarāti queno mani tuoĭabeja, mani ya ūsi cuni quenabetoja manire. Rāitĭaroju mani rŭgōro robo bajiro bajiroja

manire. “Ado bajiro āmoami Dios”, yi masibojarāti Diore mani cūḁibeja, ĩre masirā meje ña mani. Ito bajiri bũto bũsa rāitĩaroju mani rũgõro robo bajiro bajiroja manire, yiyijũ Jesús ĩnare.

*Diore mani rũcũbuoja niyerure bũto josare ma, yi Jesús ĩ riasore gaye*

*(Lc 16.13)*

<sup>24</sup> ‘Cocati mani ɸjarā jũarāre cūḁi masıbea mani. Jũarā ĩna ñaja sĳgũre queno ti maicõri, gājire ti tudirā yirāji mani. Sĳgũre queno cūḁirā yirāji mani. Gājire queno cūḁimena yirāji mani. Iti robo bajiroti Diore mani cūḁija, niyerujuare bũto tũoĩamenaji mani. Niyerure riti mani bũto tũoĩaja Diore queno cūḁisabea mani, yiyijũ Jesús ĩnare.

*Ĩ rĩa masare tirũnũgũ yiguĩji Dios, yi Jesús ĩ riasore gaye*

*(Lc 12.22-31)*

<sup>25</sup> ‘Gaje mũare ado bajiro gotia yũ: “¿Ñe bacõri catiguti yũ?” ito yicõri, “¿Ñe idicõri catiguti yũ?” yi tũoĩabesa. “¿Ñejũa sãñacõri ñagũti yũ?” yi tũoĩabesa. Manire rujeorũ ñacõri mani baroti, mani idiroti cũni ĩsi masiguĩji Dios. <sup>26</sup> Minia ũmacũju wũtirāre tũoĩate mũa. No õno otemenaji ĩna. Ito yicõri no õno bare miojumenaji ĩna. ĩna baroti seomenaji ĩna. Ito bajiro ĩna bajibojarocati mani Jacũ ũmacũju gagũ ĩnare bare ecaguĩji. “Minoa rētoro ñasarā ña mani Dios ĩ tija”, ¿yi masıbeati mũa? Minoare ĩ tirũnũja bũto bũsa manire tirũnũgũ yiguĩji Dios. <sup>27</sup> “Yoa bũsari cati āmoa yũ”, yi mũa oca jaija, ¿yoa bũsaro catirā yirājida mũa? Meje, yoa bũsari catimenaji mũa, yiyijũ Jesús ĩnare.

<sup>28</sup> “¿Ñe sãñagũ yigujada yũa?” yi tũoĩa oca jaibesa mũa. Joa gaye gore tũoĩate mũa. Iti go moabetoja. Ito yicõri iti sãñaroti suabetoja iti. <sup>29</sup> Ito bajibojarocati gore seyorise

iti ñaroca yami Dios. Ɖɔ̃ Salomón ñayorɔ̃ gajeoni jaigɔ̃ ñabojagɔ̃ti go robo sãña jeobitiyoñi ĩ. <sup>30</sup> Gore seyorise iti ñaroca yami Dios. Goama seyorise ñabojaroti yoari mejeti siniaroja ũmacañi jeana. Iti siniaja ticōri, itire soerã yirãji masa. “Manire yutabuju ĩsigũji Dios”, ɔ̃yi masibeati mɔ̃a? ĩre queno tɔ̃orũnɔ̃sabea mɔ̃a. <sup>31</sup> Ito bajiri, “ɔ̃Ñe barãti mani? ɔ̃Ñe idirãti mani? ɔ̃Ñe sãñarãti mani?” yi tɔ̃oĩabitirãja manire. <sup>32</sup> Diore masimena itire tɔ̃oĩa oca jaicãbojama ĩna. Manireama mani Jacɔ̃ ũmacũjɔ̃ gagɔ̃ ñacãmi, “Iti rɔ̃ya ĩnare”, yiri masɔ̃. <sup>33</sup> “Dios ñami yɔ̃ Ɖɔ̃. ĩ yagɔ̃ ña yɔ̃”, mani yi tɔ̃oĩaja quena. Iti ña ñasarise. “ĩre bajiro quenarise riti yi ãmoa yɔ̃”, mani yi tɔ̃oĩaja quena. Ito bajiro mani yija, iti jeyaro manire rɔ̃yarise boca ãmirã yirãji mani. <sup>34</sup> “ɔ̃Jane busuri gaye ñe yigɔ̃ yigɔ̃jada yɔ̃?” yi tɔ̃oĩa oca jaibesa. Co rɔ̃mɔ̃ rɔ̃yabeto ricati riti bajiroja. Jane busuri oca ñaja mani rãca ñagũ yiguĩji Dios. Ito bajiri, “ɔ̃ñe yigɔ̃ yigɔ̃jada yɔ̃?” yi tɔ̃oĩa oca jaibesa, yiyijɔ̃ Jesús ĩ rãca riasotirãre.

## 7

### *Gãjerãre seti yibesa, yi Jesús ĩ riasore gaye (Lc 6.37-38,41-42)*

<sup>1</sup> Gãjerãre seti yibesa, Dios mɔ̃are ĩ seti yibe yirona.  
<sup>2</sup> Gãjerãre mɔ̃a seti yiro bajiroti mɔ̃are cɔ̃ni seti yigɔ̃ yiguĩji Dios. “Itocō seti ña ĩnare”, gãjerãre mɔ̃a yiro bajiroti mɔ̃are cɔ̃ni, “Itocō ña seti”, yi masigũ yiguĩji Dios.  
<sup>3</sup> “Ãnire jabeto seti ña”, yibojarãti, “Gɔ̃are jai busaro seti ña”, yi masibea mɔ̃a. Seti cɔ̃tirã ña mɔ̃a cɔ̃ni. Ado bajiro bajirã ña mɔ̃a. Tɔ̃ote. Mɔ̃a babare cajeajɔ̃ sũjuriacã iti ñaja ti masia mɔ̃a. Ito bajibojarocati mɔ̃a ya cajeajɔ̃ sita jaje iti sãña biaja, ti masibea mɔ̃a. <sup>4</sup> Mɔ̃a ya cajeajɔ̃ sita iti ñabojarocati mɔ̃a babare cajeajɔ̃ sũjuriacã ãmicãto yiboja mɔ̃a. Mɔ̃amasireti bajirisereama ti masibea mɔ̃a.

<sup>5</sup> “Yiro robo yirã ña gũa”, yirã ñaboja mũa. Mũa ya cajeajũ sita sãñarisere ãmicãña maji cajero. Iti sita mũa ãmicãja berojũa queno ti masirã yirãji mũa. Ito yicõri mũa babare cajeajũ sũjuri ñarisere ãmicã masirã yirãji mũa. Ado bajirojũa baja. Buto ñeñaro yirise mũa jidicãja berojũa, “Mũa ñeñaro yirise jidicãña mũ”, yi masirã yirãji mũa babare, yiyijũ Jesús ñnare.

<sup>6</sup> Buto quenarise ña Dios oca. Ñre ti terãre riaso josabeja. Yaiare quenarise ñsibeja mani. Ñnare mani ñsibojaja, manire curutirã yirãji ñna. Mũa ya ñaque perla wame cutirisere yesea wato cõacũbeja. Mũa cõacũja itire cũda aborã yirãji ñna. Ito bajiroti Dios oca quenarise ñre ti terãre riaso josabeja ñna tuo ãmobeja ticõri, yiyijũ Jesús ñnare.

*Diore mani senija cãdigũ yiguĩji, yi Jesús ñ riasore gaye (Lc 11.9-13; 6.31)*

<sup>7</sup> Diore mani senija ñsigũ yiguĩji. Ñre mani ãmaja bũjarã yirãji. “Mũre bũsi ãmoa yũ”, mani yija, bũsi rotigũ yiguĩji manire. <sup>8</sup> No senigũti boca ãmiguĩji. No ãmagũti bũjagũ yiguĩji. “Bũsi ãmoa yũ”, yigũreti bũsi rotigũ yiguĩji Dios, yiyijũ Jesús ñnare.

<sup>9</sup> “Naju ãmoa yũ”, yi mũa macũ ñ senija, ¿gũtagã ñsirã yirãjida mũa? Meje gũtagã ñsimenaji mũa. <sup>10</sup> “Wai ãmoa yũ”, mũa macũ ñ yija, ¿ãña ñsirãjida mũa? Meje ãña ñsimenaji mũa. <sup>11</sup> Mũa ñeñaro yirã ñabojarãti mũa ñnare queno yirãji mũa. Ito bajiri itire masicõri mani Jacũ ñmacũjũ gagũ quenarise mani senija, “Manire ñsi masiguĩji ñ”, yi tuoia mani, yiyijũ Jesús ñnare.

<sup>12</sup> Gãjerã mũare queno yire mũa ãmoja ñnare cũni queno yiya mũa. Ito bajiroti rotiyijũ Moisés ñayorũ, ito yicõri Diore goti ñsiri masa ñna ucayore cũni, yiyijũ Jesús masare.

*Eyabiti ma ña Dios* tũ wara ma, yi Jesús ĩ riasore gaye  
(Lc 13.24)

<sup>13</sup> 'Dios tũjũ mani eja ãmoja suari soje bajiri soje sãjarãji mani. Jeame ãjũroju wara ma jaja ma ñaroja, ito yicõri soje sãjaraju eyariju ñaroja. Ito bajiri jãjarã warãji itijũre. <sup>14</sup> Catitiñarã wara ma eyabiti ma ñaroja. Ito yicõri iti soje sãjaraju jaibiti soje ñaroja. Ito bajiri coriarãti sãjarãji itojũre, yiyiju Jesús ñnare.

*Ricana* sũori yucũgũre ti masia mani, yi Jesús ĩ riasore gaye

(Lc 6.43-44)

<sup>15</sup> "Dios oca goti ĩsiri masa ña gũa", yibojarãre masiña mũa. Rũori masa ñama coriarã. Mũa tũ ĩna ejaja, oveja guamenare bajiro ejarãji ĩna. Ito bajibojarãti bũto yaia guarãre bajiro ñarãji ĩna. <sup>16</sup> ĩna yiriseju ticõri masirã yirãji mũa. Jota yucũriju rica manoja uyé. Jota mariju rica manoja higos wame cõtirise. <sup>17</sup> Ito bajiroti yucũ quenarise, quenarise rica cõtiroja. Ito yicõri yucũ quenabitigu quenabiti rica cõtiroja. <sup>18</sup> Yucũ quenabitigu quenarise rica cõtibetoja. Ito yicõri yucũ quenaricũ ñeñarise rica cõtibetoja. <sup>19</sup> Yucũgũ queno rica manigũre itigũre quẽacõri jeameju soerã yirãji mani. <sup>20</sup> Ito bajiroti masare cũni ĩna yirise ticõri ñnare ti masirã yirãji mũa, yiyiju Jesús ñnare.

*Dios ĩ rotiro ñasariju* eja jedimenaji masa, yi Jesús ĩ riasore gaye

(Lc 13.25-27)

<sup>21</sup> 'Jãjarã, "Gũa Ƴju ña mũ", yibojarãti coriarãti ũmacũju yũ Jacũ ĩ rotiroju ejarã yirãji ĩna. Yũ Jacũ ĩ ãmoro robo bajiro yirã riti ejarã yirãji. <sup>22</sup> Iti rũmũ iti ejaroca jãjarã ado bajiro yibojarã yirãji: "Gũa Ƴju mũ rotire rãca riti Dios oca bũsisoticũ gũa. Mũ rotire rãca rũmũã sãnarãre bucõacũ gũa. Ito yicõri mũ wame rãca jaje tiyamani ĩocũ



gua”, yibojarã yirãji ñna yũre. <sup>23</sup> Ito bajiro ñna yibojarocati ado bajiro ñnare yigũ yigũja yũ: “Yũ ñarã meje ña mũa. Mũare masibea yũ. Yũre wa camotadicoasa mũa. Ñeñaro yiana ña mũa”, yigũ yigũja yũ ñnare, yiyijũ Jesús masare.

Yũre queno tũorũnrã sita bũtirojũ wi menirã robo bajiro bajirã ñama, yi Jesús ñ riasore gaye

(Mr 1.22; Lc 6.47-49)

<sup>24</sup> Yũre tũocõri yũ rotiro bajiro yigũ, ñocũ ñami queno tũoĩagũ. Ñ ñami sita bũtirojũ wi menirũocũ robo bajiro bajigũ. <sup>25</sup> Sita bũtirojũ wi ñ menija bero ide quediyyijũ. Riari jue jaiyyijũ. Ito yicõri bũto mino wẽayijũ. Ito bajibojarocati sita bũtirojũ ñacõri cadabisijũ iti wi. <sup>26</sup> Yũre tũobojaguti yũ rotiro bajiro yibicũ, tũoĩa masibicũ ñami ñocũ. Ñ ñami sita jujurojũ wi menibojarũ robo bajiro bajigũ. <sup>27</sup> Iti wi ñ menija bero ide quediyyijũ. Riari jue jaiyyijũ. Ito yicõri mino wẽayijũ. Ito bajiri sita jujurojũ ñacõri wi jujayijũ, yiyijũ Jesús masare.

<sup>28</sup> Ito bajiro Jesús masare ñ bũsija bero rujũ ucayijarã ñna.

<sup>29</sup> Judio masa rotirise riasori masare bajiro meje queno bũsa riasoyijũ Jesús. Dios ñ cũre rãca ñasarise ñ riasojare rujũ ucayijarã ñna masa.

## 8

Rujũ cami jogagũre Jesús ñ yisiore gaye

(Mr 1.40-45; Lc 5.12-16)

<sup>1</sup> Jesús ñ tũria roja ejaroca jãjarã masa sũyayijarã ñre.

<sup>2</sup> Ito ñ waroca sũgũ ñ ya rujũ cami jogagũ Jesure canamũoyijũ. Jesús riojo rijomunigãna ñini rũjũyijũ. Ito yicõri ado bajiro yiyijũ ñ Jesure:

—Yũ Ɔjũ, yũ ya cami mũ ya ñmoja, yagũja mũ, yiyijũ ñ Jesure.

<sup>3</sup> Ñ ito yija tũocõri, ñ ya ñmona moa jeoyijũ Jesús.

—Ămoa yu. Mu ya cami yacuja yu, yiyiju Jesús ĩ ya rujũ cami jogagũre:

Ito bajiro Jesús ĩ yirocati ĩ ya cami yaticoayiju ĩre. <sup>4</sup> Ito yicõri ado bajiro rotiyiju Jesús ĩre:

—Tũoya, gãjerãre goti batobeja. Riojo wacõri paire ĩotẽña. Moisés ĩ rotiyoado bajiroti ecarũre sãacõri Diore yiari soe ĩsima. Ito mu yija ticõri, “Cami yaticoañi”, yirã yirãji masa, yiyiju Jesús ĩ ya rujũ cami jogagũre.

*Surara* ẽju ya moari masũre Jesús ĩ yisiore gaye  
(Lc 7.1-10)

<sup>5</sup> Capernaum wame cõtiri cõtõ Jesús ĩ ejaroca sĭgũ surara ẽju ĩ tũjũ wayiju. Romano masũ ñayiju ĩ. Jesús tũ ejacõri ado bajiro ĩre josayiju:

<sup>6</sup> —Tũoya yu ẽju mu. Yu ya wiju yu ya moari masũ cõ yosami. Bũto juni wisi yosami, yiyiju ĩ Jesure.

<sup>7</sup> ĩto yija tũocõri, ado bajiro cũdiyiju Jesús ĩre:

—ĩre yisiogu wacũ yigũja yu, yiyiju Jesús ĩre.

<sup>8</sup> Ito bajiro ĩyiroca ado bajiro cũdiyiju surara ẽju, Jesure:

—Yu ẽju, ñasagu meje ña yu, yu ya wi mu sãjabojaja cũni. Adojũnati goti ñucaña mu. Ito yirocati yu ya moari masũ caticoagu yiguĩji. <sup>9</sup> Gãjerã yu ẽjarã roca gagũ ña yu. ĩna rotirise cũdigũ ña yu. Ito bajiri yu roca gãna yu ya surara yu rotirã ñama yũre cũni. Sĭgũre, “Wasa”, yu yija waguĩji ĩ. Gãjire, “Waya”, yu yija wadiguĩji ĩ. Ito yicõri yũre ejabuari masũ ĩre yu rotija, ĩre yu rotiro bajiroti yiguĩji ĩ. Adojũnati mu goti ñucaja yu ya moari masũ caticoagu yiguĩji, yiyiju ĩ Jesure.

<sup>10</sup> Ito bajiro ĩ yija tũo ucacõri, “Yũre tũorũnũsacõami añi”, yi ti masiyiju Jesús ĩre. Ito bajiri ado bajiro yiyiju Jesús ĩ rãca riasotirãre:

—Riti mũare gotia yu. Israel sita gãna wato ĩre bajiro yũre tũorũnũgũ tiĩabiticũ yu, yiyiju Jesús masare. <sup>11</sup> Riti mũare gotia yu. Jãjarã ũmacañi ĩ quedi sãjaro gãna ĩ

joejearo gāna cūni ūmacūjū Dios ī rotirojū ejacōri ba rujirā yirāji īna. Abraham, Isaac, ito yicōri, Jacob ñayoana rāca ba rujirā yirāji. <sup>12</sup> Israel sita gāna Dios rotirojū ejaboanare rāitīarojū īnare cōagū yiguīji ī. Itojū ejacōri ñeñaro tōbujarā yirāji. Ito bajiri oticōri buto tūoīa oca jairā yirāji, yiyijū Jesús masare.

<sup>13</sup> Ito yija surara ujūre ado bajiro yiyijū Jesús:

—Mū ya wijū tūdi wasa. Yūre mū tuorūnaro bajiroti mure moa īsiri masū caticoagu yiguīji, yiyijū Jesús īre.

Ito ī yirijūti surara ujū ya moari masū ī ya wijū caticoay-ijū ī īja.

*Pedro mañicōre Jesús ī yisioire gaye*

*(Mr 1.29-31; Lc 4.38-39)*

<sup>14</sup> Pedro ya wijū wayijū Jesús. Iti wi ejacōri, Pedro mañicōre tiyijū Jesús. Cama joejū iso cō jesaja tiyijū Jesús. Buto rujū yayijū isore. <sup>15</sup> Isore ticōri āmo ī moāiarocati rujū yarise jedicoayijū isore. Ito bajiri wumucōri masare eca bocasūoyijo iso.

*Jājarā ñarise cutirāre Jesús ī yisioire gaye*

*(Mr 1.32-34; Lc 4.40-41)*

<sup>16</sup> Iti rāioroca jājarā rūmū sāñarāre Jesús tūjū āmi ejayijarā masa. Ito īna bajija ticōri, coji ī busirisenati rūmūare bucōacōyijū Jesús. Ito yicōri ñarise cutirāre yisioyijū Jesús. <sup>17</sup> Ito bajiro rētayijū Isaías Diore goti īsiri masū ñayorū ī goticādo bajiroti. Ado bajiro yiyijū Isaías ñayorū: “Manire rujū gajajuarise ito yicōri mani rujū ñarise cutirise yisioogu yiguīji”, yiyijū Isaías ñayorū yūre tūoīa yugū, yiyijū Jesús masare.

*Jesure tūo sūya āmorā*

*(Lc 9.57-62)*

<sup>18</sup> Jājarā masa ī tujū īna gāni biaja ticōri, “Gaje dūjaju jēa wato mani”, yiyijū Jesús ī rāca riasotirāre. <sup>19</sup> Īna waroto riojua sīgū Moisés rotirise riasori masu, Jesús tū ejayijū:

—Riasori masu, no mū waroti mure sūya āmoa yu, yiyijū ī Jesure.

<sup>20</sup> Ado bajiro cūdiyijū Jesús īre:

—Buyairoare īna caniri goje űacu. Wūtirāre cūni īna ya jibu űacu. Ito bajibojarocati Masa Rījorūreama no cūñaraju ma īreama. Īti űa yu Masa Rījoru. Ito bajiri yure mū sūyaja josari űaroja mure, yiyijū Jesús īre.

<sup>21</sup> Ito yija gāji Jesús rāca riasotiri masu ado bajiro yiyijū īre:

—Yu jacure codegu űa yu maji. Ī godaja bero mure sūyacūja yu maji, yiyijū ī Jesure.

<sup>22</sup> —Adocātati yure sūyaja quena. Godarāma godarāmasiti gāmeri yujejaro. Jeyaro mū tūōia oca jairisere jidicācōri yure sūyaja quena, yiyijū Jesús īre. Yure tūorūnūmena godacānare bajiro bajirā űama. Īnamasiti godarāre yujerā yirāji.

*Minore, jacūrisere cūni Jesús ī rētoze gaye  
(Mr 4.35-41; Lc 8.22-25)*

<sup>23</sup> Ī ito yija bero cumaju ī rāca riasotirā rāca sājayijū Jesús. <sup>24</sup> Itajura gūdareco īna tūjaroca mino būto wēayijū. Ito bajicōri cumaju jacūsāyijū. Ito iti bajibojarocati canigū yiyijū Jesús. <sup>25</sup> Ito iti bajija ticōri, ī rāca riasotirā īre yujioyjarā. Īre yujicōri ado bajiro yiyijarā īna īre:

—Gūa Ūju rujarā ya mani. Ito bajiri gūare masoña, yiyijarā īna Jesure.

<sup>26</sup> —¿No yija būto gūiati mūa? Yure queno tūorūnūbea mūa, yiyijū ī īnare. Ito yija wūmū rūgūyijū ī. Ito yicōri minore, “Wēabesa”, ito yicōri jacūrise, “Jacūbesa”, yiyijū Jesús.

Ī ito yija bero ñe godo manoti tujacoayijũ ĩja. <sup>27</sup> Ī rāca riasotiri masa itire ticōri ruju ũcayijarā:

—¿Ñimũōcũ masũ ñatibe āni? Mino wēarise, ide jacūrise cuni ĩ rotija tuoā ĩre, yi tuoāyijarā ĩna.

*Gadara gāna rũmúa sãñarā oca*

*(Mr 5.1-20; Lc 8.26-39)*

<sup>28</sup> Itajura gaje dũjajũ Gadara wame cõtiri sita ejayijarā ĩna. Ito ĩna ejaroca jũarā ũmua masari cumajũ budi wadiyijarā. Ito yicōri Jesús tũ eja rũgũyijarā ĩna. Jũarājũti rũmúa sãñarā ñayijarā ĩna. Bũto guarā ñayijarā ĩna. Ito bajiri ĩna tũ rēta masia mañijũ. <sup>29</sup> Jesure ticōri ado bajiro awasāyijarā ĩnare sãñarā rũmúa:

—Jesús, Dios Macũ ña mũ. ¿No yija gũa tũ wadiati mũ? ¿Adocāta jeame ũjũroju gũare cōacōri gũa tōbũjaroca yigu wadiri mũ? yiyijarā ĩna Jesure.

<sup>30</sup> Ito sōjũa nocō mejeti jājarā ecana yesea āma ba ñayijarā. <sup>31</sup> Yeseare ticōri ado bajiro Jesure josayijarā rũmúa:

—Gũare mũ bucōaja, ōa yeseare gũare sãja rotiya, yiyijarā ĩna Jesure.

<sup>32</sup> —Mũare roticā yũ. Wasa, yiyijũ Jesús rũmũare.

Ito ĩ yirocati ũmua jũarājũreti rũmúa budicoayijarā ĩja. Ito yicōri yeseajũare sãja wayijarā ĩna mũcana. Yeseare ĩna sãjarocati tũria ũmaquedi roja wacōri itajurajũ quedi roacoayijarā ĩna. Ito bajiri ñarocōti ruja godacoayijarā ĩna ĩja.

<sup>33</sup> Yeseare tirũnũbojana ito iti bajija ticōri, gũirā ũmaquedi wayijarā ĩna. Cũtoju ejacōri, “Ado bajiro rētamũ”, yirona goti jeoyijarā ĩna. Rũmúa sãñabojarāre ĩna rũmúa budigore gaye goti jeoyijarā ĩna iti cũto gãnare.

<sup>34</sup> ĩna ito bajiro gotija tũocōri, Jesús tũjũare minijua wayijarā masa, iti cũto gāna. Jesure gũirā ĩ ware āmorā ĩre josayijarā ĩna.

## 9

*Rudurure Jesús ĩ yisioire gaye*  
*(Mr 2.1-12; Lc 5.17-26)*

<sup>1</sup> Ito yija m̄cana cumajũ s̄ajayijũ Jesús. Ito bajiri itajura gaje d̄aja j̄ea wac̄ōri ĩ ya c̄toju ejayijũ. <sup>2</sup> Ito ĩ ejaroca rudurure c̄ōr̄are ĩna jeorona ĩre āmi ejayijar̄a Jesús t̄a. “Ȳure queno t̄uor̄ũnr̄a ñama ĩna”, yi ti masic̄ōri ado bajiro yiyijũ Jesús rudurure:

—Oca s̄eõña ȳ ma c̄a. M̄ ñeñaro yirise ma m̄re ĩja, yiyijũ Jesús ĩre.

<sup>3</sup> Ito ĩ yija t̄uoc̄ōri, ito ḡana coriar̄a judio masa rotirise riasori masa ado bajiro t̄uõayijar̄a: “Ito bajiro ĩ b̄usija, Diore r̄ũc̄b̄uobic̄a yami ĩ”, yi t̄uõayijar̄a ĩna. <sup>4</sup> Ito bajiro ĩna t̄uõarise ti masic̄ōri ado bajiro yiyijũ Jesús ĩnare:

—¿No yija ito bajiro ñeñaro t̄uõati m̄a? <sup>5</sup> ¿Disej̄ua ñati josasabiti m̄a tija? “M̄ ñeñaro yirise coecoajũ”, ȳ yija, ¿quena ñarajada m̄a t̄uõaja? “W̄m̄ña, wasa”, ȳ yija, ¿quena ñarajada? ¿Disej̄ua ñati josasabiti m̄a tija? <sup>6</sup> Ȳ ña Masa R̄ijor̄a. Adĩ sitajũ Dios ĩ c̄ũre r̄aca ña ȳ. Ito bajiri masa ñeñaro ĩna yirisere ācabojo masia ȳ. “Riti Dios ĩ c̄ũr̄a ña m̄”, ȳre m̄a yi ti masitoni ado bajiro ya ȳ rudurure:

—W̄m̄ña. M̄ ya cama āmiña. M̄ ya wijũ t̄udi wasa, yiyijũ Jesús.

<sup>7</sup> Ito ĩ yirocati rudurũ ñabojarũ w̄m̄yijũ. Ito yic̄ōri ĩ ya wijũ wacoayijũ ĩ ĩja. <sup>8</sup> ĩ ito bajiro bajija tic̄ōri, ḡũyijar̄a masa. “Adĩ sita gaḡure ĩ masirise jidic̄añi Dios”, yi t̄uõac̄ōri, Diore r̄ũc̄b̄uoyijar̄a masa.

*Mateore Jesús ĩ jire gaye*  
*(Mr 2.13-17; Lc 5.27-32)*

<sup>9</sup> Itona wacōri yu Mateo ture ejaquĩ Jesús. Cuto ñari masare moa ñsigũ ñnare niyeru boca ãmirijũ ñacu yu. Yure ti bujacōri ado bajiro yiquĩ Jesús yure:

—Yu rãca waya, yiquĩ Jesús yure.

Jesús yure ito bajiro yija tuocōri, ñre suya wacu yu ñja.

<sup>10</sup> Yu ya wiju ejaquĩ gũa. Ito ejacōri basuocu gũa. Niyeru boca ãmi ñsiri masa, ññaro yiri masa ñacã ñna cuni gũa rãca barona. Jesús rãca riasotirã cuni ñacã gũa rãca barona. <sup>11</sup> Ito bajiro iti bajija ticōri, fariseo gaye tuoĩarã gũa rãca riasotirãre ado bajiro seniĩacã:

—¿No yija mũare riasori masu niyeru boca ãmi ñsiri masa ito yicōri ññaro yiri masa rãca bati? yicã ñna.

<sup>12</sup> Ito bajiro ñna yija tuoquĩ Jesús:

—Ñarise mana, cōmena cuni uco masare ãmomenaji ñna. Cōrã riti uco masare ãmarãji ñna. <sup>13</sup> Dios oca tuti gaye ticōri tuoĩaña mũa. Ado bajiro gotia iti. “Gãjerãre mũa tuo maire ãmoa yu. Gãjerãre tuo maibitibojarãti ecarure sãcōri yure mũa soe ñsibojaja ñe waja ma iti”, yi gotia Dios oca tuti, yiyiju Jesús ñnare. Queno yirãre jirocu meje adi sita wadicu yu. Ññaro yirãre ññaro ñna yirise jidicãtoni gaje adi sitaju wadicu yu, yiquĩ Jesús ñnare.

*Bamenati Diore rucubũore gaye*

*(Mr 2.18-22; Lc 5.33-39)*

<sup>14</sup> Ito ñana Juan idé guri masu rãca riasotirã Jesure seniĩarona ñ tu ejacã ñna:

—Gũa ito yicōri fariseo gaye tuoĩarã cuni coji ruyabeto Diore rucubũorã bamenati ñre rucubũocu gũa. ¿No yija mũ rãca riasotirãma bare bamenati ñre rucubũobeati ñna? yicã ñna Jesure.

<sup>15</sup> ñna ito yija tuocōri, ado bajiro ñnare goti masioquĩ Jesús:

—¿Sĩgũ ñ ãmo siari mũmũ ñ rãca wanũrona ñ ji ñucana ñ rãca ñbojarocati bojori bujarã yirãjida ñna? Bojori

bujamenaji. Yu baba mesa cuni bojori bujamenaji ina rāca yu ñarocama. Co rumu yure ina ñiaroti rumu ejaro yiroja. Yure ina ñiaja ticōri, bamenati yure yiari Diore senirā yirāji yu baba mesa, yiqui Jesús inare.

<sup>16</sup> 'Saya bucuro iti tadija, mamarona sere wōmenaji mani. Mamarona mani sere wōja tūatu wato bucuro tadioja. Ito bajicōri jaja goje busa tadi waroja ija. Mame oca yu riasorise cuni bucurā oca rāca tuoia wisabesa. <sup>17</sup> Uyé mame ide wecu wirowo bucu baju jiomenaji mani. Bucu baju mani jiojama wirowo cuducoaroja. Ito yicōri idire wirowo cuni juajiju godaroja. Ito bajiro uyé mame ide wecu wirowo mama bajuna jiore ñaroja. Ito yicōri uyé ide, wecu wirowo cuni corocō ñaro yiroja, yiqui Jesús inare.

*Jairo macore Jesús i yisioire gaye*

*(Mr 5.21-43; Lc 8.40-56)*

<sup>18</sup> Ito bajiro Jesús i gotiroca riti sigā judio masa ujū ejaquī Jesús ta. Jesús riojo ire rucubuoḡu ñini rūjūquī i. Ito yicōri ado bajiro yiqui i Jesure:

—Janeti yu maco ūsi jedicoamo. Iso ta ejacōri isore mu moaiaja tūdi caticoago yigōji iso, yiqui i Jesure.

<sup>19</sup> Ito i yija tuocōri, ire sūya waquī Jesús. Ito bajiri gūa i rāca riasotirā cuni wacu. <sup>20</sup> Ito bajiro gūa waroca sigō romio cōḡō Jesús judojua eja rūḡūcō. Iso ñacō romia ñarise cōḡō. Itire juā gubojeno rodori cō ñayijo iso. Jesús judojua ejacōri i ya yutabuju gaja moaiacō iso. <sup>21</sup> “I ya yutabuju gaja yu moaiajati caticoago yigoja yu”, yi tuoari seyocō iso. <sup>22</sup> Ito bajiro iso yija tuo masicōri, juda rūḡūquī Jesús. Ito yicōri ado bajiro isore gotiqui:

—Oca seōña yu maco. Yure tuorūnḡō ñacōri caticoaju mu ija, yiqui Jesús isore.

Ito bajiro i yirocati tujacoacō iso ija.



<sup>23</sup> Ito yija bero yoa busari wacōri ujū ya wijū ejacū gua. Yujerona basa ĩna menija ticū gua. Ito yicōri ruje masa ĩna oca cutirise ruyucū. <sup>24</sup> Jesús ado bajiro gotiquĩ ĩnare:

—Adjure budigoya m̄ua maji. Adio macoacā cōgō meje yamo. Canigō yamo, yiquĩ Jesús ĩnare.

Ĩ ito yija tucōri, ĩre ajacā ĩna. <sup>25</sup> Masa ĩna budigoja bero macoacā tū sāja wacōri isore āmo tūa ñiaquĩ Jesús. ĩ ito yirocati jaja rūjūcō iso. <sup>26</sup> Ito bajiro Jesús ĩ yija ticōri, iti sita ñarocōti oca batacū.

Jūarā cajea timenare Jesús ĩ yisioe gaye

<sup>27</sup> Itojū gua waroca cajea timena jūarā awasā s̄uyacā Jesure:

—Ḡare ti maiña David ñayorū janerābatia janami m̄, yicā ĩna Jesure.

<sup>28</sup> Wijū gua sāja ejaroca ĩna jūarā cajea mana c̄uni sāja ejacā. Ito bajiri ĩnare ado bajiro seniñaquĩ Jesús:

—“Ḡua ya cajea tiroca yigū yiguĩji Jesús”, ¿yi t̄oĩati m̄ua? yiquĩ Jesús ĩnare.

—Ito bajiroti t̄oĩa yū Ūjū gua, yicā ĩna Jesure.

<sup>29</sup> ĩna ito yijare, ĩna ya cajeajū moa j̄eocuĩ Jesús:

—Ȳre m̄ua t̄or̄un̄ro bajiroti m̄ua ya cajea tiroca ya yū, yiquĩ Jesús ĩnare.

<sup>30</sup> Ito ĩ yirocati ĩna ya cajeari ticoacā ĩna. Ito yicōri s̄eroo ado bajiro gotiquĩ Jesús:

—Queno t̄oĩama. Ḡajerāre goti batobeja, yiquĩ Jesús ĩnare.

<sup>31</sup> Ito bajiro ĩ yibojarocati yoari mejeti wacōri goti batoyjarā ĩna iti sita ḡanare Jesús ĩ yigorere.

B̄usibic̄ure ĩ busiroca Jesús ĩ yire gaye

<sup>32</sup> Itijūna ĩna was̄oroca coriarā ejacā masa busibic̄ure āmi ejarā. R̄m̄ú s̄āñagū ñaquĩ ĩ. <sup>33</sup> Jesús r̄m̄ure ĩ bucōaja bero busibicū ñabojarū busis̄oquĩ ĩja. Itire ticōri rujū ucacā masa. Ito bajicōri ado bajiro yicā ĩna:

—Israel sitaju ado bajirise tiĭabiticu gua maji, yicã ĩna.

<sup>34</sup> Fariseo gaye tġoġarãma ado bajiro yicã:

—Āniõcũ rũmúa uju ĩ masirisena rũmũare bucõami āni, yicã ĩna.

*Masare Jesús ĩ tġo maire gaye*

<sup>35</sup> Co cuto ruyabeto gua ejarocõ curi cġtori, mutari cġtori cuni minijuara wijũ masare riasoquĩ Jesús. “Īre tġorũnrãre ĩ rotiroju miojugũ yiguĩji Dios”, yire gaye masare riasoquĩ Jesús. Masa jeyaro ĩna ñarise cġtirisere yisioquĩ Jesús. <sup>36</sup> Masa ĩna cõja, ĩna bojori bajaja ticõri, ĩnare ti maiquĩ Jesús. Jesús ĩ tija oveja uju mana robo bajiro bajirã ñacã ĩna. <sup>37</sup> Ito yija gũare ado bajiro yiquĩ Jesús:

—Riti mũare gotia yũ. Jaje ote bucua. Ito bajibojarocati coriarãti ñama itire āmiri masa. <sup>38</sup> Ito bajiri ote ujure seniña, moari masare ĩ cõatoni, yiquĩ Jesús gũare. Ito bajiro ĩ gotija ado bajiro yireoni yiri seyoquĩ Jesús: Jãjarã ñama maji coji Dios ocare tġoĩa yimena. Ito bajibojarocati coriarãti ñama ĩnare ĩ oca gotirona. Ito bajiri Diore seniña jãjarã busa gotiri masare ĩ cõatoni.

## 10

*Jua gũbojeno apóstol mesare Jesús ĩ besere gaye*

*(Mr 3.13-19; Lc 6.12-16)*

<sup>1</sup> Ito yicõri gua jua gũbojeno ñarãre jimiojuquĩ Jesús. Ito bajiro gũare jimiojucõri rũmúa sãñarãre bucõa rotiquĩ ĩ. Ito yicõri masa jeyaro ĩna ñarise cõrisere gũare yisio rotiquĩ ĩ. Ito bajiro yicõri cõrãre gua yisio masiroca yiquĩ Jesús.

<sup>2</sup> Adocõ ña gua jua gũbojeno ñarã Jesús oca riaso ucutoni ĩ cũana. Tite mũa. Cajero Simón Pedro wame cġtigũ ito yicõri ĩ ocabaji Andrés, ito bero Santiago, ito bero ĩ ocabaji Juan, Zebedeo rĩa ñama ĩna. <sup>3</sup> Bero Felipe,

bero Bartolomé, bero Tomás, ito bero yu Mateo ujaräre yiari waja seni isibojacacu, ito bero Santiago, Alfeo macu ñami. Ito bero Tadeo. <sup>4</sup> Ito bero Simón, celote gaye tuoïagoru ñami i, ito bero susari Judas Iscariote. I ñami Jesure ña ñiatoni gotiru.

*Dios oca ña goti ucutoni i rãca riasotiräre Jesús i cõare gaye (Mr 6.7-13; Lc 9.1-6)*

<sup>5</sup> Ado bajiro guu juu gubojeno ñaräre riaso ucu rotiqui Jesús:

—Judio masa meje ña ñari catori riaso ucubeja mua. Samaria sita catori cuni wabeja mua. <sup>6</sup> Quenogoroama Israel sita gãna tu wasa. Ña ñama oveja wisana robo bajiro bajirã. <sup>7</sup> “Yoari mejeti ire tuorünuräre miojugu yiguji Dios”, yi riaso ucuba mua. <sup>8</sup> Ruju jogaräre mua ti bujaja ñare yisioba mua. Gãjerã gaje ñarise cutiräre cuni yisioba mua. Godanare cuni ña catiroca yiba. Rũmua sãnaräre cuni ñare bucõama mua. Ito bajiro mua yi masitoni waja manoti muare jidicã yu. Ito bajiro muare yu jidicãjare mua yirise waja, waja senibeja mua cuni, yiqui Jesús guare.

<sup>9</sup> 'Mua waja niyeru kujiri, oro kujiri, cobre kujiri ãmi wabeja mua. <sup>10</sup> Ito yicõri gajeoni sãra bajuri ãmi wabeja mua. Coro mua sãnarõ riti ãmi waja. Gaje gubocho mua wasoaroti ãmi wabeja. Gajegu turigu ãmi wabeja. Diore moa isirã mua ñajare mua riasorãjuu muare bare ña ecaja quena, yiqui Jesús guare.

<sup>11</sup> 'Jaja cuto jaibiti cuto cuni mua ejaja, yiro bajiro tuoïagũre ãmama. Iocũ mua bujaja i tu canima mua. Iti cuto gãnare mua riasoja i tu riti ñama maji, mua waroto rioju. <sup>12</sup> Wiju mua ejaja, ¿ñati mua? yi seniãcõri, “Queno ñaña mua”, yiba. <sup>13</sup> Masa queno muare ña boca ãmija, ito bajiroti, “Queno ñaña mua”, yi jidicãma ñare. Muare ña queno boca ãmibeja, “Queno ñaña mua”, yi jidicãbeja ñare. <sup>14</sup> Muare ña boca ãmi ãmobeja, ito yicõri muare

ĩna tuo ãmobeja, iti wire ñabeja mua. Ito yicõri iti cutore ñabeja mua. Iti cutore jidicã warã mua ya gubori sũjuri wãrisere ja batecãma mua. Ito bajiro mua yija ticõri, “Ĩnare queno boca ãmibebe mani”, yi tuoĩa masirã yirãji ĩna iti cuto gãna. <sup>15</sup> Riti muare gotia yu. Sodoma ito yicõri Gomorra gãna rëto busaro ñeñaro tõbujarã yirãji ĩna masa ĩna ñeñaro yirise waja Dios ĩ seniri rumu, yiquĩ Jesús guare.

*Dios oca* mua gotija tuo junisinicõri ñeñaro mua tõbujaroca yirã yirãji, Jesús ĩ yire gaye

<sup>16</sup> Yu muare riaso ucu rotija, oveja robo bajiro yaia wato guijoroju muare cõa yu. Queno ãñare bajiro ñacãña mua. Ito bajibojarocati bujare bajiro queno yirã ñama mua. Itoju mua waroto riojua, “Ado bajiro mani yija quena”, yirona queno tuoĩama maji. Ito bajiri ito gãna mua ejaroca ñeñaro ĩna yibojarocati queno yiba muama ĩnare. <sup>17</sup> Queno tuoĩama mua. Muare ñiacõri ñjarã riojo ãmi warã yirãji ĩna. Ito yicõri minijuara wi cuni muare bajerã yirãji ĩna. <sup>18</sup> Yu ocare mua riasojare gobierno masa ito yicõri cuto gãna ñjarã riojo muare ãmi warã yirãji ĩna. Ito bajibojarocati ĩna riojo yu gaye busirã yirãji mua. Ito yicõri judio masa meje ñarãre cuni gotirã yirãji mua. <sup>19</sup> Oca quenori masu riojo muare ĩna ãmi ejaja. “¿No bajiro tuoĩa busigutibe yu, yigu yigujada yu?” yi tuoĩa oca jaibebe mua. Mua busiriju iti ejaja, mua busiroti muare gotigu yiguĩ Dios. <sup>20</sup> Mua busija muario meje busirãji mua. Mani Jacu ĩ ya usi mua rãca ñajare busirã yirãji mua, yiquĩ Jesús guare.

<sup>21</sup> Guijorise iti rëtaja tirã yirãji mua. Masa ĩna ñarãreti gãjerã ĩna sãtoni ñia rotirã yirãji ĩna. Ito yicõri jacu mesa gãjerã ĩna sãtoni ĩna rĩare ñia rotirã yirãji. Ito yicõri ĩna rãaju ĩnare ti junisinicõri gãjerãre sã rotirã yirãji ĩna. <sup>22</sup> Yu ocare mua goti ucujare, masa jeyaro muare ti tudirã yirãji.

Noa yure jidicāmenati jeame ãjuroju ãna waborere ãnare, masogũ yiguĩji Dios. <sup>23</sup> Cutoju mua tõbujaroca ãna yija, gaje cutoju rudi waja. Riti muare gotia yu. Jeyaro Israel sita gāna cūtori mua wa ucu jeoroto riojuaju, yu Masa Rijoru ejagu yiguja yu, yiquĩ Jesús guare.

<sup>24</sup> 'Sĩgũ riasotiri masu ãre riasoru rēto busaro masigũ mami. Ito yicōri sĩgũ moari masu ã çju rētogũ mami. <sup>25</sup> Sĩgũ riasotiri masu ãre riasorure bajiroti yija quena. Ito yicōri moa ãsiri masu ã çjure bajiroti yija quena. Yu mua çjure Beelzebú ãna wame yi tudija, yu ñarā mua ñajare buto busa muare busiturā yirāji ãna, yiquĩ Jesús guare.

*Diore mani gũija quena, Jesús ã yire gaye*

*(Lc 12.2-7)*

<sup>26</sup> Ito bajiro ãna busitubojarocati ãnare gũibeja mua. Ñejuu yeyo busire ma Dios ã tiro riojo. Ñejuu masa ãna yeyo masirise ma. Jeyaro ti masiguĩji Dios. <sup>27</sup> Masa jeyaro tuobeto yu muare gotirise jeyaro masa ãna tuotoni goti batoba mua. Muare yu yeyo gotirisere masare jimiojucōri ãnare gotiba. <sup>28</sup> Mua ya rujure sīarāre gũibeja mua. Mua ya usijure sīa masimenaji ãna. Diore mua gũija quena. ã ñami mua ya rujure sīacōri mua ya usire jeame ãjuroju cōa masigũ. ãre mua gũija quena, yiquĩ Jesús guare.

<sup>29</sup> 'Minia jūarācā waja niyeru cotiacā senirāji ãna. Waja mana ãna ñabojarocati ãna quedĩ godaja ti masiguĩji mani Jacu. <sup>30</sup> Manire cūni queno tirũnũami Dios. Mani ya rijoga joa co joa ruyabeto cōĩa masiguĩji Dios. <sup>31</sup> Ito bajiri tuoĩa oca jaibitiruja manire. Minia rētoro ñasarā ña mani Dios ã tija, yiquĩ Jesús guare.

*“Jesure masigũ ña yu”, mua yi bojobeja quena, Jesús ã yire gaye*

*(Lc 12.8-9)*

<sup>32</sup> 'Masa tiro riojo, “Jesure tuorũnurā ña guu”, yirāreama yu cūni yu Jacu ũmacũju gagure, “ãna ñama

yu ñarã”, yi masigũ yigũja yu. <sup>33</sup> Ito bajibojarocati masa tiro riojo, “Jesure masibea yu”, ñna yija, yu cuni yu Jacu ãmacũju gagure, “Yu ñarã meje ñama ñna”, yi masigũ yigũja yu, yiquĩ Jesús guare.

Yure mua tuorũnũja ticõri, muare ti junisinirã yirãji, Jesús ã yire gaye

(Lc 12.51-53; 14.26-27)

<sup>34</sup> “Sĩgũre bajiro tuoĩacõri masa ñna queno wanu quenatoni wadiñi Jesús”, yi tuoĩabesa mua. Ñeñaro yi ãmorã yu oca tuomenati junisinirã yirãji masa. <sup>35</sup> Sĩgũ yure ã tuorũnũja ã jacũjua ãre tudigu yiguĩji. Ito yicõri sĩgõ yure iso tuorũnũja iso jacojua isore tudigo yigõji. Ito yicõri sĩgõ yure iso tuorũnũja iso mañicõ isore tudigo yigõji. <sup>36</sup> Ito bajiri sĩgũ yure tuorũnũgũ ã ñajare, ã ñarã ñabojarãti ãre ti tudirã yirãji ñna. Ito yicõri ñna ñarã yirãji ã wajana, yiquĩ Jesús guare.

<sup>37</sup> No ã jacore ã jacure yure rẽto busaro maigũ, yu yagu ñado mami ãocũ. No ã macore ã macure yure rẽto busaro maigũ yu yagu ñado mami ãocũ. <sup>38</sup> “Jesure yu sũyaja yucutẽojũ yure jaju sãarã yirãji”, yi tuoĩa gũigũ, yu yagu ñado mami ãocũ. <sup>39</sup> No ã catirise maibojaguti godagu yiguĩji. Ito bajibojarocati yure tuorũnũgũ, yu oca ã gotija tuo junisinicõri ñna sãagũama catitĩñare gaye bujagu yiguĩji, yiquĩ Jesús guare.

Dios tu waja bujare gaye

(Mr 9.41)

<sup>40</sup> No muare boca ãmirãti yure cuni boca ãmirã yirãji ñna. Ito yicõri no yure boca ãmirãti yure cõarure cuni boca ãmirã yirãji ñna. <sup>41</sup> No, “Diore goti ãsiri masũ ñami”, yi masicõri ãre boca ãmirã Dios tu ã bujado bajiroti waja bujarã yirãji ñna cuni. No, “Queno yigu ñami”, yi masicõri ãre boca ãmirã, Dios tu ã bujado bajiroti waja bujarã yirãji

ĩna cuni. <sup>42</sup> Riti mũare gotia yũ. No yũre sũyarãre ñasarã meje ĩna ñabobarocati ĩnare boca ãmicõri ĩnare ĩna ide ioja, waja bũjarã yirãji ĩnaõna. “Jesure sũyagu ñami”, yi masicõri ĩre ĩna boca ãmija, waja bũjarã yirãji ĩnaõna, yiquĩ Jesús guare.

## 11

“Jesure titẽña”, Juan idé guri masũ ĩ yi ñucare gaye  
(Lc 7.18-35)

<sup>1</sup> Gũa ĩ rãca riasotirã jũa gũbojeno ñarãre ito bajiro riaso rotiquĩ Jesús. Ito bajiro ĩ goti tĩoja bero iti sita cãtori masare riaso ucurã wacũ gũa, Jesure sũyarã.

<sup>2</sup> Iti rãmũ masare idé guri masũ Juan tubiara wijũ ñañi. Itojũ ĩ ñaroca Jesús ĩ masare riaso ucure, ito yicõri tiyamani ĩ ĩore gaye oca ejayijũ ĩre. Ito bajiri Jesure ĩna seniĩatoni ĩ rãca riasotirã jũarãre cõañi Juan. <sup>3</sup> Gũa tũ ejacõri ado bajiro Jesure seniĩacã ĩna:

—¿Mũti ñati Cristo Dios ĩ cõarũ? Gãji mũ ñajama, ¿gãjijũare bocatirãtite gũa? yi seniĩacã ĩna Jesure.

<sup>4</sup> ĩna ito yija tũocõri:

—Wasa, Juan tũ tũdi wasa. ĩ tũ ejacõri mũa tigure, mũa tũogore cuni gotiba ĩre. <sup>5</sup> Ado bajiro ĩre mũa gotire ãmoa yũ: “Timena cuni ticoa. Wamena cuni wacoa. Rujũ camĩ jogarã cuni camĩ yatico. Tũomena cuni tũocoama. Godana cuni tũdi caticoama. Ito yicõri bojoro bũjarã cuni Dios oca quenarise gaye tũo, baji ñañi ĩna Jesús ĩ masirise ĩ ĩojare”, yi gotiba, Juan tũ mũa ejaja. <sup>6</sup> No yũre tũorũnugũ ĩ jidicãbeja wanũ quenagũ yiguĩji, yiquĩ Jesús ĩnare.

<sup>7</sup> ĩna waja bero Juan idé guri masũ gaye masare gotisũoquĩ Jesús:

—¿Yucũ manojũ warã ñimũre tũoĩa wacati mũa? ¿Sĩgũ ãmũgũ mino iti waja, ñe rũgõgũre tũoĩa wacatite mũa?

<sup>8</sup> ĩocũre mũa tũoĩa wabeja, ¿ñari masa ya yutabujuri

sãñagũre tũoĩa wacatite mũa? “Quenarise yutabu-juri sãñarã ñacã ñna Ƴjarã tũ ñarã”, yi masia mani. <sup>9</sup> ¿Ñimũjũare tũoĩa wasacati mũa? ¿Diore goti ñsiri masũre tũoĩa wacatite mũa? Riti mũare gotia yũ. Gãjerã Diore goti ñsiri masa rẽtoro ñagũre tiyija mũa. <sup>10</sup> Dios oca tutijũ Juan idé guri masũ gaye ado bajiro gotia:

Mũ riojũa oca goti yuri masũ cõagũ yigũja yũ. Ñti ñami mũ ejaroto riojũa queno yuri masũ, yi gotia Dios oca tuti.

<sup>11</sup> Riti mũare gotia yũ. Nijũa gãji masũ, masa jeyaro wato Juan idé guri masũre bajiro ñasagũ maquĩji. Ito bajibojarocati Dios ñ rotirojũ ñasarã meje ñabojarocati ñna ejaja Juan rẽto bũsaro ñasari masa ñarã yirãji ñna, yiquĩ Jesús masare.

<sup>12</sup> ‘Cajero Juan ñ riasosũorocajũ, ito yicõri adi rũmũriju cũni jãjarã ñnama Dios ñ rotirojũ sãja ãmorã. Jãjarã ñabojama ñna ñẽñaro yirise jidicãmenati jore sãja ãmbojarã.

<sup>13</sup> Juan ñ ejaroto riojũa, “Ñre tũorũnũrãre ñ rotirojũ miojugũ yiguĩji Dios”, yi tũoĩa yurã bũsiñi Diore goti ñsiri masa. Dios rotirise ucari masũ Moisés ñayorũ cũni ito bajiroti bũsiñi. <sup>14</sup> “Diore goti ñsiri masũ Elías wame cutigũ goaĩogũ yiguĩji”, yi goti yuyijarã ñna. “Juana sũoriti goaĩoami ñna tũoĩa yurũ”, mũa yi tũoĩa quena. <sup>15</sup> “Gãmo goje cutirã tũoya mũa”, yiquĩ Jesús masare.

<sup>16</sup> ‘¿Ñena cõĩacõri no bajiro bajiatibe adi rũmũri gãna masa, yi cõĩagũtibe yũ? Rĩaca cuto gũdareco ñna baba rãca aje rujicõri bũsi rujirãre bajiro bajiamã ñna. <sup>17</sup> “Seru jutia gũa. Ito bajibojarocati borobea mũa. Bojori bũjare basa gũa sãbojaja otibea mũa”, rĩaca yi ajerã robo bajiro bajirã ñnama adi rũmũri gãna. <sup>18</sup> Ito bajiro ya mũa cũni. Mũa ãmoro bajiro gãji ñ yibeja, junisia mũa. Juan ñ ejaja ticõri, jeyaro ñ babeja, Ƴyẽ ide ñ idibeja ticõri, “Rũmũ sãñarũ ñami ãni”, yicũ mũa. <sup>19</sup> Ñ bero ejacũ yũ, Masa Rĩjorũ. Yũ baja,



yu idija ticōri, “Jairo bagu ñami ĩ. Ito yicōri idiri masu ñami. Ñeñaro yiri masa baba ñami ãni. Ujaräre yiri waja seni ĩsiri masa baba ñami ĩ”, yicu mua yure. Ito bajiro mua yibojarocati Dios masirise mua tuo masi ãmoja, ĩre masiräre ĩna yigore ticōri tuo masirã yirãji mua, yiquĩ Jesús masare.

Cutori gãna riojo cudimena oca  
(Lc 10.13-15)

<sup>20</sup> Ito bajiro ĩ yija bero tiyamani ĩ ĩora cutori gãnare tuoĩacōri ĩnare tudisuoquĩ Jesús. Ñeñaro yirisere ĩna jidicãbejare ito bajiro ĩnare tudiquĩ Jesús:

<sup>21</sup> —Bujato bujarã yirãji mua Corazín gãna. Bujato bujarã yirãji mua Betsaida gãna cuni. Tiro cuto gãna ito yicōri Sidón cuto gãnare cuni muare tiyamani yu ĩocato bajiro ĩnare yu ĩoja iti rumuju ĩna ñeñaro yirisere tuoĩa bojori bujacōri jidicãboana ĩna. “Gua ñeñaro yirise jidicã gua”, yirona yutabuju bojori baju sãñaboana ĩna. Ito yicōri, “Bojori buja gua”, yirona ĩna ya rijogaju oja jeboana ĩna. <sup>22</sup> Riti muare gotia yu. Ñeñaro yirisere mua jidicãbeja, Dios ĩ waja seniri rumu Sidón gãna, Tiro gãna rēto busaro ñeñaro tōbujarã yirãji mua. <sup>23</sup> Mua Capernaum gãna, “Umacuju Dios ĩ ñaroju ejacoana mani”, yi tuoĩaboja mua. Ejamenaji mua. Jubeju godana tujju jeame ujuroju ejarã yirãji mua. Sodoma gãnare tiyamani yu muare ĩocato robo bajiro yu ĩnare ĩoja, ĩna ñeñaro yirisere jidicãboana ĩna. Ito bajiri adi rumuriju cuni ñaboadoja ĩna cuto maji. Tiyamani yu muare ĩbojarocati ñeñaro mua yirise jidicã ãmobeja mua. <sup>24</sup> Riti muare gotia yu, Dios ĩ waja seniri rumu Sodoma gãna rēto busaro ñeñaro tōbujarã yirãji mua, yiquĩ Jesús masare.

Yure mña sųyaja tujacãre gaye bujarã yirãji mña, Jesús ĩ yire gaye

(Lc 10.21-22)

<sup>25</sup> Iti rumuri Diore ado bajiro basiquĩ Jesús:

—Cuna, ũmacũju gagu Ũju ña mñ. Adi tuti gagu cuni Ũju ña mñ. Mure rŭcubuo a yu. Yu riasorise ñasari masa, bato tuo masirãre cuni ĩna masibitiroca ya mñ. Ito yicõri yu riasorise bato ñasari masa meje, bato tuo masimenare cuni ĩna tuo masiroca ya mñ. Ito bajiri mure rŭcubuo a yu.

<sup>26</sup> Ito bajiro ya Cuna mñ, mñ ãmoro robo bajiro yigu, yiquĩ Jesús Diore.

<sup>27</sup> Jeyaro yu yirise, yu ĩogorise cuni yu yi masiroca yami yu Jacu. Yu Jacu sĭgũti yure masiami. Gãjerãma yure masibeama. Yu sĭgũti yu Jacure ti masia. Gãjerãma ĩre ti masimenaji. ĩre masitoni yu gotirã riti yu Jacure masirãji ĩna. <sup>28</sup> Moare bogarã, rŭcurise ãmiboja bogarãre bajiro bajirã ña mña yu tija. Ito bajiri yure tuorã waya. Mũare tujacã rotigu yiguja yu. Ito yicõri yure mña tuorũnuja mña tuoĩa oca sėoroca yigu yiguja yu. <sup>29</sup> Yu rotiro robo bajiro cudiya mña. Ito yicõri yu gaye riasoya. Masare ti maigũ ñari sėoro mũare rotibicuja yu. Ũsirioro yigu meje ña yu. Ito bajiri yu rotiro robo bajiro mña cudiya ticõri, mña tujacãroca yigu yiguja yu. Ito yicõri mña ya usiju sajari oca cutiro yiroja mũare. <sup>30</sup> Yu mũare rotirise josari meje ña. Ito bajiri yu gaye mña cudiya bojori bujamenati queno wanu quenarã yirãji mña. Rŭcubiti ũmarã bajiro wanu quenarã yirãji mña, yiquĩ Jesús masare.

## 12

*Jesús rãca riasotirã trigo ajeri beja ãmicõri ĩna bare gaye*  
(Mr 2.23-28; Lc 6.1-5)

<sup>1</sup> Iti rumuri tujacãra rumu ñaroca ote wato wacu gua Jesús rãca. Gua ĩ rãca riasotirã ñiocõcu. Ito bajiri trigo

ajeri beja ãmicõri bacu gña. <sup>2</sup> Iti gña baja ticõri, fariseo gaye tñoïarã ado bajiro yicã Jesure:

—Tite. Mu rãca riasotirã tujacãra rumu moare gaye mejeti moama ñna, yicã ñna Jesure.

<sup>3</sup> Ito bajiro ñna yija tñocõri, ado bajiro cudiqui Jesús:

—Co rumu David ñayoru i rãca gãna ñiocõ wana ñna yigore, ¿Dios oca tuti tiñabiticati mua? <sup>4</sup> Ñiocõ wana ñari Dios ya wiju sãjacõri, ñre rucubnorã gãjerã ñna cüre naju bayjarã ñna. Paia mesa riti ñna baroti ñabojayiju iti. David mesa ñna baroti meje ñabojayiju. <sup>5</sup> “Paia mesa tujacãra rumu Dios ya wiju ñna tujacãbeja ñeñaro yirã meje yiana ñna”, yi Moisés ñayoru i ucare gaye, ¿tiñabiticati mua? <sup>6</sup> Riti muare gotia yu. Dios ya wi rëto busaro ñasagu ña yu. <sup>7</sup> Dios oca tuti gaye queno tñoïa masibea mua. Ado bajiro gotia iti: “Masa gãjerãre queno ti maija quena yure. No yibea ecaru siãcõri yure ñna soe ñsija”, yi gotia Dios oca. Itire mua tñoïa masija, gãjerãre ti maicõri, “Ïnare seti ña”, yibitiboana mua. <sup>8</sup> Masa Rïjoru, Dios i cûru ña yu. Ito bajiri tujacãra rumu gaye yu rotiroti cuni cûquï Dios yure, yiquï Jesús masare.

*Ãmo digaru*re Jesús i yisioire gaye

(*Mr 3.1-6; Lc 6.6-11*)

<sup>9</sup> Ito yija bero judio masa minijuari wiju wacõri sãjacu gña Jesús rãca. <sup>10</sup> Iti wiju ñaquï sigũ co daja ãmo digaru. “Jesure seti ña”, yirona fariseo gaye tñoïarã ado bajiro Jesure seniãcã ñna:

—¿Moisés ñayoru rëobisijari tujacãra rumu cõrãre yisioire gaye? yi seniãcã ñna Jesure.

<sup>11</sup> Ñna ito yija tñocõri:

—¿Sigũ mua ya ecaru i rujaraju i quedi roaja ãmirã wamenajida mua? Tujacãra rumu ñabojarocati mua ya ecaru i quedi roaja ñre ãmirã warãji mua. <sup>12</sup> Ecaru rëto busaro ñasagu ñami masu. Ito bajiri tujacãra rumure

cuni gājire mani ejabuaja quena, yiquĩ Jesús fariseo gaye tñoĩaräre.

<sup>13</sup> Ito yija ãmo digagure ado bajiro yiquĩ Jesús:

—Mu ya ãmo ñujoya ĩja.

Ĩ ñucõarocati jajacoacu ĩja, gaje duja ricare bajiroti.

<sup>14</sup> Ito ĩ yija ticõri, budi wacã fariseo gaye tñoĩarã. “¿No bajiro yicõri Jesure sĩarujati mani?” yi tñoĩa busiri seyocã ĩna.

*Ado bajiro ñagũ* yiguĩji Jesús, yi tñoĩa yure gaye

<sup>15</sup> Ito bajiro ĩna tñoĩaja, tño masicõri gajerojua waquĩ Jesús mucana. Gua cuni ĩ rãca wacu. Jesús ĩ waja ticõri, jãjarã masa suya wacã gua rãca. Ito ĩ waroju ñajediro masa cõrãre yisioquĩ Jesús. <sup>16</sup> Ito yicõri, “Ãniti guare yisioquĩ”, yibeja mua, yiquĩ ĩ ĩnare. <sup>17</sup> Isaías ñayoru Diore goti ĩsiri masu ĩ goticãdo bajiroti rõtacu iti. Ado bajiro goti ucayoñi Isaías ñayoru:

<sup>18</sup> Ñni ñami yure moa ĩsiri masu yure cadigu. ĩre besecu yu. ĩre maia yu, ito yicõri ĩre wanua yu. Yu ya usi ĩre queo sãgũ yiguja yu. “Masa ĩna ñeñaro yirise waja senigũ yiguĩji Dios”, yi masare goti batogu yiguĩji ĩ.

<sup>19</sup> Masare oca josabicu yiguĩji ĩ. Ito yicõri masare ma gadareco eja rügõcõri awasã gotibicu yiguĩji ĩ.

<sup>20</sup> Yure queno tñorñusamenare cuni ĩnare cõabicu yiguĩji. Yure queno tñorñusamenare ĩnare ejabuagu yiguĩji ĩ, yure ĩna queno tñorñuñtoni. Ito bajiro ñagũ yiguĩji ĩ, masa jeyarore yu ti beseri rmmu iti ejarocaju.

<sup>21</sup> “Ĩti ñami masare masorocu Dios ĩ cõaru”, yi tñoĩa wanu yurã yirãji masa jeyaro, yi gotia Dios oca tuti, yiquĩ Jesús fariseo gaye tñoĩaräre.

Rūmúá ɯɟu rotirise boca āmicōri yami Jesús, ĩna yire gaye

(Mr 3.20-30; Lc 11.14-23; 12.10)

<sup>22</sup> Ito yija bero sīgũre Jesús tu āmi ejacā ĩna. Ī ñaquĩ tibicu, busibicu cuni. Rūmú sãñagũ ñari ito bajiro ñabo-jaquĩ ĩ. Īre yisioquĩ Jesús. Ito bajiri tibicu ñabojaru tiquĩ ĩja. Ito yicōri busibicu ñabojaru busicoaquĩ ĩja. <sup>23</sup> Itire ticōri masa jeyaro ɯcacā:

—¿David ñayoru janerābatia janamiti ñati āni? yi tɯoĩacā masa.

<sup>24</sup> Ito bajiro masa ĩna yija tɯocōri, ado bajiro yicā fariseo gaye tɯoĩarā:

—Rūmúare ĩ bucōaja rūmúá ɯɟu Beelzebú wame cutigu ĩ masirisena rūmúare bucōami ĩ, yicā ĩna.

<sup>25</sup> Ito bajiro ĩna yi tɯoĩarise ti masicōri ado bajiro yiquĩ Jesús ĩnare:

—Cutori gāna ɯjarā gāmeri ĩna junisinija queno cuto ña rujeabetoja. Co cuto gāna, co wi gāna cuni ĩna gāmeri junisinija, queno ña masimenaji ĩna. <sup>26</sup> Ito bajiroti rūmúá ɯɟu rūmúare ĩ bucōaja queno ña masibiquĩji ĩ. Ito bajiro ĩ yija queno roti masibiquĩji ĩja. <sup>27</sup> “Beelzebú wame cutigu ĩ ejabuarisena rūmúare bucōami ĩ”, yiboja mɯa yure. Ito bajiro mɯa yure yi tɯoĩabojaja, “Rūmú ĩ ejabuarise rāca bucōama gɯa rāca gāna”, yirāre bajiro ya mɯa. “Tɯoĩa wisarā ya gɯa”, yi tɯoĩarɯja mɯare. <sup>28</sup> Rūmúre yɯ bucōaja Espiritu Santona sɯoriti bucōa yɯ. Ito bajiro yɯ yija, “Diore tɯorũnurāre ĩ miojuri rumɯ eja waju ĩja”, yi masirā yirāji mɯa, yiquĩ Jesús ĩnare.

<sup>29</sup> ‘Sīgũ gāji sēogũ ya wi sājacōri ĩre siabicuti gajeoni ěma masibiquĩji ĩ. Īre ĩ siaja beroɟu gajeoni ěma masiguĩji ĩ. Rūmúá ɯɟu rētoro masigũ ña yɯ. Ito bajiri rūmúare bucōa yɯ, yiquĩ Jesús fariseo gaye tɯoĩarāre.

<sup>30</sup> ʻYɯ robo bajiro tʷoĩamena yʷre tʷo terã ñama ñaõna. Yʷre ejabuabicu yʷre ñeñaro yami ïocũ, yiquĩ Jesús ñnare.

<sup>31</sup> ʻRiti muare gotia yɯ. Masa ña ñeñaro yija, ito yicõri ñeñaro ña busija cuni, ñnare ãcabojo masiguĩji Dios. Espiritu Santore ña busituja, itireama ñnare ãcabojo masibiquĩji Dios. <sup>32</sup> Yɯ ña Masa Rĩjorɯ. No yʷre ï busituja, ïocũre ãcabojo masiguĩji Dios. Ito bajibojarocati, no Espiritu Santore ï busituja itireama ïre ãcabojo masibicu yiguĩji Dios. Adi tutire ũmacãjɯ Dios ï ñarojɯ cuni ãcabojo masibicu yiguĩji Dios, Espiritu Santore masa ña busituja, yiquĩ Jesús fariseo gaye tʷoĩarãre.

*Ricana* sʷoriti yucugʷre ti masia mani, yi Jesús ï riasore gaye

(Lc 6.43-45)

<sup>33</sup> ʻYucugɯ quenaricu iti ñaja, quenarise rica cutiro yiroja. Yucugɯ ñeñaricu iti ñaja, ñeñarise rica cutiroja. Ricajɯ ticõri, “Adigu ña quenarise rica cutiricu, adigu ña ñeñarise rica cutiricu”, yi ti masia mani. <sup>34</sup> Ñeñaro busirã mɯa ñajare ãña juniro bajiro baja mɯa ya rise. Ñeñaro riti yirã ñari quenarise busi masimenaji mɯa. Mani ya usi iti tʷoĩaro bajiroti busia mani. <sup>35</sup> Sĩgũ queno yigu quenarise busigu yiguĩji, ï ya usi iti tʷoĩaro bajiroti. Ito yicõri ñeñaro yigu, ï ya usi ñeñaro iti tʷoĩaro bajiroti ñeñarise busigu yiguĩji ï. <sup>36</sup> Riti muare gotia yɯ. Dios ï waja seniri rumu rocati mani busiado bajiroti manire waja senigũ yiguĩji. <sup>37</sup> Mani busi wado bajiroti waja senigũ yiguĩji Dios. Queno yirã mani ñaja, “Queno yirã ñama ña”, yigu yiguĩji Dios manire. Ito yicõri ñeñaro yirãreama, “Seti cutirã ñama”, yigu yiguĩji Dios, yiquĩ Jesús fariseo gaye tʷoĩarãre.

*Tiyamani* mɯ ïore ãmoa gɯa, yi ña senire gaye

(Mr 8.12; Lc 11.29-32)

<sup>38</sup> Ito ï yija bero, ado bajiro seniãcã fariseo gaye tʷoĩarã, ito yicõri judio masa rotirise riasori masa cuni:

—Riasori masu, tiyamani mu iore amoa gua, yica ina Jesure.

<sup>39</sup> Ito yija ado bajiro inare cadiquĩ Jesu:

—Ñeñaro yirã ito yicõri yure tuorũnũmena cuni, tiyamani yu iore amoama ina. Ito ina yibojarocati inare ioado ma yu. Jonás ñayoru Diore goti isiri masu ire retare gaye riti inare goticũja yu. <sup>40</sup> Ado bajiro retayiju Jonásre: Udia rumu, udia ñami wai jaigu totiju ñabojayiju. Ito bajiroti yu cuni Masa Rĩjoru ñami udia ñami mũma udia rumu ñagũ yigũja yu sita watoju. <sup>41</sup> Nĩnive cuto ñayoana Dios i waja seniri rumu mucana tũdi catirã yirãji. Tũdi caticõri, “Mũare seti ña”, yirã yirãji adi rumuri gãnare. Nĩnive cuto gãna ñayoana Jonás ñayoru Dios oca i gotija tuocõri, ñeñaro ina yirisere jidicãyijarã ina. Ito yicõri mama usi wasoayijarã ina. Jonás ñayorure ina tuorũnũjare, tũdi caticõri, “Mũare seti ña”, yirã yirãji ina adi rumuri gãnare. Yu ado mua rãca ñagũ Jonás ñayoru reto busaro ñasagu ña yu. Ito bajibojarocati yure tuorũnũbea mua. <sup>42</sup> Rocaju gago ujo ñayoro Dios i waja seniri rumu mucana tũdi caticõgo yigõji iso. Mucana tũdi caticõri adi rumuri gãnare, “Mũare seti ña”, yigo yigõji iso. “Salomón queno masigũ ñayiju”, yija tuocõri, sõju gago wadicõri i tu ejayijo iso. Ito bajiri adi rumuri gãnare, “Mũare seti ña”, yigo yigõji iso. Yu ado mua rãca ñagũ Salomón reto busaro ñasagu ña yu. Ito bajibojarocati yure tuorũnũbea mua, yiquĩ Jesús fariseo gaye tuoĩarãre.

*Masure budigocõri mucana tũdi rũmũ i sãjare gaye*

*(Lc 11.24-26)*

<sup>43</sup> Rũmũ sigũre i budija, ide manojũ tuja amogũ ama ucuguĩji. I bujabeja ado bajiro tuoĩagũ yiguĩji: <sup>44</sup> “Yu budigoadojũ tũdi warũja yure”, yi tuoĩaguĩji. I budigorure mucana tũdi i ejaja, queno wi ueri mani wi, queno carari wi robo bajiro ti ejagu yiguĩji. <sup>45</sup> Ito bajiro ire ti ejacõri

ɟua āmojeno rūmua ī rēto busaro ñeñaro yirāre āmi eɟaɟu yiguīji ī. Ito yicōri īna ñarocōti ũmugūre sājarā yirāji īna. Ito bajiro īna sājajare buto busa ñeñaro yigu ñagū yiguīji ũmugū īja. Ito bajiroti rētarō yiroja adī rūmuri gāna ñeñaro yirāre cūni, yiquī Jesús fariseo gaye tūoīarāre.

*Jesús ī ñarā ado bajiro bajiamā, yire gaye*

*(Mr 3.31-35; Lc 8.19-21)*

<sup>46</sup> Jesús masare ī busiroca riti ī jaco ī ocabaji mesa rāca macūju eja rūgūcā īna. Jesure busirona īre ji bucōabojacā īna. <sup>47</sup> Sīgū īre jigū ado bajiro yiquī ī Jesure:

—Mū jaco, mū ocabaji mesa rāca ado macūju ñama. Mū rāca busi āmoama īna, yiquī ī Jesure.

<sup>48</sup> Ito ī yijare ado bajiro cūdiqū Jesús:

—¿Ñimo ñati yū jaco, ito yicōri noa ñati yū ocabajirā? yiquī Jesús īre.

<sup>49</sup> Ito yija gūa ī rāca riasotirāre ticōri:

—Āna ñama yū ñarā, ito yicōri yū jacore bajiro bajirā.

<sup>50</sup> Noa yū Jacū ũmacūju gagū ī rotiro bajiro yirā, īna ñama yū ocabajirāre bajiro bajirā, ito yicōri yū jacore bajiro bajirā, yiquī Jesús īre.

## 13

*Oteri masu gaye Jesús ī goti masiore oca gaye*

*(Mr 4.1-9; Lc 8.4-8)*

<sup>1</sup> Iti rūmūti wire budi wacōri, itajura tūnima rujicu gūa Jesús rāca. Ito bajiro yicōri masare riasoquī Jesús. <sup>2</sup> Masa jājarā busa īna minijua wadija ticōri, cumajū sājacōri rujiquī Jesús. Masa minijuacāna jajūju riti tujacā īna. <sup>3</sup> Ito yija goti masiore ocana masare riasoquī Jesús.

Ado bajiro riasoquī ī:

—Sīgū wesecajū ī ya ote ajeri otegu wayijū ī. <sup>4</sup> Weseca ejacōri iti ajerire ī wējabateroca, gaje ajeri majū quedī queayijū. Ito bajiri minia ejacōri itire ba batecōyijarā.



<sup>5-6</sup> Ito yicōri gaje ajeri gūta watojū quedi queayijū. Queno sita mañijū. Ito bajiri judiboja, yoari mejeti siniacoayijū iti ūmacañi jeana, sita jōrecōri. Ito yicōri ñemari iti manijare siniacoayijū iti. <sup>7</sup> Ito yicōri gaje ajeri jota watojū quedi yijū. Ito bajiri jota mari itire ðarea síacōyijū. <sup>8</sup> Gaje ajeriana sita quenaro quedi queayijū. Iti judi mūjacōri queno rica cūtiyijū. Coria sarari cien ñari ajeri rica cūtiyijū. Gaje sarari setenta ñaricari, gaje sarari treinta ñaricari rica cūtiyijū. <sup>9</sup> Mūa gāmo goje cūtiya, yū busirisere tūo masiña mūa, yiquī Jesús masare.

*¿No yija goti masiore ocana masare riasoati mū? ñna yi seniñare gaye*

*(Mr 4.10-12; Lc 8.9-10)*

<sup>10</sup> Ito bajiro Jesús ñ yija tūocōri, ado bajiro seniñacu gūa ñ rāca riasotirā:

—¿No yija goti masiore ocana masare riasoati mū? yicu gūa ñre.

<sup>11</sup> Ado bajiro gūare cūdiqū ñ:

—“Ñre tuorñnarāre ñ rotirojū miojugū yiguñji Dios”, yi gājerā ñna tūoñabitire mūa masiroca yami ñ. Gājerāreama ñna masiroca yibeami Dios. <sup>12</sup> No ñre tuorñnugūre jai busaro tūo masire gaye jidicāgū yiguñji Dios ñre. Ito bajiri jai busaro masigū yiguñji ñ. No ñre tuorñnubicure jabetacā ñ tūoñabojarisere ēmacōgū yiguñji Dios ñre. Ito bajiri ñe tūoñare mano tujagū yiguñji ñ. <sup>13</sup> Ito bajiri masare tūo masire ocana ñnare riasoa yū. Tibojarāti timenare bajiro ñnama ñna. Ito yicōri tūobojarāti tūomenare bajiro ñnama ñna. Ito bajiri Dios ocare tūobojarāti, “Ito bajiro yireoni ñaroja iti”, yi tūoñā masibeama ñna. <sup>14</sup> Ito bajiro ñna bajija Diore goti ñsiri masū Isaiás ñayorū ñ gotiado bajiroti rēta. Dios oca gotigū ado bajiro ucayoñi Isaiás ñayorū:

Yūre tūobojarāti itire tūo masimena yirāji mūa. Tibojarāti, “Ito bajia”, yi masimena yirāji mūa.

<sup>15</sup> Adocāta gāna yu tuoīaro bajiro ĩna ya usina yure tuoīa āmobeama ĩna. Tuobojarāti ñeñaro tuo godo we-orāji. Ito yicōri tibojarāti bibicāna bajiro bajiamā ĩna. Yu ĩbojarise ti āmobeama. ĩna ya gāmo gojena tuo āmobeama ĩna. ĩna ya usina tuo masi āmobeama ĩna. Ito yicōri yure yisio rotirā ejamena yirāji ĩna, yi gotiami Dios, yi ucayoñi Isaías ñayoru, yiquĩ Jesús guare.

<sup>16</sup> 'Queno wanurā ña mua. Yure ticōri ti masia mua. Ito yicōri yure tuocōri tuo masia mua. <sup>17</sup> Riti muare gotia yu. Jājarā Diore goti ĩsiri masa ñayoana, queno yirā ñagoana cuni mua tirisere ti āmobjayijarā ĩna. Ito bajibojarocati tibisijarā ĩna. Mua tuorise cuni tuo āmobjayijarā. Ito bajibojarocati itire tuobisijarā ĩna, yiquĩ Jesús guare.

*Ado bajiro baja oteri masu ye, yi Jesús ĩ goti quenore gaye*

*(Mr 4.13-20; Lc 8.11-15)*

<sup>18</sup> "Oteri masu sīgũ ado bajiro bajiyijũ", yirocu muare gotibũ yu. Ito bajiri adocāta muare goti rētobugũ ya yu, mua queno tuo masitoni. Queno tuo ya mua. <sup>19</sup> "Īre tuorũnrāre ĩ rotiroju miojugũ yiguĩji Dios", yire gaye oca tuobojarāti, itire queno tuo masimenaji gājerā. ĩna ñama ĩ otegũ waroca majũ quedira ajeri robo bajiro bajirā. Dios oca tuobojarocati ĩna ācabojaroca yami rũmũ. <sup>20</sup> Coriarā Dios oca tuocōri queno wanure rāca boca āmibojarāti yoari mejeti jidicārāji ĩnaõna. ĩna ñama gũta watoju sita jōreroacā quedira ajeri robo bajiro bajirā. <sup>21</sup> Queno Dios oca tuo ñiabicōri, yoari mejeti jidicārā yirāji ĩna. "Dios ocare yu tuorũnũja ticōri, yu tōbũjaroca yama gājerā. ¿No yija Dios ocare tuorũnuatibe yu?" yi tuoīa bojori bũjarā yirāji ĩna. Ito bajiri ĩ ocare jidicārā yirāji ĩna. <sup>22</sup> Gājerāma Dios oca tuo ñiabojarāti bũto adi sita gaye tuoīa usirioama ĩnaõna. ĩna ñama jota wato quedira ajeri robo bajiro

bajirã. Buto gajeonire tuoña ãmosacõri queno Dios ocare tuo suyabeama ãnaõna. Ito bajiri Dios ã ãmoro bajiro queno yi masimena yirãji ãna, ito yicõri ãre queno moa ãsimenaji ãna. <sup>23</sup> Gãjerãma Dios oca tuoõcõri queno tuo ñiarã yirãji. ãna ñama sita quenariseju quedira ajeri robo bajiro bajirã. Ito bajiri Dios ã ãmoro bajiro yirã yirãji ãna. ãna ñarã yirãji cien rica cutiri sara robo bajiro bajirã. Ito yicõri gãjerã sesenta rica cutiri sara robo bajiro bajirã, gãjerãma treinta rica cutiri sara robo bajiro bajirã yirãji ãna, yiquĩ Jesús guare.

*Ote quenarise wato ta widirise judire oca*

<sup>24</sup> Mucana gaje goti masiore ocana masare gotiquĩ Jesús:

—“ãre tuoõnũmenare ruyuriogu yiguĩji Dios. ãre tuoõnũrãre riti ã rotiroju miojugu yiguĩji”, yirocu goti masiore ocana masare gotiquĩ Jesús: “ãre tuoõnũrãre ã rotiroju miojugu yiguĩji Dios”, yire oca masare mani riasoja, ado bajiro baja ita. Tuote mua. Sãgũ ã ya wesecaju ã ya ote ajeri quenarise oteyiju. <sup>25</sup> ã oteja bero ã caniroca ã ya weseca ejacõri ta widirise oteyiju ã wajacu. Ito yicõri wacoayiju ã. <sup>26</sup> Ito bajiri ote bucua mua wato ta widirise cani goayiju. <sup>27</sup> Ito bajija ticõri, ã ya moari masa ãre gotirã wayijarã. ã tu ejacõri ado bajiro yiyijarã ãna: “¿Gua uju ote quenarise riti otebojacati mu? ¿No yija ito bajibojarocati ta widirise wusari?” yiyijarã ãna ujure. <sup>28</sup> Ito ãna yijare: “Sãgũ yu wajacu oteru”, yiyiju ã ãnare. Ito ã yijare: “¿Adocãta ta widirise gua wãjagore ãmoati mu?” yi seniãyijarã ãna ujure. <sup>29</sup> “Wãjabeja. Mua wãjaja, ote rãcati wãjarã yirãji mua. <sup>30</sup> Adocãta ote rãca cocati bucucacõjaro maji. Ita rica cutiroca muare wãja roticuja yu maji. Ito yicõri itire soeja quenaroja. Ito bero rica ãmicõri rica cãadoju muare seo roticuja yu”, yiyiju oteri masu ã ya moari masare, yi riasoquĩ Jesús masare.

*Ado bajiro baja mostaza ajeri, yi Jesús ï riasore gaye*

*(Mr 4.30-32; Lc 13.18-19)*

<sup>31</sup> Mũcana gaje goti masiore ocana ado bajiro masare gotiquĩ Jesús:

—“Ïre tuorũnrãre ï rotirojũ miojugũ yiguĩji Dios”, yire oca masare mani riasoja, ado bajiro baja itĩ. Tuote mũa. Sĩgũ ï ya weseca mostaza ajeri oteyijũ. <sup>32</sup> Gaje ote ajeri rëtoro mũtacã bũsa ña itĩ mostaza ajeri. Ito bajiro mũtacã ñabojaroti bũcũa wato gaje ote yucũri rëto bũsaro jajocu ñaroja itigũ. Jajocu itigũ ñajare itigũ rujurijũ minia jibũ menirãji ñna. Itire bajiroti Dios mani Hju ï ñaja, gãjerãre goti ãmorãji mani, jãjarã bũsa ïre masirã ñna ñatoni, yi riasoquĩ Jesús masare.

*Ado bajiro baja naju wadarise uco, yi Jesús ï riasore gaye*

*(Lc 13.20-21)*

<sup>33</sup> Mũcana gaje ado bajiro goti masiore ocana riasoquĩ Jesús:

—“Ïre tuorũnrãre ï rotirojũ miojugũ yiguĩji Dios”, yire oca masare mani riasoja, ado bajiro baja itĩ. Tuote mũa. Romio pan menigõ waco udia coacõ pan menire gaye ãmiyijo iso. Ito yicõri wadarise uco wũoyijo iso. Ito bajiri iso wũoja jairo wadayijũ itĩ. Itire bajiroti bajiro yiroja, “Ïre tuorũnrãre ï rotirojũ miojugũ yiguĩji Dios”, masare mani yi riaso ucuja. Ito bajiri jãjarã bũsa ïre tuorũnu warã yirãji ïja, yi riasoquĩ Jesús masare.

*Goti masiore ocana Jesús ï riasore gaye*

*(Mr 4.33-34)*

<sup>34</sup> Masare riasogũ goti masiore ocana riti ñnare riasoquĩ Jesús. <sup>35</sup> Ito bajiro masare ï riasoja Diore goti ïsiri masũ ï goticãdo bajiroti rëtacũ. Ado bajiro gotiyoñi ï:

Goti masiore ocana riti masare gotigũ yiguĩji ï. Ito yicõri adi macãrucũro rujeoroto riojũa gaye masa ñna

masibitire gotigu yiguñji, yi ucañi Diore goti ñsiri masu ñayoru yare tuoña yugu, yiquñ Jesús masare.

*Ote quenarise wato ta widirise judire oca, Jesús ñ goti quenore gaye*

<sup>36</sup> Ito bajiro masare yi goti tñocõri, “Wajuñ”, yiquñ Jesús. Ito bajiro yicõri wiju maja ejacõri sãja waquñ Jesús. Wiju sãja ejacõri ado bajiro seniãacu gña ñ rãca riasotirã:

—Ta widirise gaye mu goti quenore ãmoa gña, yicu gña Jesure.

<sup>37</sup> Ito bajiro gña yija, ado bajiro guare gotiquñ Jesús:

—Ote quenarise otegu yuti ña Masa Rĩjoru. <sup>38</sup> Ñ otero ñ ya weseca bajiro bajia ado mani ñarõju. Ote quenarisere bajiro bajirã ñama masa Diore tuorũnurã. Ta ñeñarisere bajiro bajirã ñama masa rũmũ ñarã. <sup>39</sup> Ta widirise ote rudiru ñti ñami rũmũ. Ote bucuariju ñna ãmireoniti ñna adi macãrucũro iti jediriju. Ote bucuaroca miorãõnati ñama ángel mesa. <sup>40</sup> Ta widirise ãmicõri ñna soeado bajiro bajia macãrucũro iti jediriju. <sup>41</sup> Yu ña Masa Rĩjoru. Ángel mesare cõagũ yiguja yu, ñajediro ñeñarisere ñna besecõtoni. Ñeñaro yirãre cuni besecõarã yirãji ñna, Dios ñ rotiroju ñna ejabe yirona. <sup>42</sup> Ñnare besecõri jeame ãjuroju ñnare cõarã yirãji ñna. Ito jeame ãjuroju ejacõri ñeñaro tõbujarã yirãji. Ito bajiri oticõri buto tuoña oca jairã yirãji ñna. <sup>43</sup> Dios ñ rotiro bajiro yirã mani Jacu ñ rotiroju ejacõri, ãmacañi busuro bajiro busu ñarã yirãji ñna. Mua gãmo goje cutija, yu busirisere tuo masiña mua, yiquñ Jesús guare.

*Dios ñ rotiroju mua eja ãmoja ado bajiro tuoñaja quena, yi Jesús ñ riasore gaye*

<sup>44</sup> “Dios ñ rotiroju mua eja ãmoja, ñeñaro yirise jidicãcõri ñre riti tuorũnurã yirãji mua”, yirocu ado bajiro riasoquñ Jesús guare: Sĩgũ gãji ye buto waja cutirise sita

watojũ ĩ yeyobojare bũjayijũ. Itire bũjacõri mũcana itijũti tũdi yeyocũ remoyijũ ĩ. Ito bajiri itire wanũgũ, ĩ gajeoni cõtirise ñarocõti gãjerãre ĩsi jeocõyijũ ĩ niyeru bũjarocũ. Iti niyeru bũjacõri iti sita mũjũre waja yirocũ yiyijũ ĩ. “Sita bũjacõri sita wato yeyore cũni bũjagũ yigũja yũ”, yirocũ iti sita mũjũre waja yiyijũ ĩ. Dios gaye quenarise mũa bũja ãmosaja, ĩre riti tũorũnũrã yirãji mũa, yi riasoquĩ Jesũs gũare.

*Dios ye quenarise mũa ãmoja ĩre riti tũorũnũ sũyaja quena, yi Jesũs ĩ riasore gaye*

<sup>45</sup> “Dios ĩ rotirojũ mũa eja ãmoja, ñeñaro yirise jidicãcõri ĩre riti tũorũnũrã yirãji mũa”, yirocũ ado bajiro riasoquĩ Jesũs gũare: Sĩgũ ñaque bũto waja cõtirisere ãmagũ ñayijũ. Iti ñaque perla wame cõtirise ñayijũ. <sup>46</sup> Iti ñaquere bũto ãmoyijũ ĩ. Ito bajiri, ĩ gajeoni cõtirise ñarocõti ĩsi jeocõyijũ ĩ, gãjerãre niyeru bũjarocũ. Ito yicõri iti ñaquere ãmosacõri waja yirocũ yiyijũ ĩ. Dios gaye quenarise mũa bũja ãmoja, ĩre riti tũorũnũ sũyaja quena, yi riasoquĩ Jesũs gũare.

*Wai quenarãre ado bajiro beseama wai jori masa, yi Jesũs ĩ gotire gaye*

<sup>47</sup> “Ado bajiro bajia Dios rotirojũ ĩre tũorũnũrãre ĩ miojuri rũmũ”, yirocũ gũare riasoquĩ Jesũs: Gãjerã wai wayari masa yorigũ cõacõri wai jeyarore ãmiyijarã ĩna. <sup>48</sup> Jãjarã wai bũjacõri jajũjũ ĩnare mocũyijarã ĩna. Jajũjũ ĩnare mocũcõri ĩnare beseyijarã ĩna. Quenarãre jibũjũ miosãyijarã ĩna. Gãjerã ñeñarãreama cõa roacõyijarã ĩna. <sup>49</sup> Ito bajiroti bajiro yiroja macãrũcũro iti jediri rũmũ. Ángel mesa quenarãre beserã yirãji ĩna. <sup>50</sup> Besecõri ñeñarãreama jeame mũjũrojũ cõarã yirãji ĩna. Ito jeame mũjũrojũ ejacõri ñeñaro tõbũjarã yirãji. Ito bajiri bũto tũoĩa oticõri oca jairã yirãji ĩna, yiquĩ Jesũs gũare.

## SAN MATEO 13:51 55 SAN MATEO 13:57

Bucũ oca, mame oca Dios gaye bese masirã ña mũa, yi Jesús ï riasore gaye

<sup>51</sup> Ito yija ado bajiro seniñaquĩ Jesús guare:

—¿Iti jeyaro mũare yũ gotirise tũo masicũati mũa? yiquĩ Jesús.

—Tũo masia, yicũ gũa ïre.

<sup>52</sup> Gũa ito bajiro yija, ado bajiro cũdiquĩ ï guare:

—Mũa coriarã iti rãmũjũ maji, bũcurã oca riasori masa ñayijarã. Adocãtama yũ rãca riasotirã ña mũa. “Ïre tũorũnũrãre ï rotirojũ miojugũ yiguĩji Dios”, yire oca yũ rãca riasoticõri jũaji masire gaye ña mũare. Dios oca, bucũ mũa tũogore cũni ña mũare. Bucũ oca, Dios oca mame cũni masia mũa. Ito bajiri gajeoni seorajũ bucũ gaye mame gaye cũni bese masirã bajiro bajirã ña mũa, yiquĩ Jesús guare.

*Nazaretjũ* Jesús ï ware gaye

*(Mr 6.1-6; Lc 4.16-30)*

<sup>53</sup> Ito bajiro guare goti masiore ocana ï gotija bero Jesús rãca wacũ gũa mũcana. <sup>54</sup> Wacõri ï ya sita ejacũ gũa. Minijuara wijũ ejacõri masare riasoquĩ Jesús. Queno ï riasoja tũocõri, ucacã masa. Ïre tũocõri ado bajiro yicã ïna:

—¿Iti ï riasorise nojũ riasotiyijaribe ãni? ¿Ito yicõri no bajiro tiyamani gaye ïoati? <sup>55</sup> Adi sita gagũ cumu jãĩ moari masũ macũ ñami ãni. Ito yicõri María macũti ñami ãni. Santiago, José, Simón, Judas rĩjorũti ñami ãni. <sup>56</sup> Ito yicõri ï ñarã romia ado mani wato ñama ïna. ¿No bajiro iti gaye masiati ãni? yicã ïna ï ya cũto gãna.

<sup>57</sup> ïna ya sita gagũti ï ñajare queno ïre tũorũnũbiticã ïna. Ado bajiro ïnare gotiquĩ Jesús:

—Dios oca goti ïsiri masũre rũcũbũorã yirãji masa. Ito bajibojarocati ï ya sita gãna, ï ya wi gãna cũni ïre rũcũbũomena yirãji, yiquĩ Jesús masare.

<sup>58</sup> Ī ya sita gāna ĩre ĩna queno tuorũnũbejare, jaje tiyamani ĩo jeobitiquĩ iti cutore.

## 14

*Juan idé guri masu* ĩ godare gaye

(Mr 6.14-29; Lc 9.7-9)

<sup>1</sup> Iti rãmuriti Galilea gagu uju, Herodes wame cutigu Jesús gaye oca tuoyiju. <sup>2</sup> Ī rãca ñarãre ado bajiro yiyiju Herodes, Jesure tuoĩa wacu:

—Juan idé guri masuti ñaguĩji macana. Godabojaguti tãdi catiguĩji. Ito bajiri tiyamani gaye ĩoguĩji ĩ, yi tuoĩabojayiju Herodes.

<sup>3-4</sup> Ī Herodes ĩ ocabaji Felipe manojore ĩmayiju. Iso ñayijo Herodías wame cutigo. Ado bajiro yiyiju Juan Herodesre:

—Isore manajo cutibitiruja mure, yibojayiju Juan Herodesre. ĩre tuo amobisiju ĩ. Ito bajiri Juanre tubia rotiyiju Herodes. Ito yicõri come misina ĩre sia rotiyiju ĩ.

<sup>5</sup> Juanre sĩa amobojayiju Herodes. “Diore goti ĩsiri masu ñami Juan”, masa ĩna yi rãcũbũoja tuocõri, güiyiju ĩ. Ito bajiri Juanre sĩa rotibisiju Herodes. <sup>6</sup> Herodes ĩ joeara rodo gāni bia ejayiju. Ito bajiri masare oca cõayiju ĩ, ĩna basa titoni. Iti rãmũ rujarãmũ Herodías maco masa riojo basayijo. Iso basaja ticõri, buto wanuyiju Herodes. <sup>7</sup> Ito bajiri: “No amõrise mũ senija, yiro roboti mure jidicãcũja yũ”, yiyiju Herodes isore. <sup>8</sup> Ito bajiro ĩ yija tuocõri, “¿No bajiro amõati cana mũ?” yigo wayijo iso jacore. Jaco iso gotija tuocõri, ado bajiro yiyijo iso Herodesre:

—Juan idé guri masu ya rijoga jatacõri somotẽroju jeocõri ĩsiña yure, yiyijo iso Herodesre.

<sup>9</sup> Ito bajiro iso yija tuocõri, bojori bujayiju Herodes. Masa ĩna tuoro riojo, “Yiro bajiroti mure ĩsicũja yũ”, ĩ yire



ñajare, ito bajiroti rotiyijũ ã ya moari masare. <sup>10</sup> “Tubiara wijũ Juanre rijoga jata ãmitẽña”, yiyijũ Herodes ã ya moari masare. <sup>11</sup> Ñ ya rijoga jata ãmicõri somotẽrojũ jeocõri mamore ãsiyijarã ãna. Ito yicõri isoju jacore rẽto ãsiyijo ãja.

<sup>12</sup> Iti oca tũocõri Juan rãca riasotiana masa ejayijarã. Ito yicõri ã ya rujũ ãmi wacõri yujeyijarã. Ito bajiro ãna yija bero Jesure gotirã gũa tã ejacã ãna.

*Cinco mil ñarãre Jesús ã ecare gaye*

*(Mr 6.30-44; Lc 9.10-17; Jn 6.1-14)*

<sup>13</sup> Juan idé guri masure ãna siare tũocõri bojori bujaquĩ Jesús. Ito bajiri cuma sãjacõri ricati waquĩ ã. Ito bajiro Jesús ã waja masicã masa. Gãjerã boejũna Jesure sũya wacã. <sup>14</sup> Majado ejacõri Jesús ã tija masa jãjarã ñayijarã. Ito bajiri ãnare ti maiyijũ ã. Cõrãre ãna ãmi ejaro bajiroti ãnare yisio ãsiyijũ Jesús. <sup>15</sup> Iti rãioja ticõri, gũa ã rãca riasotirã ã tujũna wacũ. Ñ tã ejacõri ado bajiro yicũ gũa:

—Ñamijũ ña ãja. Queno masa mama adoju. “Wasa”, yiya masare cõtorigũ bare ãna waja yi masitoni, yibojacũ gũa Jesure.

<sup>16</sup> —Itoju ware ma ãnare. Muati bare ecaya ãnare, yiquĩ Jesús gũare.

<sup>17</sup> —Bare ma gũare. Naju riti co dũjamocõacã ña gũare. Ito yicõri wai jũarãti ñama gũare, yicũ gũa Jesure.

<sup>18</sup> —Adojũna yũre ãmi waya maji, yiquĩ Jesús gũare.

<sup>19</sup> Itire boca ãmicõri ta quenarise joe masare ruji rotiquĩ Jesús. Ito yicõri naju co dũjamocõ ñarisere ito yicõri wai jũarã ñarãre ãmi rũcoquĩ Jesús. Itire rũcocõri ãmacũju ti mũoquĩ Jesús. Ito ti mũocõri, “Queno ya Cũna mũ”, yiquĩ ã. Itire igajea batocõri gũare ãsiquĩ Jesús. Ito ã yija bero gũajũ masare batocũ ãja. <sup>20</sup> Masa ñarocõti ba jedicã itire. Ito yicõri sũgũ ruyabeto yaji quenaro riti tujacã ãna. Ñna ba rũarise jũa gũbojeno jibũri dajacũ gũa. <sup>21</sup> Gũa itire

bagoana cinco mil ñmua ñacu gña. Romiare ito yicōri ñacare cāni cōñabiticu gña.

*Ide joe Jesús ñ ware gaye  
(Mr 6.45-52; Jn 6.16-21)*

<sup>22</sup> Cumaju gñare sāja rotiquĩ Jesús ñ riojua gña jēa watoní. Gña waroca riti masare ware gotiñi Jesús. <sup>23</sup> Masare ware goti tiogũ turiaju muja wañi Jesús. Itoju sīgũti muja ejacōri ñ Jacure bñsiñi ñ. Rāio jedija bero itoju ñ sīgũti ñañi Jesús maji. <sup>24</sup> Itajura gñadareco tujacu gña. Ito gña tujaroca jacūtucu gñare, mino buto iti wējare. <sup>25</sup> Busu muja wadiroca Jesús gña tu ejaquĩ ide joena wadicōri. <sup>26</sup> Ide joe ñ wadija ucacu gña. Ito bajija ticōri:

—Wũjo cutiro ya, yĩ awasācu gña.

<sup>27</sup> —Oca sēoña, gñibesa yuti ña, yiquĩ Jesús gñare.

<sup>28</sup> Ito ñ yija tuocōri, gña rāca gagu Pedro ado bajiro bñsiquĩ ñre:

—Yũ Hju, muti mñ ñajama, ide joe yũ mñ tu waroca yiya yũre, yiquĩ Pedro Jesure.

<sup>29</sup> Ñ ito yijare:

—Wadite mñ, yiquĩ Jesús ñre.

Ito ñ yija tuo, wāgācōri ide joe wasuocuquĩ Pedro Jesús tu ejaquũ wacu. <sup>30</sup> Buto mino iti wējaja tuocōri, itire gñiquĩ Pedro. Ito bajiri jacūrisena ruja wasuocuquĩ Pedro:

—Yũ Hju yũre masoña mñ, yĩ awasāquĩ Pedro.

<sup>31</sup> Ito ñ yirocati Pedro ya āmoju ñiacōri ado bajiro yiquĩ Jesús ñre:

—Queno yũre tuorññsabea mñ. “Ide joe yũ waroca yami Jesús”, ¿yĩ tuoia jidicāri mñ? yiquĩ Jesús Pedrorre.

<sup>32</sup> Cumaju Jesús rāca ñna mña sājarcoti mino wēata rojocoacu. <sup>33</sup> Gña cumaju ñacānama Jesús riojo rijomu-nigāna ñini rñjũcu, ñre rñcũbuorā:

—Riti Dios Macu ña mñ, yicu gña Jesure.

*Genesaret sita gānare Jesús ĩ yisiore gaye*

*(Mr 6.53-56)*

<sup>34</sup> Ito jēa wacōri Genesaret wame cutiri sitajū ejacū gua.  
<sup>35</sup> Iti cuto gāna Jesús ĩ ejaja tuo masicōri, masa jeyarore oca batoñi. Ito bajiri masa ñarise cutirāre āmi ejacā Jesús tū. <sup>36</sup> “Mū ya yutabuju tūnima guare moaña rotiya”, yicā masa Jesure. No moñarācōti cati quenarā tujacā mūcana.

## 15

*Ñeñaro tuoīacōri ñeñarise yama masa, yi Jesús ĩ riasore gaye*

*(Mr 7.1-23)*

<sup>1</sup> Ito ĩna yiroca fariseo gaye tuoñarā ito yicōri judio masa rotirise riasori masa cūni ejacā Jesús tū. Jerusaléna wadiana ñacā ĩna. Jesús tū ejacōri ado bajiro seniīacā ĩna:

<sup>2</sup> —¿No yija būcurā ĩna yisotire bajiro yiro robo cūdibeati mū rāca riasotirā? Mū rāca riasotirā ĩna baroto riojua āmo coebeamā ĩna. Būcurā ĩna rotiado bajiro yiro robo yibeama ĩna, yicā ĩna Jesure.

<sup>3</sup> Ito bajiro ĩna yijare, ado bajiro ĩnare cūdiquī Jesús:

—Būcurā masa ĩna rotirejua cūdirona Dios ĩ rotirisejūare cūdibeā mūa. <sup>4</sup> Ado bajiro rotia Dios oca: “Mū jacū, mū jacore cūni queno rūcūbuoya mū. No ĩ jaco, ĩ jacure cūni ñeñaro busitugū godacoajaro”, yi rotia Dios oca. <sup>5</sup> Mūama ricati bajiro rotia. Ado bajirojua rotia mūa: “No, ‘Jeyaro gajeoni yū rūcorise Diore yū ĩsiroti riti ña. Ito bajiri yū jacūsabatiare ejabua masibeā yū’, ĩ yija, ĩ jacūsabatiare ejabūabeja quena”, yi tuoīa rotiboja mūa. <sup>6</sup> Ito bajiro mūa yija, būcurā masa ĩna rotirisejua cūdirona, Dios ĩ rotirisejūare cūdibeā mūa. Ito bajiro mūa yija, “Ñe waja ma Dios oca”, yirā bajiro ya mūa. Ĩ ocare jidicārā ña mūa. <sup>7</sup> Mūa yiro bajiro yirā meje ña mūa. Diore goti ĩsiri

masu Isaiás ñayoru muare tuoña wacu queno ucañi ñ. Ado bajiro ucañi ñ:

<sup>8</sup> Mña ya risena riti yure rucubuojoja mña. Ito bajibojarocati mña ya usina soju bajiro tuoña mña. Yure rucubuojoja mña.

<sup>9</sup> Minijuacõri yure mña rucubuojojaja, burãti ya mña. Mña riasorise masa ñna tuoña rujeore ña iti. Itireti, “Dios ñ rotire ña”, yiboja mña. Dios ñ gotirise tuoña wacu ito bajiro ucañi Isaiás ñayoru, yi gotiqui Jesús.

<sup>10</sup> Ito ñ yija bero masare jicõri ado bajiro yiqui Jesús ñnare:

—Yure tuocõri queno tuo masiña mña. <sup>11</sup> Mani ba sãrise meje mani ñeñaro yiroca yiroja iti. Ñeñaro tuoñacõri mani busirise, iti ña mani ñeñaro yiroca yirise, yiqui Jesús masare.

<sup>12</sup> Ito yija gua ñ rãca riasotirã ñ tu minijuacõri ado bajiro yicu gua ñre:

—Ito bajiro masare mu gotija tuocõri, fariseo gaye tuoñarã tuo bujatomenaji ñna, yicu gua Jesure.

<sup>13</sup> Ito bajiro gua yija, ado bajiro yiqui Jesús guare:

—Dise rocati judire ñ otere meje iti ñaja, ñe rãcati wãjacõagũ yiguñi iti ote wese uju. Ito bajiroti yigu yiguñi yu Jacu cuni. Gaje oca ñasarise mejeti ricati bajiro ñna riasobojaja iti jedi waroca yigu yiguñi yu Jacu. <sup>14</sup> Dios ocare riasomena ñna ñajare, ñnare tuorunubeja. ñna ñama cajea mana gãjerã cajea manare tũa wabojarã robo bajiro bajirã. Sigũ cajea macu gãji cajea macure ñ tũa wabojaja, goje ñaro ñna ejaja, jũarãjuti quedi sãjacoarã yirãji, yiqui Jesús guare.

<sup>15</sup> ñ ito yija ado bajiro seniãaquí Pedro Jesure:

—Iti riasore oca gaye queno guare goti rãtobuya, yiqui Pedro Jesure.

<sup>16</sup> —¿Tuo masibeati mua cuni? <sup>17</sup> Mani ba sārise jeragaju waro yiroja iti. Ito bero rēta buديو yiroja iti. ¿Itire queno tuo masibeati mua? <sup>18</sup> Mani ya usina tuoĩacōri risena busia mani. Iti ña mani ñeñaro yiroca yirise. <sup>19</sup> Ña ya usina tuoĩacōri ñeñaro yama masa. Tite mua. Gājerāre sīama ña. Manojō cutirā ñabojarāti gājerā romiare ajeama. Jeyaro ña tuoĩaro bajiroti romia rāca ñeñaro ajeama ña. Riniama ña. Socama ña. Rocati oca gotiama ña. Ito bajiro yama masa. <sup>20</sup> Ito bajiro ñeñarise tuoĩacōri iti ña masa ña ñeñaro yiroca yirise. Mani baroto riojua mani āmo coebeja, bucūrā ña rotiro bajiro mani yibeja iti gaye meje ña mani ñeñaro yiroca yirise. Ñeñaro tuoĩacōri ñeñaro ya mani. Iti ña mani ñeñaro yiroca yirise, yiquĩ Jesús guare.

*Gaje maso Jesure iso tuorññ sūyare gaye*

*(Mr 7.24-30)*

<sup>21</sup> Ito bajiro ī yija bero itijua, wacu gua Jesús rāca. Ito wacōri Tiro ito yicōri Sidón wame cutiri cutoriju ejaču gua. <sup>22</sup> Ito gua ejaja bero sīgō Canaán gago itiju ñaro Jesús tujua awasā wadicō:

—Yū Uju David ñayoru janami ña mū. Yūre ti maiña. Yū maco rūmú sãñagō ñamo. Ito bajiri buto ñeñaro tōbujamo iso, yi goticō iso Jesure.

<sup>23</sup> Ito bajiro iso yibojarocati isore cudibitiquĩ Jesús. Ito bajiri ī rāca riasotirā gua ado bajiro roticu Jesure:

—Isore wa rotiya. Usirioro guare awasā sūyamo, yibojacu gua Jesure.

<sup>24</sup> Ito bajiro gua yija ado bajiro yiquĩ guare:

—Oveja wisanare bajiro bajirā ñama judio masa. Ito bajiri ñnare yūre cūquĩ Dios, yiquĩ Jesús.

<sup>25</sup> Ito bajiro ī yiroca ī riojo wacōri rijomunigāna ñini rūjūcō romio:

—Yū Uju yūre ejabuaya, yicō iso Jesure.

<sup>26</sup> Ito bajiro iso yibojarocati ado bajiro yiquĩ Jesús isore:  
—Judio masa rioñajũ gãjerãre yũ ejabũaja, no masia ma yũre. Ito bajiro yũ yija, rĩacare naju ěmacõri yaiare ecado bajiro baja, yiquĩ Jesús isore.

<sup>27</sup> —Riti ya yũ Ʋjũ. ĩna Ʋjarã ba bate queorise bacã yaia. Yũ gaje maso ñabojarocati mũ ñarã bero yũre jabeto mũ ejabũaja quena ñaro yiroja yũre, yicõ iso Jesure.

<sup>28</sup> Ito bajiro iso yija tũocõri, ado bajiro yiquĩ Jesús isore:  
—Mũ romio queno yũre tũorũnũgõ ña mũ. Ito bajiri mũ ãmoro bajiroti bajiro yiroja iti, yiquĩ Jesús.

Ito bajiro ĩ yirocati iso maco tujacoacõ.

*Jãjarã ñarise* cutirãre Jesús ĩ yisioire gaye

<sup>29</sup> Ito yija bero Galilea wame cutirita tunima wacu gũa. Itojũ ejacõri turiajũ mũja wacu gũa. Itojũ gũa joejearoca rujiquĩ Jesús. <sup>30</sup> Jãjarã masa ejacã Jesús ĩ rujirojũ. Wa masimena, cajea mana, bũsimena, ruduana, ito yicõri jãjarã cõrãre ãmi ejacã ĩna Jesús tũjũ. ĩ tũ ĩna ãmi ejaroca ĩnare yisioquĩ Jesús. <sup>31</sup> Bũsimena bũsicã. Ruduana wacã. Cajea mana ticã. Rujũ ñeñarã quenari rujũ, rujũ cuticã. Ito bajija ticõri, ti Ʋcacã masa. Ito bajiri Diore wanũ rũcũbũosũocã ĩna. “Judio masa ĩna rũcũbũorũ Dios ĩ ñami quenagũ”, yi rũcũbũocã masa.

*Cuatro mil ñarãre Jesús ĩ ecare gaye*

(Mr 8.1-10)

<sup>32</sup> Ito yija gũa ĩ rãca riasotirãre ado bajiro yiquĩ ĩ:

—Ado gãnare ti bũjatobea yũ. Ʋdia rũmũ tũja ĩja, adocãta yũ rãca ĩna ñaroca. Ito bajiri queno bare ma ĩnare. ĩna babetoti ĩna ya wirijũ wa roti ãmobeaa yũ. ĩnare yũ wa rotija majũ boga quedirã yirãji ĩna, yiquĩ Jesús gũare.

<sup>33</sup> Gũajũa ado bajiro yicũ ĩre:

—Ado masa manojũ no bajiro masa tĩjaro bare bũja masia ma, yicũ gũa Jesure.

<sup>34</sup> —¿Nocõ jaje naju rucõati mua? yiquĩ Jesús guare.

—Jua ãmojeno naju ña guare, ito yicõri wai jabetacã ña, yicũ gua ñre.

<sup>35</sup> Ito yija masare jacajũ ruji rotiquĩ Jesús. <sup>36</sup> Ñ ya ãmona naju jua ãmojeno ñarisere ito yicõri wai rãca ãmi rucocõri, “Queno ya Cũna mũ”, yiquĩ ñ Diore. Ito ñ yija bero gua ñ rãca riasotirãre ñsiquĩ masare gua batotoni. <sup>37</sup> Masare batocũ gua. Ña jeyaro bacã. Ito bajiri sũgũ ruyabeto yaji quenaro ñacã ña. Ña baja bero jua ãmojeno jiburi gua ba ruarise dajocũ gua. <sup>38</sup> Gua itire bagoana cuatro mil ãmua ñacũ gua. Romiare ito yicõri rĩacare cuni cõĩabiticũ gua. <sup>39</sup> Ito bero masare ware gotiquĩ Jesús. Ito bajiri cumana Magadán wame cutiri sitajũ wacũ gua.

## 16

*Tiyamani ñõña guare, ña yire gaye*

*(Mr 8.11-13; Lc 12.54-56)*

<sup>1</sup> Fariseo gaye tũõiarã ito yicõri saduceo gaye tũõiarã cuni Jesure tirona ejacã ña. “ ‘Riti Dios ñ cõarũ ña mũ’, gua yi masitoni ãmacũjũ gaye tiyamani ñõña guare”, yi ejabojacã ña.

<sup>2</sup> Ito ña yibojarocati ado bajiro cũdiquĩ Jesús:

—Rãiocũro ãmacũjũ iti sũaja ticõri, “Quenari rãmũ ñari seyoa”, ya mua. <sup>3</sup> Busuri jĩjũ iti sũaja mua tija, wajũ bueri rãca iti ñaja. “Adi rãmũ quenado ma”, ya mua. ãmacũjũ ticõri, “Ito bajiro rẽtaro ya adi rãmũ”, yi masia mua. Ito bajibojarocati adi rãmũ rẽtarise gaye, “Ito bajiro bajiro wado ya”, yi masibea mua. <sup>4</sup> Ñẽñaro yirã ña mua ito yicõri yũre tũorũnũmena. Tiyamani ñore yũre seniboja mua. Ito bajiro mua yibojarocati jũaji tiyamani mũare ñobicũja yũ. Jonás ñayorũre tiyamani rẽtare gaye riti mũare goticũja yũ, yiquĩ Jesús fariseo gaye tũõiarãre.

Ito bajiro Jesús ñ yija bero ñnare wagocũ gua.

*Fariseo gaye tʰoĩarã ya naju wadare gaye  
(Mr 8.14-21)*

<sup>5</sup> Itajura gaje dʰajaju jãa ejacõri, “Mani baroti naju ãcabojacoayija mani”, yicʰu gʰa. <sup>6</sup> Ito yija Jesús ado bajiro gʰare gotiquĩ:

—Fariseo gaye tʰoĩarã, saduceo gaye tʰoĩarã ãna ya naju wadarise ʰco gaye queno tʰo masiña mʰa, yiquĩ Jesús gʰare.

<sup>7</sup> Jesús ito bajiro ã yija gʰamasiti gãmeri tʰoĩa busicʰu gʰa:

—Mani naju ãcabojajare ito bajiro busiami Jesús, yi tʰoĩabojacu gʰa.

<sup>8</sup> Ito bajiro gʰa tʰoĩabojaja tʰo masicõri, ado bajiro yiquĩ Jesús gʰare:

—¿No yija, “Naju ma manire”, yati mʰa? Queno yʰre tʰorũnʰbea mʰa. <sup>9</sup> Queno tʰo masibebe maji mʰa. Canʰ busati co dʰjamocõ naju ñarisere co dʰjamocõ mil masa ñarãre eca jeocʰu yʰ. ãnare yʰ eca jeoja bero jaje jibʰari dajocʰu mʰa. ¿Itire ãcabojati mʰa? <sup>10</sup> Ito bero canʰ busati mʰcana jʰa ãmojeno naju ñarisere jʰaria mil masa ñarãre eca jeocʰu yʰ. ãna masare yʰ eca jeoja bero jaje jibʰari dajocʰu mʰa rʰyarisere. ¿Itire ãcabojacoati mʰa? <sup>11</sup> ¿No yija queno tʰoĩa masibeati mʰa maji? Jĩjʰ, “Fariseo gaye tʰoĩarã, saduceo gaye tʰoĩarã ãna ya naju wadarise ʰco gaye queno tʰo masiña”, yʰ yija, naju gayere meje busibʰu yʰ, yiquĩ Jesús gʰare.

<sup>12</sup> Ito ã yijare tʰo masicʰu gʰa. “ ‘Fariseo gaye tʰoĩarã, saduceo gaye tʰoĩarã naju wadarise ʰco gayere tʰoĩarã ya mʰa’, gʰare ã yija, ‘ãna riasorisere queno tʰoĩa masiña mʰa’, yireonire gʰare gotiyijari Jesús”, yi tʰoĩacu gʰa ãja.

*Cristo Dios ã cõarʰu ña mʰ, yi Pedro ã goti quenore gaye  
(Mr 8.27-30; Lc 9.18-21)*



<sup>13</sup> Mũcana ito sōjũa wacōri, Cesarea Filipo wame cõtiri cuto tu ejacu gũa Jesús rãca. Itoju ejacōri ado bajiro gũare seniãaquĩ Jesús:

—Yũ ña Masa Rĩjorũ. ¿Yũre masa ñna bũsija, no bajiro yati ñna? yiquĩ Jesús gũare.

<sup>14</sup> Ado bajiro cũdicũ gũa ñre:

—Coriarã ñna bũsija, “Juan idé guri masũ ñami”, yama ñna mũre. Gãjerãma, “Elías ñami”, yama ñna. Gãjerãma, “Jeremías ñami”, yama ñna. Gãjerãma, “Diore goti ñsiri masũ ñaguĩji gajea”, yama ñna mũre, yicũ gũa Jesure.

<sup>15</sup> —¿Mũama ñimũ ñami yati mũa yũre? yiquĩ Jesús gũare.

<sup>16</sup> Ito ñ yija tũocōri, ado bajiro yiquĩ Simón Pedro:

—Mũti ña Cristo Dios ñ cōarũ. Dios catitĩñagũ Macũ ña mũ, ya yũ mũre, yiquĩ Simón Pedro Jesure.

<sup>17</sup> —Riti ya Simón, Jonás macũ mũ. Ito bajiro mũ bũsija wanũ quenagũ ña mũ. Itire mũ bũsija, masare tũocōri meje bũsia mũ. Itire mũ bũsija, ũmacũju gagũ yũ Jacũre tũocōri bũsia mũ. <sup>18</sup> Ado bajiro mũre gotia yũ. Iti mũ wame ña Pedro, “gũtagã”, yireoni ña iti Pedro. Riti ña mũ bũsirise. Iti oca mũ bũsirise jedibetoja. Gũtagã bũtirica robo bajiro bajirise ña iti mũ bũsirise. Iti oca tũocōri yũre tũorũnrã yirãji mũ bero gãna. Ito bajiri yũ ñarã, ñarã yirãji ñna. Yũre ñna tũorũnjare godana mũ ñnare rētocũbicũ yiguĩji. Godabojarãti mũcana tũdi catirã yirãji ñna. <sup>19</sup> Ado bajiro mũre gotia Pedro yũ. Soje janado rucogũre bajiro mũre cũgũ yigũja yũ. Ito bajiri, “Ñre tũorũnrãre ñ rotirojũ miojugũ yiguĩji Dios”, yire oca masa ñna tũo masiroca yigũ yigũja mũ. Ito bajiro mũre cũgũ yigũja yũ. Adi sitajũ mũ rēorise, ũmacũju itojũ cũni rēore ñaro yiroja. Adi sitajũ, “Ito bajiroti yiya”, mũ yija, ũmacũju cũni ito bajiroti yire ñaro yiroja, yiquĩ Jesús Pedre.

<sup>20</sup> Ito bajiro Pedrore ĩ yija bero ado bajiro yiquĩ Jesús guare: “Īti ñami Cristo Dios ĩ cōaru, yi masare goti batobesa mua”, yiquĩ Jesús guare.

Yure sĭarā yirāji, Jesús ĩ yire gaye

(Mr 8.31–9.1; Lc 9.22-27)

<sup>21</sup> Ito ĩ yija bero itijunati guare goti rēto buquĩ Jesús:

—Jerusalénju ware ña yure. Itoju yu ejaroca bucūrā, paia ujarā ito yicōri judio masa rotirise riasori masa cūni quenabeto yu tōbujaroca yirā yirāji ĩna. Itoju yure sĭarā yirāji ĩna. Ito bajibojarocati ũdia rŭmu beroti yu catiroca yigu yiguĩji Dios mŭcana, yiquĩ Jesús guare. <sup>22</sup> Ī ito yija tuocōri, ricati busa camotadi rŭgŭcōri, oca sēoro ĩre busisubojaquĩ Pedro:

—Yu Uju ito bajiro mure rētare āmobiquĩji Dios. Ito bajiro mure rētabeto yiroja, yiquĩ Pedro Jesure.

<sup>23</sup> Ito ĩ yija tuocōri, juda rŭgŭcōri, ado bajiro busiquĩ Jesús Pedrore:

—Rŭmŭa uju Satanásre moa ĩsia mŭ. Yure camotadiya mŭ. Dios ĩ āmoro bajiro yu yija, yure camota codea mŭ. Dios bajiro meje tuoĭa mŭ. Masa ĩna tuoĭaro bajiro tuoĭa mŭ cūni, yiquĩ Jesús Pedrore.

<sup>24</sup> Ito ĩ yija bero ado bajiro yiquĩ Jesús guare ĩ rāca riasotirāre:

—Sĭgŭ yure ĩ sŭya āmoja, ĩ ye ñaroti tuoĭabiticōri yujuare tuo mai sŭyagu yiguĩji. Yucutēo gajagure bajiro tōbujabojaguti yure riti sŭyagu yiguĩji ĩ. <sup>25</sup> No ĩ catirise maibojaguti godagu yiguĩji. Ito bajibojarocati yure tuorŭnŭgŭ, yu oca ĩ gotija tuo junisinicōri ĩna sĭagŭama catitĭñare gaye bujagu yiguĩji. <sup>26</sup> Sĭgŭ adi macārŭcŭroju gajeoni jeyaro ĩ bujabajaja, ĩ ya ũsi jeame ũjuroju iti waja, ĩ ya gajeoni ĩ bujajobare ñe waja ma. Ñe mani ya ũsi rēto busaro waja cutirise manoja. Catirājuti Dios rāca mani oca quenobeja, mani godaja bero ĩ rāca

oca queno masimenaji ĩja. <sup>27</sup> Yũ Masa Rĩjorũ ñacõri, yũ Jacũ Dios ĩ busurisenã tãdi ejagũ yigũja yũ. Ito yicõri ĩ tũ gãna ángel mesa rãca ejagũ yigũja yũ. Tãdi ejacõri masa ĩna yigoado bajiroti waja senigũ yigũja yũ. <sup>28</sup> Riti mũare gotia yũ. Mũa coriarã adijũ ñarã mũa godaroto riojũa, ĩre tũorũnũrãre Masa Rĩjorũ ĩ mioju ejaroca tirã yirãji mũa. ĩti ña yũ Masa Rĩjorũ, yiquĩ Jesũs gũare.

## 17

*Ĩna tiro riojo Jesũs ĩ godõ wedire gaye*  
(Mr 9.2-13; Lc 9.28-36)

<sup>1</sup> Co ãmojeno ãmũari bero Pedro, Santiago, ĩ ocabaji Juanre cũni ũmari tũria joejũ ĩnare ãmi waquĩ Jesũs. <sup>2</sup> Itojũ ĩna ejaroca ĩna riojo Jesũs ĩ ya rio gajero bajiro godõ wediyijũ. Ĕmũa gagũ ũmacañire bajiro yoyijũ ĩ ya rio. Ito yicõri ĩ ya yutabuju bũto boticõri yoyijũ. <sup>3</sup> ĩna tiroca Moisés ñayorũ, Elías ñayorũ rãca Jesũs tũ goãoyijarã. Ito bajicõri Jesũs rãca ĩna gãmeri busija, tiyijarã ĩna. <sup>4</sup> Ito bajija ticõri, ado bajiro yiyijũ Pedro Jesure:

—Yũ Ĕjũ adojũ mani ñaja quenasacõa. Mũa ãmoja mũare yĩari wi meni ĩsirũja gũa. Mũre co wi, Elíasre co wi, Moisésre co wi meni ĩsirũja gũa, yiyijũ Pedro Jesure.

<sup>5</sup> Ito bajiro Pedro ĩ busibojaroca riti ide bueri bũto yorise ĩnare gũma rũgũyijũ. Iti ide bueri watonati oca ruyuyijũ:

—Ãniti ñami yũ Macũ, yũ maigũ. ĩre bũto wanũa yũ. ĩre queno tũoya mũa, yire oca ruyuyijũ.

<sup>6</sup> Iti oca tũocõri bũto gũiyijarã ĩna. Ito bajiri bũto gũirã ĩna ya rio sitajũ muqueayijarã ĩna. <sup>7</sup> Ito bajiro ĩna bajija ticõri, ĩna tũ wacõri ĩnare moãayijũ Jesũs. ĩnare moãacõri ado bajiro yiyijũ ĩ:

—Wũmũña. Gũibesa mũa, yiyijũ Jesũs ĩnare.

<sup>8</sup> Ito ñna ti m̄oja, ḡajer̄are tibusijar̄a ñna. Jesús s̄iḡuti ĩ ñaja tiyijar̄a ñna ĩja.

<sup>9</sup> Ito t̄aria ñna roja waroca ado bajiro ñnare gotiyij̄u Jesús:  
—Janeti m̄ua tirise masare goti batobeja maji. Ȳu ña Masa R̄ijor̄u. Ȳure s̄iar̄a yir̄aji masa. Ȳure ñna s̄iabojarocati t̄adi catiḡu yiḡuja ȳu. Ȳu m̄ucana t̄adi catiroto rioj̄ua, j̄ij̄u m̄ua tigorise ḡajer̄are goti batobeja m̄ua, yiyij̄u Jesús ñnare.

<sup>10</sup> Ito yija ado bajiro Jesure seniñayijar̄a ñna:

—¿No yija judio masa rotirise riasori masa, “Elíasj̄ua ejas̄oḡu yigūiji”, yicati ñna? yi seniñayijar̄a ñna Jesure.

<sup>11</sup> Ito yija ado bajiro ñnare c̄adiyij̄u Jesús:

—Riti yiñi judio masa rotirise riasori masa. “Elíasj̄ua ejas̄oḡu yigūiji. Ejac̄ori jeyaro quenoḡu yigūiji ĩ”, ñna yija riti gotiñi. <sup>12</sup> Ito bajiro ñna gotibojarcocati Elías ĩ ejaja ĩre ti masibis̄i masa. Riti m̄uare gotia ȳu. Elías ejac̄añi. ĩ ejaja ĩre ti masibis̄i masa. Ñna ãmoro bajiroti yiñi masa ĩre. Ito bajiroti ȳu Masa R̄ijor̄ure, t̄ob̄ujaroca yir̄a yir̄aji masa yiyij̄u Jesús ñnare.

<sup>13</sup> Ito bajiro ĩ yija t̄uoc̄ori, “Juan idé guri masure busiami ãni”, yi t̄ao masiyijar̄a ñna Pedro mesa.

*R̄m̄ú s̄añaḡure r̄m̄úre Jesús ĩ buc̄oare gaye*

*(Mr 9.14-29; Lc 9.37-43)*

<sup>14</sup> Roja wadic̄ori ḡua t̄u ejac̄a ñna m̄ucana. J̄ajar̄a masa ñac̄a ḡua r̄aca. Jesús ĩ t̄adi ejaja tic̄ori, ĩ riojo rijomuniḡana ñini r̄uj̄uquĩ s̄iḡu. Ito yic̄ori ado bajiro yiquĩ ĩ Jesure.

<sup>15</sup> —Ȳu Ūj̄u ȳu mac̄ure ti maiña m̄u. Ñnama c̄ore c̄osotiami ĩ. Ito bajiri ruje t̄ob̄ujasotiami ĩ. Biyaro usi jedi quedisotiami ȳu mac̄u. Coji r̄ayabeto jeame ũj̄uroj̄u usi jedi quedisotiami ĩ. Ito yic̄ori riacaj̄u c̄uni usi jedi quedisotiami. <sup>16</sup> M̄u r̄aca riasotir̄a t̄uj̄u ĩre ãmi ejabojab̄u ȳu. ĩre yisio masibeam̄a ñna, yiquĩ ĩ Jesure.

<sup>17</sup> Ito ĩ yija ado bajiro yiquĩ Jesús masare:

—Queno yure tuorünubea mua maji. Masa ñeñaro yiräre bajiro bajia mua maji. ¿Nocõ yoari mua rãca ñagũ yigujada yu maji? ¿Nocõ yoari yugu yigujada yu, mua masitoni? Adojua ãmi waya, usi jedi quedisotigure, yiquĩ Jesús guare.

<sup>18</sup> Usi jedi quedisotigu ĩ ejaja ticõri, rãmúre budi rotiquĩ Jesús. Rãmú ĩ budirocati, cati quenagũ ñacõaquĩ macuacã mucana.

<sup>19</sup> Ito yija bero ricati Jesús rãca busicu gua mucana:

—¿No yija rãmúre bucõa masibiti gua? yicu gua Jesure.

<sup>20</sup> —Yure queno tuorünubiticõri rãmúre bucõa masibeas mua maji. Riti muare gotia yu. Jabetacã yure mua tuorünuja, jaibiti aje mostaza aje robo bajiro yure mua tuorünuja, mua rotiro bajiroti bajiroja. I turiare, “Gajeroju cuní rügũña”, mua yija, mua rotiro bajiroti bajiroja iti. Ñejuã mua yi masibiti mano yiroja, queno yure mua tuorünuja. <sup>21</sup> Ito bajiro masare ña rãmúa sãñaja, bamena riti Diore mua senija, rãmúare bucõa masirãji mua, yiquĩ Jesús guare.

Yure sãrã yirãji, mucana Jesús ĩ tãdi gotire gaye

(Mr 9.30-32; Lc 9.43-45)

<sup>22</sup> Galilea sitaju coju gua waroca ado bajiro yiquĩ Jesús guare:

—Masa Rĩjoru ña yu. Yure ña ñiatoni gotigu yiguĩji sīgũ. <sup>23</sup> Yure ñiacõri sãrã yirãji ña. Ito bajibojarocati udia rumu beroti yu catiroca yigu yiguĩji Dios, yiquĩ Jesús guare. Ito bajiri iti tuocõri buto bojori bujacu gua.

*Dios ya wi ñaroti ña waja yire gaye*

<sup>24</sup> Ito yija bero Capernaum wame cutiri cuto ejacu gua Jesús rãca. Itoju gua ñaroca minijuara wi coderã waja seniri masa Pedrore oca seniñarona ejayijarã. ĩ tu ejacõri ado bajiro ĩre seniñayijarã ña:

—¿Mure riasogu Dios ya wi waja yibeati ī? yi seniñayijarā ĩna Pedrore.

<sup>25</sup>—Waja yigu yiguīji, yi cūdiyijū Pedro.

Jesure busirocū wijū ī sājaroca, Jesujūa ado bajiro ĩre busigoquī:

—¿No bajiro tuoīati Simón mū? ¿Adi sita gāna ujarā noare waja seniatite? ¿Īna ñarāre seniatite? ¿Gājerājuare seniatite? yi seniñaquī Jesús Pedrore.

<sup>26</sup>—Gājerāre waja seniamā ĩna, yi cūdiquī Pedro.

Ī ito yija, ado bajiro yiquī Jesús:

—Riti ya mū. Dios Macū yū ñajare yūre waja seniado mama ĩna. <sup>27</sup> Ito bajibojarocati ñeñaro manire ĩna busitube yirona waja yija quena. Itajurajū wasa. Itojū wai joba. Cajero basuoguti ĩre sīacōri ī ya risejū niyeru cuji bujagu yiguja mū. Iti niyeru cujina manire ĩna waja senija, ñarocōti tījacoaro yiroja iti. Iti cuji āmicōri ĩnare waja yiya, yiquī Jesús Pedrore.

## 18

*¿Ñimū ñati ñasagu ñarocū? ĩna yi seniñare gaye  
(Mr 9.33-37; Lc 9.46-48)*

<sup>1</sup> Iti rāmūriti, gua Jesús rāca riasotirā ĩre seniñacu:

—¿Ūmacūjū Dios ī rotirojū ñimū ñati ñasagu ñarocū? yi seniñacu gua Jesure.

<sup>2</sup> Ito bajiro gua yija tuoōri, sīgū macuacāre āmicōri gua wato cūquī. <sup>3</sup> Ado bajiro yiquī Jesús guare:

—Riti mūare gotia yū. Mūa ñeñaro yirise mūa jidicābeja, ito yicōri bucārāre rīaca ĩna tuorūnuro bajiro yūre mūa tuorūnubeja, ūmacūjū Dios ī rotirojū ejaмена yirāji mūa. <sup>4</sup> Ado bajiro bajigū yiguīji ūmacūjū Dios ī rotirojū ñasagu ñarocū. Āni macuacāre bajiro, “Ñasagu ña yū”, yi tuoābicū yiguīji ī. <sup>5</sup> Noa yūre tuorūnacōri āni

macnacãre ñna boca ãmiro bajiro yure cuni boca ãmirã yirãji ñna, yiquí Jesús guare.

*Ñeñaro mua* yi uyaja guijorise ña, yi Jesús í riasore gaye  
(Mr 9.42-48; Lc 17.1-2)

<sup>6</sup> Mucana ado bajiro gotiquí Jesús guare:

—No macnacã yure tuorñnsnogure ñeñaro yiroca gãji í yija, ñre buto waja senigũ yiguíji Dios. Quenogoroama ito bajiro yigure í ya amamaju gũtagã jajoca sia yocõri riaca ucãroju rucõaja quenaroja. <sup>7</sup> Bujato bujarã yirãji adi macãrucãro gãna ñeñaro yiri masa. Masare ñeñaro ñna yiroca yirise ito bajiro riti bajitñaro yiroja. Ito bajibojarocati, gãjerã ñna ñeñaro yiroca ñnare yigure bujato baja ñre, yiquí Jesús guare.

<sup>8</sup> Mua ya ãmo, mua ya gubo, mua ñeñaro yiroca muare iti yija, itire jatacõri sõju cõacõña. Manire co daja ãmo manija quenabetoja. Ito bajibojarocati jua ãmo, ãmo cutirã ñabojarãti jeame ujuroju manire Dios í cõaja, rëto busaro quenabeto yiroja. <sup>9</sup> Mua ya cajea mua ñeñaro yiroca iti yija, ruacõri sõju cõacõña. Manire co daja cajea manija quenabetoja. Ito bajibojarocati jua cajea, cajea cutirã ñabojarãti jeame ujuroju manire Dios í cõaja, rëto busaro quenabeto yiroja. Dios í ñaroju mani ejaja, buto busa wan quenarã yirãji mani. “Mua ñeñaro yirise jidicãña”, yirocu ito bajiro yiquí Jesús guare.

*Oveja wisarure* ãmagũ yiguíji coderi masu, yi Jesús í riasore gaye  
(Lc 15.3-7)

<sup>10</sup> Mucana ado bajiro gotiquí Jesús guare:

—Mutarã yure masisurãre sigũjuare tibo yibesa. Umacũju ángel mesa ñarãji ñnare tirũnrã. Co rumu ruyabeto yu jacu tu ñacãma ñna. <sup>11</sup> Yu ña Masa Rĩjoru.

Jeame Ẽjuroju waboanare masorocu wadicu yu, yiquí Jesús guare.

<sup>12</sup> Guare riasorocu ado bajiro yiquí Jesús mucana:

—Adocāta yu muare riasorisere queno t̄oĩaña mua. Sīgũ ñayiju cien oveja rucogu. Co r̄m̄m̄ gājerāre wagogōri sīgũ wisayiju oveja. ¿No bajiro t̄oĩati mua? ¿Gājerā r̄yarā, ta weseju noventa y nueve ñarā wisarure āmagũ waguĩjida i? <sup>13</sup> Ire āmagũ wacu yiguĩji i. Wisarure i bujaja, b̄to wanugũ yiguĩji i. Riti ña. Gājerā wisamena noventa y nueve ñarā r̄toro wisarure i bujaja wanugũ yiguĩji i. <sup>14</sup> Mani Jacu ũmacũju gagu ito bajiroti bajiami i c̄ni. Sīgũ yare masisucogu i wisare āmobiquĩji Dios, yiquí Jesús guare.

*Mani yagu* i ñeñaro yirise mani ācaboja quena, yi Jesús i riasore gaye

(Lc 17.3)

<sup>15</sup> Mucana guare ado bajiro riasoquí Jesús:

—Sīgũ mua yagu muare i ñeñaro i yija, i rioti oca quenoma, “Riti ya mua, muare ñeñaro yicu yu”, i yi masitoni. “Riti ya mua”, i yija oca quenocāna ña mua. Ito bajiri mua yagu r̄ca queno baba cutirā yirāji mua mucana. <sup>16</sup> “Bajibea b̄rāti ya mua”, i yija, gājerā j̄arāre ji ñucama. Ito bajiri mua busirise ina t̄oja. “Riti baja iti”, yi masirā yirāji ina. <sup>17</sup> Ñnare riojo i t̄or̄n̄ubeja, j̄arā Diore masirā riojo gotiba mua. Ina j̄arāre i t̄or̄n̄ũ āmobeja, Diore masibicu robo bajiro ire mua r̄coja quena. Sīgũ ñeñaro yigu, ujarāre yiari waja seni isiri masure bajiro r̄coja quena mua ire, yiquí Jesús guare.

<sup>18</sup> ‘Riti muare gotia yu. ũmacũju gagu Dios i c̄ana ña mua. Adi mac̄ruc̄uroju mua r̄oja, ũmacũju Dios t̄ju c̄ni r̄ore ñaro yiroja. Gajere c̄ni, “Ito bajiroti baja



m̄”, m̄ua yiro bajiroti ũmac̄j̄m̄ c̄ni bajiro yiroja, yiquĩ Jesús ḡuare.

<sup>19</sup> 'Gaje ado bajiro m̄uare gotia ȳ. M̄ua j̄uarã s̄ḡure bajiro t̄uoĩac̄ori Diore m̄ua seni āmoja, m̄ua āmoro bajiroti ĩsiḡũ yiguĩji ȳ Jac̄u ũmac̄j̄m̄ gaḡu. <sup>20</sup> No j̄uarã ũdiarã ȳre t̄uor̄ũnrã ĩna minijuaja, ĩna rãca ñaḡũ yiguja ȳ, yiquĩ Jesús ḡuare.

<sup>21</sup> Ito ĩ yija bero Pedro ado bajiro seniñaquĩ Jesure:

—Ȳm̄ Ɔj̄m̄ s̄ḡũ ȳ yaḡu ȳre ñeñaro ĩ yija, ¿noc̄ojiri ĩre ȳ ācabojoja quenati? ¿J̄ua āmojeno ĩre ȳ ācabojoja quenati? yiquĩ ĩ Jesure.

<sup>22</sup> ĩ ito yija t̄uoc̄ori, ado bajiro c̄diquĩ Jesús ĩre:

—J̄ua āmojeno r̄etoro, coji r̄uyabeto m̄ure ĩ seniroc̄o ĩre m̄u ācabojoja quena, yiquĩ Jesús Pedrore.

*Ḡaji ĩ ñeñaro yirise ācaboja āmobic̄u yire oca*

<sup>23</sup> M̄ucana Jesús ḡuare ado bajiro riasoquĩ:

—“¿Dios ũmac̄j̄m̄ rotiḡu no bajiro bajiatĩ ĩ?” m̄ua yi masĩ āmoja, s̄ḡũ Ɔj̄ure t̄uoĩate m̄ua. Ado bajiro yiyij̄m̄ ĩ. ĩ ya moari masare ji ñucac̄ori, ĩre ĩna waja ruyuriorisere c̄oĩayij̄m̄. <sup>24</sup> ĩ c̄oĩas̄uoroca s̄ḡũ ĩre jairo niyeru waja ruyurioğ̄ure ĩre āmi ejabojayijarã ĩna. <sup>25</sup> ĩ Ɔj̄ure waja yi masibisij̄m̄ ĩ. Ito bajiri, “Ḡajerãre ȳre ĩsi ĩsitẽña”, yiyij̄m̄ Ɔj̄m̄. ĩre, ĩ r̄ĩare, ĩ manojore, ĩ ya gajeoni jeyaro ḡajerãre ȳre ĩsi ĩsitẽña. ĩna waja m̄ua b̄ujarise ȳre m̄ua ĩsija, ĩ ȳre waja ruyuriorise t̄ĩjaro yiroja, yiyij̄m̄ Ɔj̄m̄ ĩre āmi ejanare. <sup>26</sup> Ito ĩ yija t̄uoc̄ori, ĩre waja ruyurioğ̄m̄ ĩ riojo rijomuniḡana ñini r̄j̄j̄uyij̄m̄. Ito yic̄ori ĩre josayij̄m̄ ĩ: “Ȳm̄ Ɔj̄m̄ jabeto yuya maji. M̄ure ȳ waja ruyuriorise waja t̄ioğ̄ũ yiguja ȳ maji”, yiyij̄m̄ ĩ, ĩ Ɔj̄ure. <sup>27</sup> Ito ĩ yija t̄uoc̄ori, ĩre ti maiyij̄m̄ ĩ: “Bāu, no yibeati”, yi ĩre jidic̄ayij̄m̄ ĩ, ĩ Ɔj̄m̄.

<sup>28</sup> 'Ito bajiro ĩ Ɔj̄m̄ yija t̄uoc̄ori, budi wayij̄m̄ ĩ. Budi wac̄ori ĩ baba ĩre waja ruyurioğ̄ure ti b̄ujayij̄m̄ ĩ c̄ni. Ito

bajiri ï babare ï ya ãmuma ñia rûgûcõri, “Yure mu waja ruyuriorise cojiti waja tïõña mu”, yiyiju ï ïre. <sup>29</sup> Ito ï yija tucõri, ï ya rijomunigãna ñini rûjûyiju ï: “Jabeto yure yuya maji. Mure yu waja ruyuriorise mure waja tiogû yigûja yu maji”, yibojayiju ï. <sup>30</sup> Ito ï yibojarocati tuobisiju ï. Ito bajiri tubiara wiju ãmi wacõri ïre cûyiju ï. “Yure mu waja ruyuriorise mu tïobeja, budibicu yigûja mu”, yiyiju ï. <sup>31</sup> Gãjerã moari masa ito bajiro ï yija ticõri, bujatobisijarã ïna. Ito bajiri ujû tu wacõri ñarocõti gotiyijarã ïna. <sup>32</sup> Ito bajiri ïre ïna gotija tucõri, “Ïre yure ji ïsitêña”, yiyiju ujû. Ï ejaja ticõri, ado bajiro ïre yiyiju ï: “Yure moa ïsiri masu quenabisija mu. ‘Yure mu waja ruyuriorisere ito bajicõato mure’, yibojacu yu, yure mu josajare. <sup>33</sup> Mure yu ti maicato bajiroti gãji mu babare ti mairujaboyija mu”, yiyiju ujû ïre moa ïsiri masure. <sup>34</sup> Buto junisinicõri ïre ï waja ruyuriorise ï waja tïotoni ïre tubia rotiyiju ï ujû: “Yure ï waja ruyuriorise ï tïobeja budibicu yiguïji ï”, yiyiju ujû, yi gotiquï Jesús guare, gua tuo masitoni.

<sup>35</sup> Bajiroti gaye guare riasoquï Jesús. Ado bajiro guare gotisusaquï Jesús:

—Ito bajiro riti yigu yiguïji yu Jacu ûmacûju ñagû cuni, gãjerã mua ñarãre ñeñaro ïna yirisere mua ãcabojobeja, yiquï Jesús guare.

## 19

*Manojore jidicãre ma, yi Jesús ï riasore gaye  
(Mr 10.1-12; Lc 16.18)*

<sup>1</sup> Ito bajiro Jesús ï yija bero Galilea sitana wacõri, Judea sitaju ejacu gua. Jordán wame cutirisa tu ûmacañi ï joeja mûja wadiri sitajua ñacu iti sita. <sup>2</sup> Jãjarã masa Jesure suya wacã. Cõrã ïna ñaja ñnare yisioquï Jesús.

<sup>3</sup> Itoꝝ ɢua ñaroca fariseo gaye tʉoĩarã ejacã Jesús tu. “Mani seniñaja, queno cudi masibicũ yiguĩji i”, yirona seniñabojacã ñna Jesure:

—¿Sĩgũ ï manojore ï cõaja, ï ãmoro bajiroti ï manojore ï cõaja quenati? yi seniñacã ñna.

<sup>4</sup> —¿Dios oca tuti tiĩabiticati mũa? Ñ oca gotia, “Cajero rujeoñi ãmũgũre ito yicõri romiore cuni”, yi gotia ï oca.

<sup>5</sup> Gaje ado bajiro gotia ï oca: “Ñ manojore rãca ñarocũ ï jacũre ï jacore jidicãgũ yiguĩji ï. Manojore cuticõri jũarã ñabojarãti sigũre bajiroti bajarã yirãji ñna”, yi gotia Dios oca. <sup>6</sup> Ito bajiroti baja ito gaye. Jũarã ñabojarãti sigũre bajiro ñarãji ñna ïja. Ito bajiro Dios ï babocãre ñajare manojore jidicã masia ma, yiquĩ Jesús fariseo gaye tʉoĩarãre.

<sup>7</sup> Ito ï yija tʉocõri, ado bajiro seniñacã ñna:

—Riti mũa gotija, ¿no yija ricati rotiyijari Moisés ñayoru? Ado bajiro rotiyõni ï: “Isore mũa jidicã ãmoja, jidicãre papera isore ïsiña”, yiyõni Moisés ñayoru, yicã ñna Jesure fariseo gaye tʉoĩarã.

<sup>8</sup> Ito bajiro ñna yija tʉocõri, ado bajiro cudiqũ Jesús:

—Diore ñna cudi ãmobejare, manojore jidicãre gaye rãobisĩ Moisés ñayoru. Ito bajibojarocati cajeroama ito bajiro meje bajiyija. <sup>9</sup> Riti mũare ado bajiro gotia yũ. Sĩgũ ï manojore gãjire iso ajebitibojarocati ï jidicãja, ñeñaro yigũ yami ïocũ. Isore jidicãcõri gajeore ï manojore cutija, ajegũ yami ïocũ. Gãji cõaro rãca ï manojore cutija, ajegũ yami ïocũ cuni, yiquĩ Jesús fariseo gaye tʉoĩarãre.

<sup>10</sup> Ito ï yija tʉocõri, ɢua ï rãca riasotirã ado bajiro yicũ ïre:

—Riti ito bajiro ito bajijama manojore cutire ma, yicũ ɢua ïre.

<sup>11</sup> Ado bajiro yiquĩ Jesús ɢuare:

—Ñarocõgoroama tʉo masi jedi yimenaji adire. Ñna tʉo masiroca Dios ï yiana riti tʉo masirã yirãji. <sup>12</sup> Coriarã ñna

manajo cūti masibeja, ricati riti baja ina ya rujuri. Coriarã ito bajironati rujeana ina. Gãjerãma, gãjerã ãmua ñnare ñeñoja bero manajo cūti masimenaji ñnaõna. Gãjerãma ãmacũju gagu Diore riti rucubõrona manajo manaji ñnaõna. No itioni gaye cudi ãmogũti cudiguĩji, yiquĩ Jesús guare.

*Rĩacare queno yijaro Dios, Jesús ñ yire gaye*  
(Mr 10.13-16; Lc 18.15-17)

<sup>13</sup> Ito yija bero gãjerã rĩacare Jesús tu ãmi ejacã. Ñna joe ãmo jeocõri Diore ñnare busi ñsitioni, ñnare ãmi ejacã ñna. Ñna ãmi ejaja ticõri. “Ãmi wadibesa maji. Usirioro ya mua”, yicu gua ñnare. <sup>14</sup> Ito bajiro gua yibojarocati Jesuama ado bajiro yiquĩ:

—Rĩacare reõbesa, yu tu wadijaro ñna. Rĩaca ñama yure queno tuorũnrã. Ñna robo yure queno tuorũnrãre ñ rotiroju miojugu yiguĩji Dios, yiquĩ Jesús guare.

<sup>15</sup> Ito ñ yija bero ñnare yiari Diore busi ñsirocũ ãmo moa jeoquĩ Jesús. Ito ñ yija bero gajerojua wacu gua Jesús rãca mũcana.

*Gajeonire buto maisabeja quena, Jesús ñ yire gaye*  
(Mr 10.17-31; Lc 18.18-30)

<sup>16</sup> Co ramũ sũgũ mamũ Jesure seniãagũ ejaquĩ:

—¿Queno riasogu catitĩñare gaye yu buja ãmoja, no bajiro yigũjada yu? ¿Ñe quenarise gaye yigu yigũjada yu? yiquĩ ñ Jesure.

<sup>17</sup> —¿No yija quenagũ yure yati mu? Sũgũ ñami queno yigu. Ñti ñami Dios. Catitĩñare gaye mu ãmoja, Dios ñ rotiriserẽ cudiya quena, yiquĩ Jesús mamũre.

<sup>18</sup> —¿Ñe rotire gaye yigũjada yu? yiquĩ ñ Jesure.

—Gãjire sãbeja. Gãji manojore ajebeja. Romia cuni gajeo manũjũre ajebeja. Rinibeja. Gãjerãre ruo gotibeja.

<sup>19</sup> Mũ jacure, mu jacore cuni rucubõba. Ito yicõri mu ya

rujøre m̄ mairo bajiroti, m̄ ñaräre c̄ni maima, yiquĩ Jesús mamøre.

<sup>20</sup> —Macuacã ñagũjuti itire ito bajiro yisuc̄u ȳ. ¿Ñe gaje r̄yati ȳre queno ȳ yiroti? yiquĩ ĩ Jesure.

<sup>21</sup> Ito ĩ yija, ado bajiro c̄diquĩ Jesús:

—Ñaroc̄oti m̄ c̄di jeo ãmoja, ado bajiro yiya. Jeyaro m̄ r̄corise gãjeräre ĩsi jeoc̄õña. Ito yic̄ori iti waja b̄-jac̄ori bojoro b̄jaräre ĩsima. Ito bajiro m̄ yija, ũmac̄ũju queno b̄jaḡu yiḡuja m̄. Ito bajiro m̄ yi jeoja bero ȳ r̄ca waya, yiquĩ Jesús ĩre.

<sup>22</sup> Jesús ito bajiro ĩ yija t̄oc̄ori, b̄to bojori b̄ja t̄di waquĩ ĩ, ĩ ya gajeonire maiḡũ. B̄to gajeoni jaiḡu ñayiju ĩ.

<sup>23</sup> Ito yija bero ḡa ĩ r̄ca riasotiräre ado bajiro yiquĩ Jesús:

—Riti m̄are ado bajiro gotia ȳ. S̄ḡũ gajeoni jaiḡu Dios rotiroju ĩ eja ãmoja josari ña. <sup>24</sup> M̄cana m̄are goti quenoa ȳ. S̄ḡũ camello gawa jota susuriju ĩ r̄eta budi ãmoja, josari ña. Ito bajiroti b̄to b̄sa josari ña Dios ĩ rotiroju niyeru jaiḡu ĩ eja ãmoja, yiquĩ Jesús ḡare.

<sup>25</sup> Ito ĩ yija t̄oc̄ori, b̄to uc̄acu ḡa. Ito yic̄ori ḡamasiti gãmeri seniĩacu ḡa:

—¿Ito yija noajua Dios ĩ ñaroju ejaḡu yiguĩjida? S̄ḡũ ejabiquĩji gajea, yi gãmeri busicu ḡa.

<sup>26</sup> Ḡare tic̄ori ado bajiro yiquĩ Jesús:

—Masamasiti yiado ma itire. Dios s̄ḡũti jeyaro yi masiguĩji. Ñejuã josarise manoja ĩre, yiquĩ Jesús ḡare.

<sup>27</sup> Ito ĩ yija t̄oc̄ori, Pedro ado bajiro yiquĩ:

—Ȳu Ūju jeyaro ḡa r̄corisere jidic̄acu ḡa. Iti jeyaro jidic̄ac̄ori m̄ r̄ca s̄ya ḡa. ¿Ito ḡa yijama ñe b̄jarã yirãjida ḡa? yiquĩ ĩ Jesure.

<sup>28</sup> Ito ĩ yija t̄oc̄ori, ado bajiro gotiquĩ Jesús ĩnare:

—Riti mware gotia yu. Co rumu mucana mame menigũ yiguĩji Dios. Ito bajiro ĩ yiri rumu yu Masa Rijoru rotiroju yori cumuroju rujigu yiguja yu. Mwa cuni yure sayarã, jua gubojeno ñari cumurori rotiroju rujirã yirãji mwa cuni. Israel sita gãna jua gubojeno masa buturi gãnare rotirã yirãji mwa. <sup>29</sup> Noa yure cudi ãmorã ĩna ya wiri, ĩna ñarã, ĩna jacusabatia, ĩna manojosãromia, ĩna rĩa, ito yicõri ĩna ya wesecare cuni ĩna cũ waja, ĩna rucobojarise rëto busaro queno bujarã yirãji ĩna mucana. Ito yicõri catitiñare bujarã yirãji ĩna. <sup>30</sup> Jãjarã adoju ñasari masa ñarã, itoju umacũju ñasarã meje ñarã yirãji. Ito bajicõri adoju ñasamena ñarã, itoju umacũju ñasarã ñarã yirãji, yiquĩ Jesús guare.

## 20

### *Moari masa gaye Jesús ĩ goti masiore oca*

<sup>1</sup> “Īre tuorũnurãre ĩ rotiroju miojugu yiguĩji Dios”, gwa yi masitoni ado bajiro goti masioquĩ Jesús guare:

—Sĩgũ uyé wese co wese rucogu ñayiju. Busuri jĩju ĩre moa ĩsironare ãmagũ wayiju ĩ. <sup>2</sup> Īnare bujacõri ĩnare busi quenoyiju ĩ. “Co rumu ãmwasaro yure mwa moa ĩsija, coji denario niyeru cuji mware waja yicuja yu”, yiyiju ĩ ĩnare. ĩna cudija tuocõri, “Yu ya sita moa ĩsitẽña yure”, yiyiju ĩ ĩnare. <sup>3</sup> Ito bero yoa busari nueve tujaroca, gãjerã moa ãmorã cuto gudareco ĩna rũgõja ti bujayiju ĩ. <sup>4</sup> “Wasa, mwa cuni. Yu ya ote wese moa ĩsitẽña. Yiro robo queno mware waja yigu yiguja yu”, yiyiju ĩ ĩnare. Ito bajiri ĩna cuni ĩre moa ĩsirã wayijarã. <sup>5</sup> Mucana ito bajiroti ãmwa gudareco ñaroca, tres ñaroca cuni moari masa bujayiju ĩ. <sup>6</sup> Mucana cinco ñaroca cuto gudareco ejacõri gãjerã moa ãmorã ĩna rũgõja ti bujayiju ĩ. Ito yicõri ĩnare ado bajiro yiyiju ĩ: “¿No yija adi rumu moamenati ãmwasaro rũgõ ucuati mwa?” yiyiju ĩ ĩnare. <sup>7</sup> “Ñimujua

guare, ‘Moa ĩsiña mũa’, yibeama. Ito bajiri ñacõa gũa”, yiyijarã ĩna ĩre. “Wasa mũa cũi. Yũ ya ote wese moa ĩsitẽña. Yiro robo queno mũare waja yigũ yigũja yũ”, yiyijũ ĩ ĩnare. <sup>8</sup> Rãiocũro ñaroca ĩ ya moari masare coderi masũre ji ñucayijũ ĩ, ĩ ya moari masare ĩ waja yitoni. “Bero moare sãjacãnjũare waja yisũoya. Ito yicõri moare sãjasũocãnjũare waja yi gajanoaña”, yiyijũ ĩ, ĩ ya moari masare coderi masũre. <sup>9</sup> Ito yija bero moare sãjasũsana ejasũoyijarã. Ito bajiri ĩna jeyarore coji denario niyeru cuji ĩnare waja yiyijũ ĩ. <sup>10</sup> Itocõacã ĩna bũjaja ticõri, cajero moare sãjasũoana: “Maniama jai bũsaro bũjarã yirãji”, yi tũoĩabojayijarã ĩna. Ito bajiro ĩna tũoĩare ñabojarocati. Co cujiti niyeru cuji boca ãmiyijarã ĩna cũi. <sup>11</sup> Ito bajiri itocõacã bũjacõri ẽjũre tudisũoyijarã ĩna. <sup>12</sup> “Gũa berojũ moasũorã coji cõreti moama ĩna. Ito bajibojarocati ĩnare mũ waja yirocõacãti guare waja yia mũ. Guama ũmacañi asiro bũjãabojabũ gũa”, yi tudiyijarã ĩna ẽjũre. <sup>13</sup> Ito bajiro ĩna yibojarocati sũgũre ado bajiro cũdiyijũ ẽjũ: “Yũ baba mũre rinibea yũ. ‘Yicũja’, yũ yiado bajiroti ya yũ. Jĩjũ oca quenocãmũ mani. ‘Co rũmũ moare waja co cuji niyeru cuji waja cõtia’, yari mũre bũsicãmũ yũ. <sup>14</sup> Mũ moare waja ãmicõri wasa. Mũre yũ waja yiro bajiroti bero moasũsagũre cũi itocõti ĩsi ãmoa yũ. <sup>15</sup> Yũ ya niyeru ña. Ito bajiri yũ ãmoro bajiroti ya yũ itire. ¿ĩnare queno yũ waja yija, itire ti junisiniati mũ?” yiyijũ ĩ cajero moare sãjasũorũre, yiquĩ Jesũs guare.

<sup>16</sup> Gaje ado bajiro yiquĩ Jesũs guare:

—Ito bajiroti adojũ jãjarã ñasarã ñarã, itojũ ũmacũjũ Dios ĩ ñarojũ ñasamena ñarã yirãji ĩna. Gãjerã adojũ ñasamena ñarã, itojũ Dios ĩ ñarojũ ñasarã ñarã yirãji. Masa jeyarore jibojagũti coriarãreti bese ãmigũ yiguũji Dios, yisũsaquĩ Jesũs guare.

Yũre s̄iarã yirãji, Jesús ĩ yi b̄usis̄usare gaye

(Mr 10.32-34; Lc 18.31-34)

<sup>17</sup> Jerusalénjũ gũa wasũoroca, gũa jũa gũbojeno ñarãre b̄usirocũ ricati ji ñucaquĩ Jesús:

<sup>18</sup> —Jerusalénjũ ejarã warã, mũja wasũoa mani. Jerusalénjũ mani ejaroca Masa Rĩjorũre ñiarã yirãji masa. Ito yicõri paia ɯjarãre, judio masa rotirise riasori masare c̄uni ĩre ĩsirã yirãji ĩna. ĩnajũ ĩre s̄ia rotirã yirãji. ĩti ña yũ Masa Rĩjorũ. <sup>19</sup> Ito yicõri gaje masa yũre ĩna aja tuditoni, yũre ĩna bajetoni, ito yicõri yucũt̄eojũ yũre ĩna jaju s̄iatoni ĩnare yũre ĩsirã yirãji ĩna. Yũre s̄iacõri godana wato yũre yujebogarã yirãji ĩna. Ito ĩna yibogarocati ɯdia r̄mũũ bero yũ catiroca yigũ yiguĩji Dios yũre, yiquĩ Jesús gũare.

*Santiago mesa jaco Jesure iso senĩã ãmore gaye*

(Mr 10.35-45)

<sup>20</sup> Ito yija bero Zebedeo r̄ia jaco ejacõ Jesús rãca b̄usiroco. Iso r̄ia Santiago, Juan rãca ejacõ. “Yũre queno yiya mũ”, yiroco Jesús riojo rijomunigãna ñini r̄jũcõ iso.

<sup>21</sup> Ito bajiro iso yija ticõri:

—¿No bajiro yũ yire ãmoati mũ? yiquĩ Jesús isore.

Ito ĩ yijare ado bajiro c̄udicõ iso:

—Mũ rotirojũ mũ ejaja, yũ r̄iare s̄igũ mũ ya riojocadũja, gãjire mũ ya gãcodũja rojoba ĩnare, yicõ iso Jesure.

<sup>22</sup> Ito bajiro iso r̄iare ado bajiro yiquĩ Jesús:

—Mũa yũre senibogariserere queno t̄uo masibeã mũa. Quenabeto yũ t̄uoĩaroca yirã yirãji masa yũre. ¿Yũre bajiroti quenabeto t̄uoĩã ñemecũti masirã yirãjida mũa c̄uni? yiquĩ Jesús ĩnare.

—Ñemecũticõrãji gũa, yicã ĩna Jesure.

<sup>23</sup> ĩna ito yija t̄uocõri, ado bajiro c̄udiquĩ Jesús:

—Riti mũare gotia yũ. Mũa c̄uni yũre bajiroti t̄õbujarã yirãji. Ito bajibogarocati yũ ya riojocadũja, yũ ya gãcodũja



m̄uare rojo masibea yu. “Āna yu Macu tu rujirã yirãji”, yu Jacu ĩ yicãdo bajiroti, ĩnare rojogu yiguĩji, yiquĩ Jesús ĩnare.

<sup>24</sup> Ḡua Jesús rãca riasotirã j̄ua dujamocõ ñarã, “Ito bajiro ãmoa ḡua”, ĩna yija tuocõri, tuo junisinicu ḡua. <sup>25</sup> Ito bajiro ḡua bajija ti masicõri, ado bajiro yiquĩ Jesús ḡuare:

—Sita ujarã ñasari masa ĩna roca ḡanare rotirã yirãji. Ito yicõri m̄ucana ĩnare moa ĩsiri masa, ĩna roca ḡanare buto busa s̄oro rotirã yirãji ĩna. “Ito bajiro yicã masa”, yi tuo masia m̄ua. <sup>26</sup> M̄uama ito bajiro bajimena yirãji. Gajero bajiroj̄ua baja. No ñasagu ña ãmogũ, ḡajerãre ejabuagu yiguĩji. <sup>27</sup> Ito yicõri cajero gagu ñasuo ãmogũ, ḡajerãre moa ĩsigũ yiguĩji. <sup>28</sup> Yu cuni ito bajiroti ya. Ḡajerã yure moa ĩsijaro yigu meje wadicu yu. ĩnajuare ejabuagu wadicu yu. J̄ajarãre masorocu wadicu yu. ĩna ñeñaro yirisere waja yi ĩsirocu goda ĩsigũ wadicu yu, yiquĩ Jesús ḡuare.

J̄uarã cajea manare Jesús ĩ yisioire gaye

(Mr 10.46-52; Lc 18.35-43)

<sup>29</sup> Jericó wame cutiri cuto ḡua budi waroca, j̄ajarã masa suyacã, Jesure ti ãmorã. <sup>30</sup> Itoju ḡua waroca j̄uarã cajea timena rujicã ma tuj̄u. Jesús ĩ r̄etaja tuocõri, ado bajiro ĩre ji awasãcã ĩna:

—Ḡua uju, David ñayoru janerãbatia janamiti ña m̄u. Ḡuare ti maiña m̄u, yi awasãcã ĩna.

<sup>31</sup> Ito bajiro ĩna yibojarocati, “Awasãbesa maji”, yicã masa. Ito bajiro ĩna yibojaroca riti, buto busa awasãcã ĩna m̄ucana:

—Ḡua uju, David ñayoru janerãbatia janami ña m̄u. Ḡuare ti maiña, yi awasãcã ĩna buto busa.

<sup>32</sup> Ito ĩna yija tuocõri, tuja r̄ugũquĩ Jesús. Ito yicõri cajea manare ji ñucaquĩ ĩ:

—¿No bajiro yu yire ãmoati m̄ua? yiquĩ ĩ ĩnare.

<sup>33</sup> —Ḡua Uju, cajea ti ãmoa ḡua, yicã ĩna Jesure.

<sup>34</sup> Ito ñna yija tʉocõri, ñnare ti maiquĩ Jesús. Ito yicõri ñna ya cajeari moañaquĩ ñ. Ito bajiro ñ yirocati timena ñabojana ticoacã ñna ñja. Ito ñ yija bero ñna cʉni Jesure sʉyacã.

## 21

*Jerusalén*ñ Jesúś ñ ejare gaye

(*Mr 11.1-11; Lc 19.28-40; Jn 12.12-19*)

<sup>1</sup> Jerusalén cõña warã Betfagé wame cʉtiri cʉto ejacʉ gʉa. Jabeto cõñasʉocʉ Jerusalén ñja. Olivos wame cʉtiri tʉria jʉdo ñacʉ iti cʉto. Jʉarã gʉa rãca gãnare ñ rãca riasotirãre, <sup>2</sup> ado bajiro rotiquĩ Jesús:

—Mani waroto riojo ñari cʉtoŕe wasa maji. Itoñ ejacõri burro sia rʉgõrʉre bujarã yirãji mʉa. Ito yicõri ñ macʉ cʉni ñagũ yiguĩji ñ rãca. ñnare õjacõri ãmi wadi ñsima yʉre. <sup>3</sup> Sĩgũ mʉare ñ busija. “Mani ʉjʉ ñnare ãmoami”, yiba. “Yoari mejeti mʉcana mʉre jʉdacõarã yirãji gʉa”, yiba. Ito bajiro mʉa yija tʉocõri, “Bañ wasa”, yigʉ yiguĩji mʉare, yiquĩ Jesús ñnare.

<sup>4</sup> Ito bajiro yiquĩ Jesús, sĩgũ Diore goti ñsiri masʉ ñ ucado bajiroti yigʉ. Ado bajiro ucayoñi Diore goti ñsiri masʉ:

<sup>5</sup> Jerusalén gãnare ado bajiro yiba: “Tiya mʉa. Mʉa ʉjʉ wadiami. ‘Ñasagʉ ña yʉ’, yirocʉ meje ejami ñ. Burro gajeoni ñmari masʉ macʉ ñ joe jesacõri wadiami ñ”, yiba, yi ucañi Diore goti ñsiri masʉ ñayorʉ.

<sup>6</sup> Jesús ñ rotija tʉocõri, ñ rotiro bajiroti yicã ñna. <sup>7</sup> Burro ñ macʉ rãcati ãmi wadiñi ñna. ñna ya yutabujurire ruacõri burro joere jeocã ñna. Ito ñna yija bero mʉja jeaquĩ Jesús ñja. <sup>8</sup> Ito iti bajiroca masa jãjarã ñnacã. ñna ya yutabujuri ruacõri mare eyocũ yucã ñna. “Gʉa ʉjʉ ña mʉ”, yirona ito bajiro yiyijarã masa Jesure rʉcʉbʉorã. Gãjerã yucʉguri jatacõri mare cũ yucã ñna. <sup>9</sup> ñ riojʉa gãna, ñ berojʉa gãna cʉni ñre wanʉrã ado bajiro awasã wacã ñna:

—Mɯ ña David ñayorɯ janerãbatia janami. Mɯ ña gɯa ʋɯɯ. Rẽtoro masigũ ña mɯ. Dios ɨ cõarɯ ña mɯ. Queno yijaro Dios mɯre. Quenasacõa Dios ɨ ito bajiro ɨ cõaja, yi awasã wacã masa.

<sup>10</sup> Ito bajiro Jesús masa rãca ɨ ejaja, tɯo batocõri tɯoĩa oca jaicã masa. Jãjarã ñnamasi gãmeri seniãcã ñna:

—¿Ñimɯõcũ ñnati ãni? yicã ñna.

<sup>11</sup> Gãjerã ado bajiro yicã:

—Ïti ñami Jesús Diore goti ɨsiri masɯ. Galilea sita Nazaret wame cõtiri cõtɯo gagɯ ñami ɨ, yicã masa.

*Dios ya wijɯ niyeru wasoari masare Jesús ɨ bucõare gaye (Mr 11.15-19; Lc 19.45-48; Jn 2.13-22)*

<sup>12</sup> Ito ɨ yija bero Dios ya wi minijuara wijɯ sãja wacɯ gɯa Jesús rãca. Iti wijɯ waja gãme ñari masare ticõri ñnare bucõaquĩ Jesús. Masare ñna niyeru wasoa ñari casabore tujɯda queoquĩ Jesús. Ito yicõri bujare ñna ɨsi rujiri cumurori tujɯda cõaquĩ. <sup>13</sup> Ado bajiro gotia Dios oca tuti yiquĩ Jesús:

—Yɯ ya wiama yɯre rũcɯbɯorona ñna minijuara wi ñaro yiroja. Ito bajibojarocati mɯama riniri masa ñna rudiri wi robo bajiro meniyija mɯama, yi gotia Dios oca tuti, yiquĩ Jesús ñnare.

<sup>14</sup> Iti wijɯ minijuara wijɯ gɯa ñaroca, cajea mana ito yicõri wa masimena ejacã Jesús tɯ. Ñna ejaja ticõri, ñnare yisioquĩ Jesús. <sup>15</sup> Ito bajiro Jesús tiyamani ɨ ɨoja ticõri, paia ɯjarã ito yicõri judio masa rotirise riasori masa cɯni Jesure tɯo junisinicã ñna. “Rẽtoro masigũ ña mɯ. David ɯɯɯ ñayorɯ janerãbatia janamiti ña mɯ”, minijuara wijɯ rĩaca ñna awasãja tɯocõri, Jesure tɯo junisinicã ñna. <sup>16</sup> Ito bajiri Jesure ado bajiro yicã ñna:

—¿Ito bajiro ñna busija tɯocɯati mɯ? yicã ñna Jesure.

—Tɯoa yɯ ñnare. Dios oca tutijɯ ito bajiro iti gotija. ¿Tĩĩabeati mɯa? Ado bajiro gotia iti:

Rĩaca ito yicõri ũjurãcã cuni mũre ãna wanũ rĩcũbũoroca ya mũ, yi gotia Dios oca, yiquĩ Jesũs ãnare.

<sup>17</sup> Ito yija bero ãnare wagocu gũa. ãnare wagocõri Betania wame cutiri cutojũ ejacu gũa. Itojũ canicũ gũa.

*Higuera rica manigũre* Jesũs ã rojare gaye

(Mr 11.12-14,20-26)

<sup>18</sup> Mũcana busuri Jerusalẽnju tũdi wacu gũa. Ma gũ-dareco gũa tũjaroca, “Ñiocõa yũ”, yiquĩ Jesũs. <sup>19</sup> Ma tũ higuera wame cutiricũ ñacu. Itigũ ricare ba ãmogũ ojabojaquĩ Jesũs. Rica manicũ itigũjũama. Jũgoti ñacu. Ito bajiri itigũre ado bajiro yiquĩ Jesũs:

—Jũaji rica cutibitiatõja mũgo, yiquĩ Jesũs itigũre.

Ito bajiro ã yirocati sinia godacoacu itigũ. <sup>20</sup> Ito bajiro iti rõtaja ticõri, Ʃcacũ gũa Jesũs rãca riasotirã:

—¿No bajijare yoari mejeti sinia godati itigũ? yicũ gũa Jesure.

<sup>21</sup> Ado bajiro gũare cudiquĩ ã:

—Riti mũare gotia yũ. Yũre tũorũnũcõri, “Yũre ejabuabiquĩji Jesũs”, mũa yi tũoĩabeja, janeti higuera gũre yũ yiro bajiro meje riti yi masirãji mũa. Gaje sũo busarise yi masirãji mũa. I tũriare, “Cunĩ rũgõcõri riaca jajosajũ queda roaya”, mũa yija, ito bajiroti rõtaro yiroja. <sup>22</sup> Diore busirã mũa senija, ãre mũa tũorũnũjama mũa seniro bajiroti bajiro yiroja, yiquĩ Jesũs gũare.

“¿Ñimũ ã rotijare ito bajiro yati mũ?” yi Jesure ãna seniĩare gaye

(Mr 11.27-33; Lc 20.1-8)

<sup>23</sup> Ito rõtã wacõri Jerusalẽnju ejacu gũa mũcana. Ito yicõri minijuara wiju sãjacũ gũa Jesũs rãca. Ito gũa ñaroca riti paia Ʃjarã, ito yicõri judio masa bũcurã ejacã Jesure seniĩarona:

—¿Ñimũ ã rotijare ito bajiro yati mũ? ¿Ñimũ mũre, “Ito bajiro yiba”, yicati? yicã ãna Jesure.

<sup>24-25</sup> Ito bajiro ñna yija tʷocōri:

—Yʷ cʷni mʷare ado bajiro seniñagũ ya. Yʷre mʷa cʷdija berojʷa, “Í rotirena ya yʷ”, mʷare yicʷja maji. ¿Ñimʷ cōayijari Juanre masare í idé gutoni? ¿Dios cōayijarite? ¿Masajʷa cōayijarite? yi seniñaquí Jesús ñnare.

Ito í yija tʷocōri, ñnamasiti gāmeri tʷoĩa bʷsicā ñna: “ ‘Dioti Juanre idé gu rotiñi’, mani yija, mʷcana manire seniñagũ yiguíji Jesús: ‘¿No yija ñre tʷorũnʷbiticati mʷa?’ yi seniñagũ yiguíji Jesús manire. <sup>26</sup> ‘Masati Juanre idé gu rotiñi’, mani yijama, masa bʷto ti tudirā yirāji manire. ‘Diore goti ísiri masʷ ñami Juan’, yi tʷoĩarāji masa”, yi gāmeri tʷoĩa bʷsicā ñna. <sup>27</sup> Ito bajiro tʷoĩacōri:

—“Íti Juanre idé gu rotiñi”, yi masibeá gʷa, yicā ñna Jesure.

Ito ñna yija tʷocōri, ado bajiro cʷdiquí Jesús ñnare:

—Ito bajijama í rotirenati adi jeyaro tiyamani ya yʷ, yi masibeá yʷ cʷni mʷare, yiquí Jesús ñnare.

*Sīgũ* í rĩa jʷarāre moa rotire Jesús í riasore gaye

<sup>28</sup> Mʷcana judio masa bʷcʷrāre ado bajiro seniñaquí Jesús:

—Mʷare oca gotigʷ ya yʷ. ¿Itire no bajiro tʷoĩarā yirājida mʷa? Sīgũ ñayijʷ jʷarā rĩa cʷtigʷ. Í macʷ ñasʷogʷre ado bajiro yiyijʷ í: “Macʷ jane yʷ ya ote ʷyére moagũ wacʷ ya mʷ”, yiyijʷ í, í macʷre. <sup>29</sup> “Āmobeá yʷ, wabicʷja yʷ”, yiyijʷ í ñre. Ito bero gaje tʷoĩa quenocōri moagũ wayijʷ í ĩja. <sup>30</sup> Ito yija í macʷ gājire cʷni ito bajiroti moa rotiyijʷ. “Baʷ, moagũ wacʷja cʷna yʷ”, yiyijʷ í ĩja í jacʷre. Ito yibo jaguti moagũ wabisijʷ í. <sup>31</sup> Mʷa tʷoĩaja, ¿ñimʷjʷa ñayijari í jacʷ āmoro bajiro yigu? yi seniñaquí Jesús ñnare.

Ito í yija tʷocōri:

—Cajero í moa rotisʷorʷ quenañi, yicā ñna Jesure.

Ito ñna yija tʷocōri, ado bajiro yiquí Jesús:

—Riti mũare gotia ya. Ujarãre yiari waja seni ãsiri masa ito yicõri wedi masa romia mũa riojuã Dios ã rotiroju ejarã yirãji ãna. <sup>32</sup> Juan idé guri masũ, “Ado bajirojua mũa ñaja quena”, yi mũare ã riasobojaja, ãre tuorũnũbisija mũa. Ito bajibojarocati ujarãre yiari waja seni ãsiri masa, ito yicõri wedi masa romia cuni ãre tuorũnũni ãna. ãna ito bajiro Juan idé guri masũre ãna tuorũnũja, tibojarãti mũa ñeñaro yirise jidicã amobisija mũa. Ito yicõri Juan idé guri masũre tuorũnũbisija mũa, yiquĩ Jesũs ãnare.

*Queno moare rujeo masimena Jesũs ã yire gaye*

*(Mr 12.1-12; Lc 20.9-19)*

<sup>33</sup> Gaje goti masiore ocana mũare gotigu ya yũ: Sĩgũ weseca cutigu ã ya weseju uyé oteyiju. Iti wesere ote tĩocõri iti wesere camotayiju ã. Ito yicõri uyé ide bijerotiju coju meniijiju ã. Iti wese ñacõri tirũnũrocũ umacũju casabo meniijiju ã. Ito yija bero co rũmũ gãjerãre tirũnũ wasoa rotijiju. Ito yicõri gajeroju wacoayiju ã. <sup>34</sup> Ito bajiri co rũmũ uyé iti rica cutiroca, “Yũ ye ñaroti jabeto uyé amitẽña”, yirocũ ã ya moari masare cõayiju ã. <sup>35</sup> Iti weseju ãna ejaja ticõri, ito coderi masa ãnare ñiayijarã. Sĩgũre jayijarã, ito yicõri gãjire sãayijarã, ito yicõri gãjire gũtana reayijarã. <sup>36</sup> Iti oca tuocõri jãjarã bũsa ã ya moari masa cõayiju ã, ã ya wesejũ ã ye ñaroti ãna amitoni. Iti weseju ãna ejaroca, iti wese code ñana ito riojua ejanare ãna yiado bajiroti yijijarã mũcana.

<sup>37</sup> Ito bajiro ãna yija tuocõri, “Yũ macũjuare rũcũbuorãji”, yi tuoĩacõri ã macũre wa rotijiju ã. <sup>38</sup> ã macũ ejaja ticõri, ado bajiro tuoĩa bũsiyijarã ãna: “Adi sita uju godagoja ãni macũti ñami wasoarocũ, ito bajiri ãre mani sãaja, mani ya sita ñaro yiroja ãja”, yi gãmeri tuoĩa bũsiyijarã ãna. <sup>39</sup> ãna tuoĩado bajiroti ãre sõju ñia ãmi wacõri sãayijarã ãna, yiquĩ Jesũs ãnare.

<sup>40</sup> Ito bero mũcana ado bajiro ãnare seniãaquĩ Jesũs:

—¿Ī tūdi ejaja no bajiro yigu yiguĩjida ñnare, iti wese codeanare? yi seniñaquĩ Jesús ñnare.

<sup>41</sup> Ito ĩ yija tuocōri, ado bajiro cudicã ñna Jesure:

—Ñnare ti maiari meje ñnare sĭagũ yiguĩji ĩ iti sita ʋju. Ito ĩ yija bero gãjerãre tirũnu wasoa rotigu yiguĩji ĩ. ʋyé iti bucuaroca iti wese ʋjũre ĩsironare ñnare wasoagu yiguĩji ĩ, yicã ñna Jesure.

<sup>42</sup> Jesujua ado bajiro yiquĩ ñnare:

—¿Dios oca tuti tiĩabeati mua? Ado bajiro gotia iti tuti: Gũta wi meniri masa coga gũtagãre cõayijarã ñna. Ito bajibojarocati gaje gũta rētoro quenarica ñayiju itiga ñna cõabojaraga. Itiga gũtagãna suoriti quenari wi menigũ yiguĩji Dios. Itiga gũtagã manija, menire ma. Ito bajiro ãmoñi Dios mani ʋju. Ito bajiri itire masicōri buto tuoĩa wanua mani, yi gotia Dios oca. Ito bajiro yiñi Dios, yũre rētaroti tuoĩa yugu. <sup>43</sup> Ito bajiri muare ado bajiro gotia yũ: “Īre tuorũnurãre ĩ rotiroju miojugũ yiguĩji Dios”, muare gãjerã gotibojarocati tuorũnubisija mua. Ito mua yija ticōri, gãjerã masa ĩ oca ñna masiroca yiñi Dios. Ito bajiri ĩre ñna queno cudija ticōri, ñnareama miojugũ yiguĩji Dios, ĩ rotiroju. Mua judio masare ĩ rotiroju muare cũ yubojãni Dios. Muare yubojacōri gãjerãre cũgũ yiguĩji Dios ĩ rotiroju. ĩ ya weseca ejabua ãmorãre bajiro bajirã cũgũ yiguĩji Dios ĩ rotiroju. <sup>44</sup> Jiju gũta gaye muare yũ busirise ado bajiro baja: No gũtagã joe quedi jeagure ĩ ya gõari jearo yiroja ĩre. Ito yicōri itiga gũtagã sigũre iti quedi jeaja, mano abocōro yiroja. No yũre tuorũnubicũ, catitĩnabicũ yiguĩji. Ito yicōri noa jeame ʋjũroju cõa ãmorãre yũ cõaja, ruyuriorocũ cõagũ yigũja yũ, yiquĩ Jesús ñnare.

<sup>45</sup> Goti masiore oca Jesús ñnare gotija tuocōri, “Manireti busiami”, yire masiri seyocã fariseo gaye tuoĩarã, paia ʋjarã cuni. <sup>46</sup> Ito bajiri Jesure ñna ãmori seyobojacã ñna.

Ito bajiro tuoŋabojarāti masare güirã Jesure ñiabiticã ñna. “Diore goti ñsiri masu ñami Jesús”, masa ñna yi tuoŋajare, masare tao güicã ñna.

## 22

*Ámo siare gaye Jesús i riasore oca*

*(Lc 14.15-24)*

<sup>1</sup> Mucana masare goti masiore ocana gotisuoquĩ Jesús:

<sup>2</sup> —“Ado bajiro bajia, ñre tuorũnurãre i rotiroju Dios i miojuri rũmũ”, yirocu ado bajiro gotiquĩ Jesús: Sĩgũ uju i macu amo siare basa meniyiju. <sup>3</sup> “Ti ejabuaronare jitẽña”, yirocu i ya moari masare cõayiju uju. Ito i yija tuocõri, jirã wabojayijarã ñna. Ñna jibojarocati wadi amobisijarã ñna. <sup>4</sup> Ito bajija ticõri, gãjerã i ya moari masare cõayiju uju. “Gua uju mũare bocatimi. I ya wecu ri cutirãre sĩa rotimi i. Mũare bocati ñami i. Ito bajiri i macu amo siari rũmũ tirã waya mũa cuni, yiba ñnare”, yi oca cõayiju uju. <sup>5</sup> Ito yija tuocõri, jirã wabojayijarã ñna mucana. Ito bajibojarocati ñre cudi amobisijarã i oca cõana. Ito bajiri ñna gotibojaroca riti, gãjiama i ya wesecaju wayiju. Gãji i gajeoni i ñsiroju wayiju. <sup>6</sup> Gãjerãma uju i cõanare boca ñiyijarã. Ito yicõri ñnare jayijarã. Ito yirã riti ñnare sĩa cõoyijarã ñna. <sup>7</sup> Itire tuocõri bũto junisiniyiju uju. Ito bajiri i ya surarare ñnare sĩa rotiyiju, ito yicõri ñna ya wirire soe rotiyiju i. <sup>8</sup> Ito yija bero gãjerã ñre moa ñsiri masare ado bajiro yiyiju i: “Yu macu i amo siaroti gaye ñajediro ñacã. Jiju yu oca cõabojanama wadire ma ñnare. <sup>9</sup> Cũto gũdareco wasa. Itoju mari mũa ti bũjaro bajiroti baba cutiba”, yiyiju uju ñre moa ñsiri masare. <sup>10</sup> I rotiro bajiroti masa miojuyijarã ñna mariju. Quenarã, ñeñarã, ñna bũjaro bajiroti miojuyijarã ñna. Ito bajiri uju ya wi dajacoayiju.

<sup>11</sup> Ito yija i oca cõanare tigũ sãjayiju uju. Sĩgũ i amo siara rũmũ sãñare gaye yutabuju i sãñabeja tiyiju i. <sup>12</sup> Ito



bajiri ado bajiro yiyijũ ĩ ĩre: “Yũ baba, ¿no yija ãmo siare gaye yutabuju sãñabeati mũ?” yiyijũ ĩ ĩre. Ito ĩ yija cudi bisijũ yutabuju sãñabicũ. <sup>13</sup> Ito yija bare jeori masare ado bajiro yiyijũ ujũ. “Ĩ ya gũbori, ĩ ya ãmori rãca siaya ãnire. Ito yicõri rãitĩaroju cõaña ĩre. Itoju ejacõri ñeñaro tũbujagũ yiguĩji. Ito bajiri oticõri buto tuoĩa oca jaigũ yiguĩji ĩ”, yiyijũ ujũ ĩ ya bare jeori masare. Ito bajiroti bajiroja ũmacũju Dios ĩ rotiroju cuni. <sup>14</sup> Jãjarãre jibojami Dios, ĩ ñaroju ĩna ejatoni. Ito bajibojarocati coriarãti ĩ beseana goti ejarã yirãji ĩ ñaroju, yiquĩ Jesũs ĩnare.

*Ujarãre mani waja ruyurioja ñaro bajiroti waja yija quena, Jesũs ĩ yire gaye*

*(Mr 12.13-17; Lc 20.20-26)*

<sup>15</sup> Ito ĩ yija tuoõri, fariseo gaye tuoĩarã wacoacã. Sĩgũre bajiro tuoĩacõri, “Josari oca ĩre mani seniĩaja, cudi masibicũ yiguĩji ĩ. Ito bajiro ĩ cudi masibeja tuoõri, ‘Ĩre seti ña’, yirã yirãji mani”, yi tuoĩari seyobojacã ĩna. <sup>16</sup> Ito bajiro tuoĩacõri ĩna ñarãre ito yicõri Herodes ñarã rãca, “Ado bajiro Jesure seniĩatẽña mũ”, yi ñucayijarã ĩna. ĩna cõana Jesũs tu ejacõri ado bajiro seniĩacã ĩna Jesure:

—Tũoya riasori masũ mũ. “Riojo gotigũ ña mũ”, yi masia gũa. “Ado bajiro ãmoami Dios”, yi riasogũ ñaro bajiroti masare riasoa mũ. Masa busirise tuorũnubicuti quenarise riasogũ ña mũ. Gãjerã ñasari masa gajero bajiro ĩna riasobojarocati, ĩnare tuorũnubicuti, ñasarise riasoa mũ. <sup>17</sup> Ito bajiro mũ yija, no bajiro mũ tuoĩare gaye tuo ãmoa gũa. ¿Roma cuto gagũ ujũ guare ĩ waja seniija, waja yirãjida gũa, waja yibeatite gajerea? yi seniĩabojacã ĩna Jesure.

<sup>18</sup> “Yũ wisatoni ito bajiro yũre seniĩama ĩna”, yi masiri seyoquĩ Jesũs. Ito bajiri ado bajiro yiquĩ ĩ ĩnare:

—“Queno yirã ña gũama”, yirã ñabojarãti queno yirã meje ña mũ. ¿No yija yũ tuo wisatoni ito bajiro seniĩati

mua? <sup>19</sup> “Sita waja, waja yiroti cuji niyeru cuji yure ñoña”, yiquĩ Jesús ñare.

Ito yija niyeru cuji ñre ñocã ña. <sup>20</sup> Iti cuji niyeru cuji ticõri, ado bajiro ñare seniñaquĩ Jesús:

—¿Ñimũ ya rio ñati adi rio? ¿Ñimũ wame, wame cõtati iti? yiquĩ Jesús ñare.

<sup>21</sup> —Gobierno masa ɸjũ César wame cõtigu ya rio ña. Ito yicõri ñ wameti ña iti, yicã ña Jesure.

—Gobierno masare mani waja ruyurioja ñaro bajiroti waja yija quena. Ito bajiroti manire Dios ñ rotija ñaro bajiroti ñre cãdija quena, yiquĩ Jesús ñare.

<sup>22</sup> Ñ queno cãdi masija tucõri, ruju ɸcacã ña. Ito bajiri mɸcana tãdi seniña ɸyabiticã ña ñja. Seniñamenati wacoacã ñja.

¿Godacõri tãdi caticoarã yirãjida masa? yi Jesure ña seniñare gaye

(Mr 12.18-27; Lc 20.27-40)

<sup>23</sup> Iti rumũti saduceo gaye tucõarã Jesure tirã ejacã. “Masa ña godaja bero mɸcana tãdi catire ma”, yirã ñama saduceo gaye tucõarã. Ito bajiro tucõarã ñari, Jesure seniñarã ejacã ña:

<sup>24</sup> —Tucõya riasori masũ mũ. Moisés ñayorũ ñ yire gaye mure seniñarã wadibũ gũa. Ado bajiro yĩni Moisés ñayorũ: “Sĩgũ manajo cõtigu rĩa macũti ñ godagoja, ñ bero gagũ ñ rĩjorũ manajo godore manajo cõtija quena. Ito bajiri iso rãca ñacõri, rĩjorũ ñajacure wasoagu rĩa cũti wasoagu yiguĩji ñ”, yi ucañi Moisés ñayorũ. <sup>25</sup> Gũa wato sĩgũ rĩa jũa ñmojeno ñabojañi. Sĩgõreti manajo cõtibojañi ña. Ñasucogũ isore manajo cõtisucobojañi. Rĩa macũti godañi ñ. Ñ godaja bero gãji ñ ocabaji wasoabojañi. Rĩa macũti godañi ñ cũni. <sup>26</sup> Ñ bero gãna cũni ito bajiroti manajo cõtibojañi. Rĩa manati godañi ña cũni. Ito bero susagu cũni ito bajiroti bajiyijũ. <sup>27</sup> Iso manɸjũsabatia ña goda jedija bero

iso cūni godacoañi ĩja. <sup>28</sup> Godabojarāti mūcana tūdi ĩna catija bero, ĩñimūjua ñaguĭjida iso manūjū ñasarocū ĩna ñarocōti isore ĩna manojō cutija bero? yi seniñacā ĩna Jesure.

<sup>29</sup> Ito ĩna yija, ado bajiro cūdiquĭ Jesús:

—Dios oca tuti gaye queno tūoĭa masimena ña mūa. Dios ĩ masirise masirā meje ña mūa. Ito bajiro yure mūa seniñabojaja, queno tūoĭacōri meje seniña mūa. <sup>30</sup> Ado robojua bajia. Godana mūcana tūdi caticōri manojō cutire ma. Ito yicōri ĩna rĭa romiare manūjū cuti rotimenaji ĩna. Ūmacĭjū ángel mesa robo bajiro bajirā ñarā yirāji ĩna. <sup>31</sup> ĩMasa ĩna godaja bero mūcana tūdi catirā yirājida ĩna mūcana? yija, Dios oca tuti tiya. Dios oca tuti gaye ti jeorā meje ña mūa. ĩmasiti ado bajiro gotiami ĩ oca tutina: <sup>32</sup> “Abraham, Isaac, Jacob ñayoana Ūjuti ñasotia yū”, yi gotiami Dios ĩ ocana. Ito bajiri godana ūjū meje ñami Dios, catirā Ūjūjua ñami, yi tūoĭa mani, yiquĭ Jesús ĩnare.

<sup>33</sup> Ito bajiro Jesús ĩ riasore gaye ĩ gotija tūocōri, ūcacā masa.

*Dios ĩ rotirise ñasarise gaye*

*(Mr 12.28-34)*

<sup>34</sup> Ito bajiro saduceo gaye tūoĭarā Jesús ĩ oca taja tūoyi-jarā fariseo gaye tūoĭarā. Ito bajiri iti tūocōri minijuay-ijarā fariseo gaye tūoĭarā. <sup>35</sup> Sĭgū ĩna wato judio masa rotirise riasori masū ñañi. “No bajiro Jesús yure ĩ cūdija tūocūja”, yirocū ado bajiro Jesure seniñagū ejaquĭ ĩ.

<sup>36</sup> —Riasogū, ĩdise ñati Dios ĩ rotirise ñasarise mū tija? yi seniñaquĭ ĩ Jesure.

<sup>37</sup> Ito ĩ yija tūocōri, ado bajiro cūdiquĭ Jesús:

—Mani Ūjū Diore buto maija quena. Mani tūoĭarisena, ito yicōri mani ya ūsina Diore mani maija quena. ĩ sĭgūreti tūorūnūcōri, buto ĩre mani maija quena. <sup>38</sup> Iti ña ñasarise Dios ĩ rotire. <sup>39</sup> Iti bero rotire gaye itire bajiro bajiriseti ña.

Ado bajiro bajia iti: “Mũ ya rujure mũ mairo bajiroti gãjerã mũ ñarãre maija quena”, yi rotiami Dios. <sup>40</sup> Iti jũajiti ña Dios ï rotirise ñasarise. Iti jũaji gaye Dios ï rotire gaye mũa cãdija, Moisés ñayorũ ï rotire gaye, Diore goti ïsiri masa ñna riasorise gaye cãni yiro bajiro cãdirã ñarã yirãji mũa, yiquĩ Jesũs ñnare.

¿Ñimũ janami ñayijari Cristo mũa tija? yi Jesũs ï seniãre gaye

(Mr 12.35-37; Lc 20.41-44)

<sup>41</sup> Fariseo gaye tũoãrã gũa tũti ñna minijuaroca maji,  
<sup>42</sup> ado bajiro seniãquĩ Jesũs ñnare:

—¿Ñimũ ñati Cristo, Dios ï cõarũ mũa tija? Ito yicõri, ¿ñimũ janami ñati ï? yiquĩ Jesũs ñnare.

—David ñayorũ janerãbatia janamiti ñami ï, yicã ñna Jesure.

<sup>43</sup> ñna ito yija tũocõri, ado bajiro yiquĩ Jesũs ñnare:

—Riti mũa tũoãja, ¿no yija David ñayorũ ñre tũoãgũ, “Yũ Ʋjũ”, yiyijari? Tite mũa. Ado bajiro ucañi David ñayorũ. Espiritu Santo ï rãca ï ñajare ado bajiro ucañi ï:

<sup>44</sup> Yũ Ʋjũre ado bajiro yiñi Dios: “Yũ ya riojocadũja rujiya, mũ wajanare mũ rotiroca yigũ yigũja yũ”, yiñi Dios yũ Ʋjũre, yi ucayoñi David.

<sup>45</sup> David ñayorũ janerãbatia janami ï ñaja, “Yũ Ʋjũ”, yibitiborũ David ñayorũ, yiquĩ Jesũs ñnare.

<sup>46</sup> Ito bajiro ï gotija tũocõri, sīgũjũa cãdi masibiticã Jesũs ï gotiriserẽ. “Masi yucãguĩji ï”, yi tũoãcõri itocõti ñre seniã jidicãcã ñna ïja.

## 23

“Seti ña mũare”, fariseo gaye tũoãrãre Jesũs ï yire gaye  
(Mr 12.38-40; Lc 11.37-54; 20.45-47)

<sup>1</sup> Ito yija bero ado bajiro yiquĩ Jesũs masare, gũa ï rãca riasotirãre cãni:

<sup>2</sup> —“Moisés ñayorũ ĩ rotire gaye tuo masirã ñama fariseo gaye tuoĩarã, judio masa rotirise riasori masa cuni”, yama masa. <sup>3</sup> Ito bajiri ĩna rotiro bajiroti cudiaba. Jeyaro ĩna rotiro bajiroti cudiaba. Ito bajibojarocati ñeñaro ĩna yirisere yibeja itireama. “Ado bajiro ya gũa”, yibojarãti ricati yama ĩna. <sup>4</sup> “Cudi masia mani”, masare rotiamã ĩna. Ito bajibojarocati ito bajiro riti ĩnare roti uyama ĩna. “Ito bajiro yiya mũa”, yibojarãti ĩnamasiti ito bajiro yibeama ĩna. <sup>5</sup> Jeyaro ĩna yirise, “Queno yirã ñama ĩna”, masa ĩna yi tijaro yirona ito bajiro yibojama ĩna. Masa ĩna tiro riojo ĩna ya rioweca, ĩna ya ricajudori cuni Dios oca jũ wõbojama ĩna, “Gãjerã gũare ti seyojaro”, yirona ito bajiro yibojama ĩna. Ito yicõri yutabujuri yoirise gãjerã rëto busaro rore gaye sãñabojama ĩna. “Gãjerã gũare ti seyojaro”, yirona ito bajirise sãñabojama ĩna. <sup>6</sup> ĩna ba ruji ãmoja, quenari cumuro ba ruji ãmoama ĩna. Minijuara wirijũ ĩna ruji ãmoja, rũcũbuorajũ riti ruji ãmoama ĩna. <sup>7</sup> Marijũ masare ĩna bocaia, queno rũcũbuore rãca seniãre ãmoama ĩna. Ito yicõri, “Yũre riasogũ”, masa ĩna yire ãmoama ĩna, yiquĩ Jesús gũare.

<sup>8</sup> ’Mũama ricati yija quena. “Yũre riasogũ”, masa ĩna mũare yiroca yibeja. Mani jeyaro sīgũ riãre bajiro bajirã ña mani. Yũ Cristo, Dios ĩ cõarũ yũ sīgũti ña mũare riasori masũ. <sup>9</sup> Sīgũti ñami mani Jacũ. ĩti ñami Dios ũmacũjũ gagũ. Ito bajiri adi sita gãnare, gãjerã ũmũare, “Cũna”, yibeja mũa. <sup>10</sup> “Yũ uju”, yi rotibeja gãjerãre. Yũ Cristo, Dios ĩ cõarũ sīgũti ña mũa Uju. <sup>11</sup> Sīgũ mũa rãca gagũ mũare ĩ ejabuaja, ĩ ñagũ yiguĩji ñasagũ. <sup>12</sup> No gãjerã riojũa gagũ ña ãmobjaguti ñabicũ yiguĩji ĩ. Ito bajiri berojũa gagũ tujagũ yiguĩji ĩ. Sīgũ, “Gãjerã rëtoro ñasagũ ña yũ”, yibicũ ĩ ñagũ yiguĩji ñasagũ, yiquĩ Jesús gũare.

<sup>13</sup> Fariseo gaye tuoĩarãre, judio masa rotirise riasori masare cuni busigũ ado bajiro busiquĩ Jesús:

—Bujato bujarã wãna ya mña. “Queno yirã ña gña”, yibojarãti mña yiro bajiro yirã meje ña mña. Dios ï rotiroju gãjerã ña sãjabititoni itire camota mña. Gãjerã ña sãja amobojarocati ñnare camota mña. Ito bajiri mña cñni sãjamena yirãji, yiquĩ Jesús ñnare.

<sup>14</sup> Bujato bujarã wãna ya mña fariseo gaye tuoĩarã, judio masa rotirise riasori masa mña cñni. “Queno yirã ña gña”, yibojarãti mña yiro robo yirã meje ña mña. Manũju godagoana romiare ruocõri jairoguti ñnare waja senia mña. Ito bajiro yicõri ña rucobojarisere ñarocõti ãma jeoa mña. Queno yimena ñabojarãti masa muare tuo wanũtoni yoari ña tiro riojo Diore busitobuabojã mña. Ito bajiri bũto busa muare waja senigũ yiguĩji Dios. Ito bajiri gãjerã rãtoro tãbujarã yirãji mña, yiquĩ Jesús ñnare.

<sup>15</sup> Bujato bujarã wãna ya mña fariseo gaye tuoĩarã, judio masa rotirise riasori masa mña cñni. “Queno yirã ña gña”, yibojarãti mña yiro robo yirã meje ña mña. “Mani robo gãji ï tuoĩaja quena”, yi tuoĩabojacõri jeyaro masare riaso ucua mña. Sĩgũ muare bajiro tuoĩaroca mña yigure bũto busa ñeñaro ï tuoĩaroca ya mña. Ito bajiri mña rãto busaro ñeñaro yicõri jeame ãjuroju warũjami ï cñni, yiquĩ Jesús ñnare.

<sup>16</sup> Bujato bujarã wãna ya mña. Cajea mana gãjerã cajea manare tãa wabojarãre bajiro bajirã ña mña. Ado bajiro gãjerãre yiboja mña: “ ‘Dios ya wi wamenati ado bajiro yicũja yũ’, yibojarãti mña yiro robo yibeja cñni no yibea iti. ‘Dios ya wijũ oro wamena ado bajiro yicũja yũ’, mña yija, yiro bajiroti yiba itireama”, yiboja mña gãjerãre.

<sup>17</sup> Tuo masimena, cajea manare bajiro bajirã ña mña. ¿Disejua ñati ñasarise mña tija? ¿Orojua ñasatite mña tija? ¿Dios ya wijũ oro cuji ñariju masa ña ru cubuoriju ñatite ñasariju? yiquĩ Jesús ñnare. <sup>18</sup> Gaje ado bajiro masare yiboja mña: “ ‘Diore ña soe ïsisotira casabo

wamena ado bajiro yicuja yu', yibojarāti mua yiro robo yibeja cuni, no yibea iti. 'Diore ina soe isisotira casabojũ ire isiroti wame rāca ado bajiro yicuja yu', mua yija, mua yiro bajiroti mua yija quena itireama", yiboja mua masare. <sup>19</sup> Tuo masimena, cajea manare bajiro bajirā ña mua. ¿Mua tija disejua ñati ñasarise? ¿Diore isiroti iti ñati ñasarise, gaje Diore ina soe isisotira casabojũ ire isiroti ñarijũjua ñasatite? yiquĩ Jesús ñnare.

<sup>20</sup> 'Ado bajiro baja. Tuoote mua. No, "Diore ina soe isisotira casabo wamena ado bajiro yicuja yu", yigu iti casabo wamena meje riti, "Ado bajiro yicuja yu", yiguĩji. Diore soe isira casabojũ jesarise rāca, "Ado bajiro yicuja yu", yigure bajiro bajiami iocũ. <sup>21</sup> No, "Dios ya wi wame rāca, ado bajiro yicuja yu", yigu iti wi wame rāca riti meje yiguĩji. Dios iti wi ujũ wame rāca, "Ado bajiro yicuja yu", yigure bajiro yiguĩji iocũ. <sup>22</sup> "Ũmacũjũ Dios ñ ñaro wame rāca ado bajiro yicuja", yigu Dios itojũ rotigu wame rācati yigure bajiro yami iocũ, yiquĩ Jesús ñnare.

<sup>23</sup> 'Bujato bujarā wāna ya mua fariseo gaye tuoĩarā, judio masa rotirise riasori masa mua cuni. "Queno yirā ña gua", yibojarāti mua yiro robo yirā meje ña mua. Jũ queno sutirise, anís, menta, comino waja rucubiti gaye mua rucoja, Moisés ñayoru ñ rotiado bajiroti Diore jabeto isia mua. Ito bajibojarocati rotire ñasarisere tuorũnubea mua. Ado bajiro baja ñasarise, queno yire, gājerāre ti maire, Diore tuorũnure, itocōti ña ñasarise. Iti gaye yitĩñama mua, Diore jabeto isire gaye cuni jidicābeja mua. <sup>24</sup> Cajea mana gājerā cajea manare tũa wabojarā bajiro bajirā ña mua. Ado bajiro bajirā ña mua. Ide wato mutarācā ñarāre ina idiroto riojua queno besecābojacōri camello jaigu bucure idi yucōarā bajiro bajirā ña mua. Rotire ñasabiti gayeama queno tirũnua mua. Ito bajibojarocati ñasarisereama queno tirũnubea mua, yiquĩ Jesús ñnare.

<sup>25</sup> 'Bujato bujarã wãna ya mua fariseo gaye tuoĩarã, judio masa rotirise riasori masa mua cuni. “Queno yirã ña gua”, yibojarãti mua yiro robo yirã meje ña mua. Somotëro idira tërori cuni joejua riti coea mua. Totijuaama ñarocõti ueri cutia maji. Mua guaja, joe ruju riti coea mua. Jubejuama ñeñaro tuoĩa maji. Gãjerã ñna rucorise ti uorã ñnare ruoa mua. Ito bajiri bujato bujarã wãna ya mua. <sup>26</sup> Mua fariseo gaye tuoĩarã cajea manare bajiro bajirã ña mua. Somotëro, idira tëro cuni totijua mu coesuoja joejua cuni ueri mano yiroja. Ito bajiroti ñeñaro mua tuoĩarise cuni mua jidicãja, jeyaro queno yirã ñarã yirãji mua, yiquĩ Jesús ñnare.

<sup>27</sup> 'Mua fariseo gaye tuoĩarã, judio masa rotirise riasori masa cuni bujato bujarã wãna ya mua. “Queno yirã ña gua”, yibojarãti mua yiro robo yirã meje ña mua. Masari cuma bajiro bajirã ña mua. Ado bajiro baja masari cuma, joeti mani tija queno boti quena. Ito bajibojarocati jubejuama gõarigoti ñaroja, ito yicõri jogare buorise ñaroja. <sup>28</sup> Ito bajiro bajirã ña mua. Masa ñna tija, queno yirã bajiro baja mua. Ito bajibojarãti jubejuama ñeñaro tuoĩarã ña mua. “Queno yirã ña gua”, yibojarãti ñeñaro yirã ña mua, yiquĩ Jesús ñnare.

<sup>29</sup> 'Mua fariseo gaye tuoĩarã, judio masa rotirise riasori masa cuni bujato bujarã wãna ya mua. “Queno yirã ña gua”, yibojarãti mua yiro robo yirã meje ña mua. Diore goti ñsiri masa ñna godaja bero masari cuma menia mua. Queno yirãre masari cuma queno tirũna mua, ito yicõri tija seyorise iti joere jeoa mua. <sup>30</sup> Ito yicõri ado bajiro ya mua: “Gua ñicũsabatia ñna catijama, Diore goti ñsiri masare ñna sãroca ñnare ejabuabitiboana gua”, yi tuoĩa mua. <sup>31</sup> Ito bajiro mua yija, “Diore goti ñsiri masare sãyoana janerãbatia ña gua”, yi tuoĩa mua. <sup>32</sup> Mua ñicũsabatia ñna yiyore bajiroti ya mua cuni adi rumari



gãna, yiquĩ Jesús ñnare.

<sup>33</sup> 'Ñña bajiro bajicõri ï robo junirã ña mña. Jeame ãjuroju mña tõbujaroti rêtare ma mñare. <sup>34</sup> Queno tuo masijaro ñna yirocũ, Diore goti ñsiri masa, riasori masa gãjerã queno tuoĩarãre cñni cõabojagu yigũja yũ mña tu. Ñnare cudi ãmomena ñnare sãrã yirãji mña. Gãjerãreama yucutẽojũ jaju sãrã yirãji mña. Gãjerãre minijũara wijũ ñnare jarã yirãji mña. Ñnare ñeñaro yirona co cuto rya-beto ñnare suyãrã yirãji mña. <sup>35</sup> Abel queno yigũ ñayorũre sãsũoyijarã mña ñicũsabatia ito yicõri Berequíãs macũ Zacaríasjũre sãsasayijarã. Dios ya wijũ Diore ñna soe ñisotira casabo tu Zacaríasre sãayija mña. Mña ñicũs-abatiare bajiroti ya mña cñni. Ito bajiri queno yirãre ñna sãgore ñajare seti ña mñare cñni. <sup>36</sup> Riti mñare gotia yũ. Mña adi rãmũ gãnare ititi seti ña ejaro yiroja mñare, yiquĩ Jesús ñnare.

*Jerusalén gãnare* tuoĩa maigũ Jesús ï otire gaye  
(Lc 13.34-35)

<sup>37</sup> 'Jerusalén gãna mñare cõañi Dios ñre goti ñsiri masa, ito yicõri ï oca riasori masare. Ñre goti ñsiri masa, ï oca riasori masa cñni mñare gotirona cõañi Dios. Ito bajibojarocati ñnare sãayija mña. Coji meje mñare mioju ãmobjacũ yũ. Cara iso rĩare caero rocajũ iso miojuro robo bajiro, mñare yi ãmobjacũ yũ. Ito bajiro yũ yi ãmobjarocati ãmobicicũ mña. <sup>38</sup> Queno tuoĩaña mña. Mña wiri wogora wiri bajiro tujaro yiroja. Ito yicõri mñare jidicãgũ yiguĩji Dios. <sup>39</sup> Riti ado bajiro mñare gotia yũ: "Gũare yiari Dios ï cõarũ ña mñ. Mũre queno yĩni Dios", mña yiroto riojũna mñcana jũaji yũre timena yirãji mña, ya yũ mñare, yiquĩ Jesús masare.

## 24

*Dios ya wi òjea bate godaro yiroja, Jesús ï yire gaye*  
*(Mr 13.1-2; Lc 21.5-6)*

<sup>1</sup> Ito bajiro ï yija bero, Dios ya wi budi wasuquĩ Jesús. Ìre suacõri ado bajiro yibojacu gña ïre: “Adi wiri ti ucuto mani”, yibojacu gña ïre. <sup>2</sup> Ito bajiro gña yibojarcati ado bajiro yiquĩ Jesús guare:

—¿Adi wirire tiati mua? Riti muare gotia yu. Adi wiri ñarocõti òjea bate quedicoaro yiroja. Ito bajiri adi wi gaye gũtagã gajega joe jesabeto yiroja. Ñarocõti godacoaro yiroja, yiquĩ Jesús guare.

*Adi ùmuari jediroto riojua ado bajiro rẽtaro yiroja,*  
*Jesús ï yire gaye*

*(Mr 13.3-23; Lc 21.7-24; 17.22-24)*

<sup>3</sup> Ito yija bero Olivos wame cutiri turia joeju wacu gña ïja. Ito ejacõri Jesuama eja rũjũquĩ. Ito ï rujiroca gãjerã ïna manija ticõri, ado bajiro ïre seniãacu gña:

—“Iti rumu wi quediro yiroja”, mu yi gotire ãmoa gña. ¿No bajiro iti bajija ticõri, “Jesús ejagu wagu yami”, yi masirã yirãjida gña? ¿Ito yicõri no bajija ticõri, “Adi macãrucũro jediro ya”, yi masirã yirãjida gña? yicu gña Jesure.

<sup>4</sup> Ito bajiro gña yija tuocõri, ado bajiro cudiquĩ Jesús guare:

—Queno masima mua gãjerã muare ruobe yirona. <sup>5</sup> Jãjarã ruori masa ejarã yirãji. “Yuti ña Cristo, Dios ï cõaru”, yirã masa ejarã yirãji. Jãjarã ruorã yirãji ïna. “Diore busi ïsirã ña gña”, ïna yija jãjarã masa tuobojarã yirãji ïnare. <sup>6</sup> “Masa gãmeri sãrã yiyijarã”, yire oca tuorã yirãji mua. “Gaje cuto gãna jane gãmeri sãsuoyijarã”, yire gaye guijorise oca tuorã yirãji mua. Iti ocare mua tuoja güibeja mua. Ito bajiroti bajiro yiroja bajire. Ito bajibojarcati jabeto ruya adi macãrucũro iti jediroto. <sup>7</sup> Co

masa gaje masa rāca gāmeri sīarā yirāji. Ito yicōri co sita gāna gaje sita gāna rāca gāmeri sīarā yirāji. Jaje cūtori ñio ñaro yiroja. Ito yicōri jaje ñarise ñaro yiroja. Ito yicōri jaje cūtorire sita ñero yiroja. <sup>8</sup> Jeyaro iti rētaja bero buto busa tōbujare gaye ñaro wado yiroja.

<sup>9</sup> Muare ñiacōri gājerā muare ja ajetoni muare ĩsirā yirāji ĩna. Aje tīocōri muare sīarā yirāji ĩna. Yū ñarā mua ñajare muare ti tudirā yirāji adi sita gāna jeyaro. <sup>10</sup> Iti rāmū jājarā yure tuorūnūbojana tuoīa jidicārā yirāji ĩna. Gāmeri ti junisinirā yirāji ĩna. Gāmeri oca menicōri gājerāre ñiaroca yirā yirāji ĩna. <sup>11</sup> Jājarā ruori masa ñarā yirāji. “Diore busi ĩsirā ña gu”, ĩna yija jājarā masa tuobojarā yirāji. <sup>12</sup> Jeyaro ñeñarise yirā yirāji masa. Ito bajicōri gāmeri ĩna ti mairisere gāmeri jidicārā yirāji ĩna. <sup>13</sup> No yure tuorūnūgū ĩ jidicābeja adi macārūcūro jedi wari rāmū ĩre masogū yiguīji Dios. <sup>14</sup> “Īre tuorūnūrāre ĩ rotiroju miojugū yiguīji Dios”, yire oca adi sita ñarocōreti ejaro yiroja. Ito bajiri masa jeyaro iti oca masirā yirāji. ĩna masi jediroca adi macārūcūro jediro yiroja.

<sup>15</sup> Diore goti ĩsiri masū Daniel ñayoru ado bajiro ucañi: “Adi macārūcūro jedi wari rāmūri sīgū masare ñeñaro ĩna yiroca yigū goagū yiguīji. Ī ñami masare ruyuriogū wadirū. Dios ya wi rūcūbūorajū ĩ rūgōja tirā yirāji mua”, yi ucañi Daniel ñayoru. Mua adi papera ticōri, itire queno tuoīaña. “Jabeto rāya adi macārūcūro iti jediroto”, yi masiña mua. <sup>16</sup> Ito bajiro bajiri rāmū no Judea sitajū ñarā gūtagūjū rudi warūjarāji ĩna. <sup>17</sup> No ĩ ya wi queno jesagū ĩ ya wi totijū gajeoni ñarisere rujicōri āmibitirūjaguīji ĩ. <sup>18</sup> No ĩ ya wesecajū moagū tūdi wacōri ĩ ya yutabujuri āmibitirūjaguīji ĩ. <sup>19</sup> Ito bajiro bajiri rāmū romia macū sāñarā, gājerā rūcorā cūni quenabeto tōbujarā yirāji ĩna. <sup>20</sup> Buto usari rāmū, tujacāra rāmū cūni iti ito bajija, rudi āmomena Diore senima mua. <sup>21</sup> Ito bajiro bajiri rāmūri

buto tōbujarā yirāji masa. Adi macārucūro ñaswora rwmuri masa ña tōbujāibiti rēto busaro tōbujarā yirāji ña. Iti ña tōbujaja bero mɔcana iti robo bajiro bajirise tōbujamena yirāji masa. <sup>22</sup> Yoari masa tōbujaroca Dios ĩ yiro bajija sīgū cati ruyagu maniboru. ĩ beseanare ti maicōri yoari mejeti iti jediroca yigu yiguĭji Dios.

<sup>23</sup> Iti rwmuri, “Tiya ado ñami Cristo”, ito yicōri “Titēña ò ñami Cristo”, sīgū mware ĩ yija, ĩre tuorūnubeja mwa. <sup>24</sup> Jājarā rwori masa, “Yw ña Cristo”, yi ejarā yirāji ña. “Diore busi ĩsiri masa ña gwa”, yi rwo ejarā yirāji gājerā. Tiyamani jaje ĩorā yirāji ña masare rworona. Dios ĩ beseanare cuni rwo āmobojarā yirāji ña. <sup>25</sup> Twoya mwa. Jeyaro iti rētaroto riojwa mware goficā yw. <sup>26</sup> Ito bajiri, “Yucu manojw ñami Cristo”, mware ña yi rwoja, tirā wamenaji mwa. Ito yicōri, “Ruyubetojw ñami Cristo”, ña yi rwoja ĩnare tuorūnubeja mwa. <sup>27</sup> Wujw ĩ borea borea yirise wsitutujw ĩ borea yirise cojisiti iti sojejw quedituaja tia mani. Itire bajiroti e jagw yiguja yw cuni. Yw ña Masa Rĭjorw. <sup>28</sup> No rujw jogarise ñaro itojw barā rujirā yirāji yuca. Itire bajiro masa ña buto ñeñaro yiroca waja senigū e jagw yiguĭji Dios, yiquĭ Jesús gware.

Yw Masa Rĭjorw tūdi e jagw yiguja, Jesús ĩ yire gaye  
(Mr 13.24-37; Lc 21.25-33; 17.26-30,34-36)

<sup>29</sup> Ito bajiro masa ña tōbujari rwmw iti jedija bero ũmacañi ũmwa gagw rāitīacoagu yiguĭji. Ñami gagw cuni busubicw yiguĭji. Nōcōa cuni queda jedicoarā yirāji. Ũmacĭjw macārucūro cuni wero yiroja. <sup>30</sup> Ito bajiro ũmacĭjw macārucūrojw iti bajija ticōri, “Masa Rĭjorw e jagw wagw yami”, yirā yirāji masa. Yw ña Masa Rĭjorw. Yw ruji wadija ticōri, adi sita gāna otirā yirāji ña. Masirise rāca, yorise rāca, ide bueri rāca yw ruji wadija tirā yirāji ña. <sup>31</sup> Ũmacĭjw trompeta jutiado bajiro oca sēoro oca

ruyuro yiroja. Yũ beseanare minijuatoni ángel mesare mioju rotigũ yigũja yũ. Jũaria sojeri gãna yũ beseana ñarocõreti miojurã yirãji ñna, yiquĩ Jesús guare.

<sup>32</sup> Goti masiore ocana mũare gotigũ ya yũ. Higuera wame cutiricũre tũoĩate mũa. Higuera yũ iti ñasãtuja, ito yicõri iti jũ wasoaja, “Jabeto rũya cuma iti ejaroto”, yi masia mani. <sup>33</sup> Iti bajiroti mũare yũ gotire iti rõtaja ticõri, “Jabeto rũya mũmũari iti jediroto”, yi masirã yirãji mũa. <sup>34</sup> Riti mũre gotia yũ. Adi mũmũari gãna ñna goda jediroto riojũajũ ito bajiro rõtaro yiroja iti. <sup>35</sup> Adi macãrũcũro ñarocõti jediro yiroja. Ito bajibojarocati yũ ya ocama yũ yiro bajiroti rõtaro yiroja.

<sup>36</sup> “Iti mũmũ itocõ tũjaroca ejagũ yiguĩji Jesús”, yirã mama. Ángel mesa cuni masimenaji ñna. Dios Macũ ñabojaguti, “Itocõ ejagũ yigũja yũ”, yi masibea yũ cuni. Yũ Jacũ Dios ñ sīgũti masiguĩji, yiquĩ Jesús guare.

<sup>37</sup> Noé ñayorũ ñ catiroca Diore rũcũbũobitiyoñi masa. Ito bajiroti bajirã yirãji masa, yũ tũdi ejari mũmũ. Yũ ñna Masa Rĩjorũ. <sup>38</sup> Jane mejejũ adi sita iti rujaroto riojũa ñacõayijarã masa maji. Idi mecũrãtibe, ba yajirãtibe, manajo cutirãtibe, ito yicõri ñna rĩa romiare ñsirãtibe yi ñayijarã masa. Ito bajiro ñna baji ñabojaroca riti cuma bũcũajũ sãjayijũ Noé ñayorũ. <sup>39</sup> “Ito bajiro wado ya”, yi masibisijarã masa. Ito bajiri ñajasaroti ñnare rubatecãcõyijũ. Iti bajiado robo bajiroti ejagũ yigũja yũ cuni. Masa Rĩjorũ ñnari, “Itocõ ejagũ yiguĩji”, masa ñna yi masibeto tũdi ejagũ yigũja yũ. <sup>40</sup> Yũ ejari mũmũ jũarã mũmũ ñna ya wesecajũ moa ñarã yirãji. Sīgũ ãmi wa ecogũ yiguĩji. Gãji ãmi wa ecobicũ yiguĩji. <sup>41</sup> Romia jũarã quĩbo tuabo ñarã yirãji. Sīgõ ãmi wa ecogo yigõji. Gajeo ãmi wa ecobeco yigõji.

<sup>42</sup> Bociari ñacãña mũa. Yũ mũa Ƴjũ yũ tũdi ejaroti mũmũ masibea mũa. <sup>43</sup> Sīgũ wi Ƴjũ. “Adi ñami riniri masũ

ejagũ yiguĩji”, ï yi masija, ña yucãgũ yiguĩji iti wi ʘjũ. Riniri masũ ï sãjare ãmobicũ camotagũ yiguĩji ï. <sup>44</sup> Ito bajiri yũ ejaroto riojũa ña yucãña mũa. “Itocõ ejagũ yiguĩji Masa Rĩjorũ”, yi mũa tũoĩabeto ejagũ yigũja yũ, yiquĩ Jesús gũare.

*¿No bajiro bajiguĩjida queno tũoĩagũ? yi Jesús ï riasore gaye*

*(Lc 12.41-48)*

<sup>45</sup> Mũa tũoĩaja, ¿no bajiro bajiguĩjida queno cãdicõri queno tũoĩagũ? Ado bajiro bajiguĩji ïocã. Gãjerã ï ya moari masare tirũnutoni ito yicõri ñnare ï ecatoni cũgũ yiguĩji ï ʘjũ ïre. <sup>46</sup> Sĩgũ ï rotiro bajiroti ï moa yuroca ï ʘjũ ï tũdi ejaja wanũ quenagũ yiguĩji ï. <sup>47</sup> Riti mũare gotia yũ. Ito bajiro yiro robo ï yigũ ñaja ticõri, ï rucorise ñaroti ï ya masare cãni tirũnu rotigũ yiguĩji ïre. <sup>48</sup> ï ʘjũ ïre ï tirũnu rotija bero ricati ï tũoĩaja, queno moa ïsigũ meje ñaguĩji ïocã. “Coji ejabiquĩji yũ ʘjũ”, yi tũoĩagũ yiguĩji. <sup>49</sup> Ito bajiro tũoĩacõri, gãjerã moari masare ñeñaro yisũogũ yiguĩji ï. Ito yicõri mecũri masa rãca baba cãticõri ñna rãca idigũ yiguĩji ï cãni. <sup>50</sup> Ito bajiro ï yi ñaroca ï masia mani ï ʘjũ tũdi ejagũ yiguĩji. “Janere ejabicũ yiguĩji yũ ʘjũ”, yi ï tũoĩari rãmũti ejagũ yiguĩji. <sup>51</sup> Ito ï yija ticõri, buto bũsa ñeñaro ï tũbũjaroca yigũ yiguĩji ï ʘjũ. “Queno yirã ña gũa”, yibojarãti ñna tũbũjaro bajiroti ï tũbũjaroca yigũ yiguĩji ï ʘjũ ïre. Ito bajiri ñeñaro tũbũjacõri otigũ yiguĩji. Ito yicõri buto tũoĩa oca jaigũ yiguĩji ï ïja, yi oca gotiquĩ Jesús gũare.

## 25

Jũa dũjamocõ ñnarã romia ado bajiro yiyijarã, yi Jesús ï riosore gaye

<sup>1</sup> “Ado bajiro bajaia, ïre tũorũnũrãre ï rotirojũ Dios ï miojuri rãmũ”, yirocũ ado bajiro gotiquĩ Jesús:

—Jua dɔjamocō mamarã romia ñayijarã. ãmo siare basare tirã wayijarã ñna. Mame manoyo cutirocure bocarã wayijarã ñna. Ito bajiri ito warã ñna ya sãabusuore ãmi wayijarã. <sup>2</sup> Ñna co dɔjamocō ñnarã ñayijarã queno tɔoïarã. Gãjerã ñna rãca gãna co dɔjamocō ñnarã queno tɔoïamena ñayijarã. <sup>3</sup> Queno tɔoïamena ñna ya sãabusuoragari ãmi-bojarãti jio wasoaronã úye ãmibisijarã. <sup>4</sup> Gãjerã queno tɔoïarãma ñna ya sãabusuore jio wasoaroti úye ãmi wayijarã. <sup>5</sup> Manoyo cutirocure yoari ï sejaja, wɔjo jujayijarã ñna. Ito bajiri canicoayijarã ïja. <sup>6</sup> Ñnami gɔdarecocō oca ruyuyijũ ïja. “Manoyo cutirocure wadicoami ïja. Ìre bocarã waya”, sãoro oca ruyuyijũ. <sup>7</sup> Ñna jua dɔjamocō romia ñnarã yujicōri ñna ya sãabusuoragari sãayijarã. <sup>8</sup> Co dɔjamocō ñnarã queno tɔoïamena ado bajiro yiyijarã queno tɔoïarãjũare: “Gua ya sãabusuoraga úye jedicoajũ gũare. Ito bajiri mũa ya úye jabeto ïsiña gũare”, yibojayijarã ñna. <sup>9</sup> Ito bajiro ñna yibojarocati ado bajiro cadiyijarã queno tɔoïarã: “Ìsibea mũaare. Gua ïsija ñejua tujabetoja gũare cuni. Mũaare cuni, gũare cuni tĩjado ma iti. Mũaamasiti úye ñna ïsiroju wacōri waja yitẽña mũa”, yiyijarã queno tɔoïarã romia queno tɔoïamenajũare. <sup>10</sup> Ito bajiro ñna yija tɔocōri, úye waja yirã wayijarã queno tɔoïamena. Ñna wagoja bero manoyo cutirocure ejayijũ. Queno ñna yucãna romiama ï ejarocati ï rãcati sãjacoayijarã ñna. ãmo siare basa tirã warã sãjayijarã ñna. Ito yicōri soje biacōyijũ manoyo cutirocure. <sup>11</sup> Soje ï bia sãja waja beroju ejabojayijarã gãjerã romia. Manoyo cutirocure ado bajiro yibojayijarã ñna: “Gua ɔju soje jãnaña maji”, yibojayijarã ñna. <sup>12</sup> “Yũ ñnarã meje ñna mũa, ito bajiri mũaare masibea yũ”, yiyijũ manoyo cutirocure ñnare, yiquĩ Jesús gũare.

<sup>13</sup> Ito bajiri ñna yucãña mũa. “Jane busuri itocō ñnaroca ejaɔ yiguĩji Jesús”, yi masibea mũa, yiquĩ Jesús gũare.

*Moa ĩsiri masa gaye Jesús ĩ goti masiore oca*

*(Lc 19.11-27)*

<sup>14</sup> “Ado bajiro baja, ĩre t̄or̄n̄r̄are ĩ rotiroj̄a Dios ĩ miojuri r̄m̄”, yiroc̄a ado bajiro gotiqūi Jesús:

—S̄ĩḡũ ñayij̄a gaje sitaj̄a waroc̄a. Ito bajiri ĩ waroto rioj̄a ĩ ya moari masare ji ñucayij̄a ĩ. “Ȳũ ya niyeruna moac̄õri jai b̄sarõ b̄jarã yirãji”, yi t̄oĩa wac̄a ĩ ya niyerure tir̄n̄a rotiyij̄a ĩ ĩnare.

<sup>15</sup> ‘S̄ĩḡũre co d̄jamoc̄õ mil niyeru cujiri ĩsiyij̄a. Gãjire j̄uaji mil ĩsiyij̄a. Gãjire mil ñari cujiriacã ĩsiyij̄a. “Ado bajiroti moari seyoama ĩna”, yi t̄oĩa wac̄a ito bajiro ĩnare batoyij̄a ĩ. Ito bajiro yic̄õri wacoayij̄a. <sup>16</sup> Co d̄jamoc̄õ mil niyeru cujiri boca ãmir̄a m̄c̄ana itina moac̄õri gaje co d̄jamoc̄õ mil ñariseti b̄ja remoyij̄a. <sup>17</sup> Gãji j̄uaji mil boca ãmir̄a m̄c̄ana itina moac̄õri j̄ua mil b̄ja remoyij̄a ĩ c̄ani. <sup>18</sup> Coji mil boca ãmir̄ama ĩ ̄j̄ũ ya niyeru goj̄ej̄u ujec̄õyij̄a.

<sup>19</sup> ‘Yoari ĩna ̄j̄ũ t̄adi ejayij̄a m̄c̄ana. “¿No bajiro ȳũre moa ĩsiati ĩna?” yiroc̄a ĩnare ji ñucayij̄a ĩ m̄c̄ana. <sup>20</sup> Cajero co d̄jamoc̄õ mil boca ãmir̄a ejas̄uoyij̄a. Ejac̄õri ĩre co d̄jamoc̄õ mil niyeru ĩ ĩsire j̄udac̄õayij̄a m̄c̄ana, ito yic̄õri gaje itoc̄õ ĩ b̄ja remore r̄ac̄ati ĩre ĩsiyij̄a. “Co d̄jamoc̄õ mil ȳũre ĩsic̄a m̄. Ito bajiri itina moac̄õri m̄c̄ana co d̄jamoc̄õ milti m̄re b̄ja remo ĩsim̄ ȳũ”, yiyij̄a ĩ ̄j̄ũre. <sup>21</sup> “Ȳũre queno moa ĩsiyija m̄. Yiro robo ȳũre c̄adiḡũ ña m̄. Jabetacã ȳũ wasoarena m̄c̄ana itoc̄õti m̄ remore ñajare, jai b̄sarõ m̄ moatoni jai b̄sarõ m̄re c̄ũc̄aja ȳũ. Sãjaña, queno wan̄ña ȳũ rãca”, yiyij̄a ̄j̄ũ ĩ ya moari mas̄ure. <sup>22</sup> Ito yija bero gãji j̄uaji mil boca ãmir̄a ejayij̄a. “Ȳũ ̄j̄ũ j̄uaji mil ȳũre ĩsic̄a m̄. Itina moac̄õri m̄c̄ana j̄uaji milti m̄re b̄ja remo ĩsim̄ ȳũ”, yiyij̄a ĩ, ĩ ̄j̄ũre. <sup>23</sup> “Ȳũre queno moa ĩsiyija m̄. Yiro robo ȳũre c̄adiḡũ ña m̄. Jabetacãna moac̄õri m̄c̄ana itoc̄õti m̄



yure bɔja ʔsire ʔajare jai busaro mɔcana moaroti cɔcɔja yɔ. Sɔjaña, queno wanɔña yɔ rɔca”, yiyijɔ ʔ, ʔ ya moari masɔre.

<sup>24</sup> Ito yija bero gɔji mil cujiri boca amiru ejayijɔ. ʔ ɔjɔre ado bajiro yiyijɔ ʔ: “Yɔ ɔjɔ sɔoro rotigɔ ʔnaquʔ ʔ. ʔ otebeto cɔni, ʔ biabeto cɔni bare bɔja quena ʔnaquʔ ʔ, yi tɔoʔa wacɔ, gɔicɔ yɔ. <sup>25</sup> Ito bajiri mɔ ya niyerure yuje cɔcɔ yɔ. Adi ʔa ʔnarocɔti yure mɔ ʔsicati”, yiyijɔ ʔ, ʔ ɔjɔre. <sup>26</sup> Ito bajiro ʔ yibojarocati ado bajiro cɔdiyijɔ ʔ ɔjɔ ʔre: “Moa ʔsiri masɔ quenabicɔ, rojogɔ ʔa mɔ. ʔ otebeto cɔni, ʔ biabeto cɔni bare bɔja quena ʔnaquʔ ʔ, yi masibojaguti yure queno moa ʔsibisija mɔ. <sup>27</sup> ʔna niyeru cɔri wijɔ mɔ niyeru cɔja, mɔcana jai busaro bɔjaboyija mɔ”, yiyijɔ ʔ ɔjɔ ʔre. <sup>28</sup> Ito yija gɔjerɔre ado bajiro rotiyijɔ ɔjɔ: “Coji mil ʔnarise niyeru tiri ʔre ɔmacɔña, ito yicɔri gɔji jɔa dɔjamocɔ mil rɔcogɔjɔare ʔsiña”, yiyijɔ ʔna ɔjɔ. <sup>29</sup> “No queno yure moa ʔsigɔreama jai busaro ʔre ʔsi remogɔ yigɔja yɔ. Ito bajiri ʔejɔa rɔyabeto yiroja ʔre. No queno yure moa ʔsibicɔreama ʔ rɔcoriseacati ʔnarocɔti ɔma jeocɔcɔja yɔ. ʔre ɔmacɔri gɔji yure queno moa ʔsigɔre ʔsigɔ yigɔja yɔ. <sup>30</sup> ʔni yure moa ʔsiri masɔ ʔe waja macɔre rɔitɔarojɔ cɔaña mɔa. Itojɔ ʔeñaro tɔbɔjacɔri buto otigɔ yiguʔji. Ito yicɔri buto tɔoʔa oca jaigɔ yiguʔji ʔ”, yiyijɔ ɔjɔ, yi oca gotiquʔ Jesúgɔre.

*Masa ʔeñarɔre, quenarɔre* cɔni besegu yigɔja yɔ, Jesúgɔ ʔ yire gaye

<sup>31</sup> Yɔ ʔa Masa Rɔjoru. ʔjɔ yɔ ʔari rumɔ, tɔdi ejagɔ yigɔja yɔ mɔcana. ʔmacɔjɔ gɔna ángel mesa rɔca gɔni bia ejagɔ yigɔja yɔ. ʔjɔ ʔ rotiri cumuro yori cumurojɔ rujigɔ yigɔja yɔ. <sup>32</sup> Jeyaro gɔna masa yɔ riojɔa minijuará yirɔji ʔna. ʔnare besecɔri ricati cɔgɔ yigɔja yɔ. Oveja coderi masɔ ovejare ricati, cabrare ricati ʔ cɔado bajiro yigɔ yigɔja yɔ. <sup>33</sup> Queno yirɔre yɔ ya riojocadɔja cɔgɔ

yigɔja yu. Queno yimenare yu ya gãcodɔja cɔgũ yigɔja yu. <sup>34</sup> Ito bajiri yu riojocadɔja gãnare ado bajiro yigu yigɔja yu: “Yu Jacu queno yirocu mware beseñi i rotiroju mua ejatoni. Ire tuorũnurãre tuoia yugu i rotiroju quenocãñi Dios adi macãrucũro meni wacujuti. Ito bajiri itoju ñarã yirãji mua ija. <sup>35</sup> Yu ñiocõja yure bare ecacu mua. Yu idi ãmoja yure iocu mua. Yu wa ucuroju caniraju bɔja ãsicu mua. <sup>36</sup> Yure yutabuju manija yure ãsicu mua. Yu cõja cuni yure tirã ejasoticu mua. Tubiara wi yu ñaroca yure tirã ejasoticu mua”, yigu yigɔja yu Dios i beseanare. <sup>37</sup> Ito bajiro yu yija tuocõri, ado bajiro yure seniñarã yirãji ña: “Gua Hju, ¿nocãta mu ñiocõja ticõri, mure bare ecacati gua? ¿Nocãta mu idi ãmoroca mure iocati gua? <sup>38</sup> ¿Nocãta mu wa ucuroju caniraju mure bɔja ãsicati gua? Ito yicõri, ¿noju mu yutabuju maniroca mure yutabuju bɔja ãsicati gua? <sup>39</sup> Ito yicõri, ¿nocãta mu tubia ecoroca, mu cõja cuni, nocãta mure tirã ejacati gua?” yi yure seniñarã yirãji ña. <sup>40</sup> Ado bajiro ñnare cudigu yigɔja yu: “Riti mware gotia yu. Yu ñarã ñasamenare queno mua yija, yure queno yirãti yicu mua”, yigu yigɔja yu Dios i beseanare.

<sup>41</sup> Ito yicõri yu ya gãcodɔja ñarãre ado bajiro yigu yigɔja yu: “Yure camotadiya mua. Dios i beseana meje ña mua. Jeame yatibitimeju wasa mua. Iti jeamere rũmure yiarĩ rioñi Dios, ito yicõri i ñarãre yiarĩ cuni. <sup>42</sup> Yu ñiocõja yure ecabiticu mua. Yu idi ãmoja iobiticu mua yure. <sup>43</sup> Yu wa ucuroju yure caniraju bɔja ãsibiticu mua. Yure yutabuju manija yure ãsibiticu mua. Yu cõroca cuni, tubiara wi yu ñaroca cuni yure tirã ejabiticu mua”, yigu yigɔja yu queno yimenare. <sup>44</sup> Ito yija ado bajiro yure seniñarã yirãji ña: “¿Nocãta mu ñiocõroca mure ecabiticati gua? Ito yicõri, ¿nocãta mu idi ãmoja, mu cani ãmoja, mure yutabuju manija, mu cõja cuni, tubiara wi mu ñaja cuni, mure ejabuabiticati gua?” yi

yure seniñarã yirãji ñna. <sup>45</sup> Ito bajiro ñna yija tucõri, ado bajiro ñnare cudigũ yigũja yũ: “Riti mũare gotia yũ. Yũ ñarã ñasamenare queno mua yibeja, yure cuni ito bajiroti queno yibiticũ mua”, yigũ yigũja yũ ñnare. <sup>46</sup> Ito bajiri tũbũjare susabetojũ ñnare cõagũ yigũja yũ. Dios ñ beseanama catitiñadojũ warã yirãji, yiquĩ Jesús gũare.

## 26

*Jesure ñia ãmorã ñna cunire gaye*

*(Mr 14.1-2; Lc 22.1-2; Jn 11.45-53)*

<sup>1</sup> Ito bajiro ñ goti jeoja bero gũã ñ rãca riasotirãre ado bajiro yiquĩ Jesús:

<sup>2</sup> —Mũã masia jũã rũmũ beroti ñaro wado ya Pascua basa. Ito bajiro basa ñna meniri rũmũ Masa Rĩjorũre ñiatoni ñ wajanare gotigũ yiguĩji sĩgũ. Ito bajiri ñre ñiacõri yucũtẽojũ jaju sĩarã yirãji ñna. Ñti ña yũ Masa Rĩjorũ, yiquĩ Jesús gũare.

<sup>3</sup> Iti rũmũri paia mesa ẽjũ Caifás wame cutigũ ya wiju minijuacõri tũoĩa ñayijarã paia ẽjarã, ito yicõri judio masa bũcũrã cuni. <sup>4</sup> “¿No bajiro rucõri Jesure sĩarã yirãjida mani?” yĩ gãmeri bũsi ñayijarã ñna. <sup>5</sup> Ado bajiro bũsiyijarã ñna:

—Basa rujarũmũ Jesure sĩamenaji mani. Rujarũmũ mani sĩaja, bũto manire masa oca jaicõri gãmeri oca menirã yirãji ñna, yĩ gãmeri bũsiyijarã ñna.

*Romio Jesús ya rijogajũ sutirise iso jiojeore gaye*

*(Mr 14.3-9; Jn 12.1-8)*

<sup>6</sup> Betaniajũ Simón camĩ jogagorũ ya wiju ñacũ gũã Jesús rãca. <sup>7</sup> Iti cũto gũã ñaroca sĩgõ gũtagã toti cutiricajũ sutirise jiocõri ãmi ejacõ. Sũtirise iso jioraga alabastro wame cuticũ. Bũto waja cutirise ñacũ itĩ sutirise. Jesús ñ ba rujiroca ñ ya rijogajũ sutirise jiojeocõ iso. <sup>8</sup> Ito bajiro

iso yija ticōri, b̄jatobicu ḡua ĩ r̄aca riasotir̄a. Ado bajiro ḡāmeri b̄asicu ḡua:

—¿No yija rocati itire ruyurioati? <sup>9</sup> Iti s̄utirise ĩsicōri jairo niyeru b̄jacōri bojoro b̄jar̄are ejab̄aroti ñabojay-ija iti, yi ḡāmeri t̄oĩa b̄asicu ḡua.

<sup>10</sup> Ito bajiro ḡua t̄oĩa b̄sija t̄ocōri, ado bajiro yiquĩ Jesús ḡuare:

—Adiore usirio code yibesa m̄ua. Iti ȳure iso jiojeoja, queno ȳure yigo yamo iso. <sup>11</sup> M̄ua r̄aca riti ñatĩñar̄a yir̄aji bojoro b̄jar̄a. Ito bajiri ĩnare ejab̄atĩñar̄a yir̄aji m̄ua. Ȳuama m̄ua r̄aca ñatĩñabicu yiḡuja. Ito bajiri m̄ua r̄aca ȳu ñaroca maji ȳuj̄are ejab̄aja quena. <sup>12</sup> Adio ȳure iso s̄utirise jiojeoja ȳure ĩna yujeroto rioj̄ua jiojeo yugo yamo iso. <sup>13</sup> Riti m̄uare gotia ȳu. Adiore ācabojamena yir̄aji masa. Ito bajiro s̄utirise ȳure iso jiojeoja bero masa jeyaro t̄or̄a yir̄aji iti gaye. “Masare masoḡũ yiguĩji Dios”, yire oca ĩna gotiroti iso oca c̄uni t̄or̄a yir̄aji masa, yiquĩ Jesús ḡuare.

*Jesure ĩna ñiatoni Judas ĩ oca menire gaye*

*(Mr 14.10-11; Lc 22.3-6)*

<sup>14</sup> Ito yija bero ḡua Jesús r̄aca riasotir̄a j̄ua ḡubojeno ñar̄a ḡua r̄aca gaḡu Judas Iscariote wame cutigu paia ̄jar̄are b̄siḡu waquĩ. <sup>15</sup> Ito bajiri ado bajiro gotiyij̄a ĩ ĩnare:

—Jesure m̄ua ñia masitoni m̄uare ȳu gotija, ¿nocō jairo ȳure waja yir̄ajida m̄ua? yi b̄asiñi Judas ĩnare.

Ito ĩ yija t̄ocōri, s̄iḡũ masucō ḡaji ye j̄ua d̄ujamocō ñarise niyeru tiri ĩsiyjar̄a ĩna. <sup>16</sup> Iti niyeru boca āmicōri: “¿No bajiro yicōri Jesure r̄uor̄ujatibe ȳu ĩre ĩna ñiatoni?” yi t̄oĩa ñayij̄a Judas iti r̄am̄ure.

*Jesús ĩ bas̄usare gaye*

*(Mr 14.12-25; Lc 22.7-23; Jn 13.21-30; 1 Co 11.23-26)*

<sup>17</sup> Ito yija naju wadarise ɥco wɥoya mani bara rɥmɥ cõña wacɥ ɥware. ɐɥa Jesús rãca riasotirã ado bajiro ïre seniãacɥ:

—Pascua basa ñaroca baroti gaye, ¿nojɥ menirɥjati mɥca? yi seniãacɥ ɥua ïre.

<sup>18</sup> —Cutojɥ wasa mɥa. Ito mɥa ejaja sīgũre bɥjarã yirãji mɥa. Ado bajiro ïre yiba: “Ado bajiro roti ñucami ɥua ɥju ɥware. Jabetoti rɥya yɥ wējoroto. Ì ya wijɥ Pascua basa meniana mani, yi ñucami ɥware riasogu”, yiba mɥa, yiquĩ Jesús ɥware.

<sup>19</sup> “Ito bajiro yiba mɥa”, Jesús ï ɥware yicato bajiroti yicɥ ɥua. Ito bajiroti Pascua basa ïre meni ïsisuocu ɥua.

<sup>20</sup> Iti ñami ɥua ï rãca riasotirã jɥa ɥɥojeno ñarã ba rujicɥ ï rãca. <sup>21</sup> ɐɥa baroca ado bajiro yiquĩ Jesús ɥware:

—Riti mɥare gotia yɥ. Sīgũ mɥa rãca gagɥ yure ñiatoni gãjerãre gotigɥ yiguĩji, yiquĩ Jesús ɥware.

<sup>22</sup> Ito ï yija tɥocõri, bɥto bojori bɥjacɥ ɥua. Ito bajiri sīgũ rɥyabeto Jesure seniãacɥ ɥua:

—¿Yɥ ɥju yɥti ñabeati yɥ mure oca menirocɥ? yi seniãacɥ ɥua Jesure.

<sup>23</sup> Ado bajiro cɥdiquĩ Jesús ɥware:

—Yɥ bari tẽro ba ijagu ï ñagũ yiguĩji yure ñiatoni gãjerãre gotirocɥ. <sup>24</sup> Dios oca iti gotiro bajiroti rētaru yiroja yure. Yɥ ña Masa Rĩjoru. Yure sãrã yirãji masa. Bɥjato yiguĩji yure ñiatoni gãjerãre gotirocɥ. Rujeabiticõ rɥjabojañi ñama, yiquĩ Jesús ɥware.

<sup>25</sup> Ito yija bero Judas Jesure ñiatoni gãjerãre gotirocɥ basiquĩ. Ado bajiro yiquĩ ï:

—Yure riasogu, ¿yɥti ñati mure ñiatoni gãjerãre gotirocɥ mɥ tija? yiquĩ ï Jesure:

—Mɥti ña, yiquĩ Jesús ïre.

<sup>26</sup> Ito yija bero gña ba rujiroca ï ya ãmoju naju ãmi rñocoqũ Jesús. “Queno ya Dios mñ”, yicõri gña ï rãca riasotirãre batoquĩ.

—Baya, iti ña yu ya ruju robo bajiro bajirise, yiquĩ Jesús gñare.

<sup>27</sup> Iti gña ba tioroca rujatẽro ãmi rñocõri, “Queno ya yu Dios mñ”, yiquĩ Jesús. Ito yicõri gñare io batoquĩ.

—Mña jeyaro itire idiya. <sup>28</sup> Iti ña yu ya rí robo bajiro bajirise. Jãjarã ñna ñẽnarõ yirise ñna waja yi ïsitori, yu ya rí buديو yiroja. Itire ticõri, “Oca mame Dios ï goticãdo bajiroti baja”, yi tũoĩa masirã yirãji mña. <sup>29</sup> Riti mñare gotia yu. Adi sitaju mñcana juaji mña rãca uyé ide idibicu yiguja yu. Ñmacãju yu Jacu ï rotiroju mñcana tũdi mña rãca idigu yiguja yu, yiquĩ Jesús gñare.

“*Jesure masíbea yu*’, yigu yiguja mñ”, Pedrore Jesús ï yire gaye

(*Mr 14.26-31; Lc 22.31-34; Jn 13.36-38*)

<sup>30</sup> Ito ï yija bero Diore basacu gña. Basa tĩocõri Olivos wame cutiri turiaju wacu gña. <sup>31</sup> Ito gña waroca ado bajiro yiquĩ Jesús gñare:

—Adi ñamiti yure jidicãcõri wagorã yirãji mña ñarocõti. Yure mña wagoja cuni, Dios oca tutiju iti gotiado bajiroti rẽtarõ yiroja. Ado bajiro gotia iti. Tũote mña: “Oveja coderi masure sãagũ yiguja yu. Ito bajiri ï ya oveja rudi batecoarã yirãji”, yi gotiami Dios ï oca tutina. <sup>32</sup> Yure ñna ñiaja ticõri, rudi batecoarã yirãji mña. Ito bajibojarocati yure ñna sãaja bero mñcana tũdi catigu yiguja yu. Tũdi caticõri mña riojua busa Galilea sitaju wacu yiguja yu, yiquĩ Jesús gñare.

<sup>33</sup> Ito ï yija tũocõri, ado bajiro yiquĩ Pedro ïre:

—Ñnama mñre wagobojarcoti yuama wagobicu yiguja yu, yiquĩ ï Jesure.

<sup>34</sup> Ito ï yija tũocõri, ado bajiro cãdiquĩ Jesús ïre:

—Riti mure gotia yu. Adi ñamiti busurijua cara i yujiroto riojua udiaji, “Jesure masigũ meje ña yu”, yigu yigujaja mu, yiquĩ i Pedrore.

<sup>35</sup>—Yure ña sĩa amoja cuni, “Jesure masibea yu”, yibicu yigujaja yu, yiquĩ Pedro Jesure.

Ito bajiro Pedro i yija tuocõri, gua Jesús rãca riasotirã ito bajiro riti yi jedicu gua cuni ija.

*Getsemaní wame* cutiri weseju Jesús i Diore rãcubũore gaye

(*Mr 14.32-42; Lc 22.39-46*)

<sup>36</sup>Warãju Getsemaní wame cutiri weseju ejacu gua Jesús rãca. Itoju ejacõri ado bajiro gotiquĩ Jesús guare:

—Õ Diore busigu yu waroca riti, ado rujiya maji, yiquĩ Jesús guare.

<sup>37</sup>Pedrore, Zebedeo rĩa jũarãre ji waquĩ Jesús. Wacuti bũto tuoĩa bojori bujajuĩ Jesús. <sup>38</sup>Ito yija ado bajiro yiyiju Jesús i rãca wacãnare:

—Yu ya usiju bũto tuoĩa bojori buja yu. Ito bajiro yu bojori bujaja, usi jediri guijoro baja yure. Ado yure yu ñaña maji. Canibaja. Yu rãcati tiba maji, yiyiju Jesús ñnare.

<sup>39</sup>Ito yicõri ito sõjua bũsa wa remoyiju Jesús. Sitaju i ya rio cãoro muqueacõri Diore busiyiju i:

—Cuna ñejua mu yi masibiti manoja. Yu tõbujaroti gaye mu camota amoja, camota masigũja mu. Ito bajibojarocati yu amoro bajiro meje yigujaja mu. Mu amoro bajiro mu yija quena, yi busiyiju Jesús Diore. Itocõ i bũsi tujarocati canigocõcu guama ija.

<sup>40</sup>Ito i yija bero Pedro mesa tu tũdi ejayiju ña caniroca. Ado bajiro busiyiju Jesús Pedro mesare:

—¿Coji cõrecõ canimenati yu rãca ti seobeati mua?

<sup>41</sup>Canibesa mua maji. Yu rãcati tiya. Rãmũre cudibe yirona Diore seniña mua maji. Riti mure masia yu. Mua ya usijua queno tuoĩarã ñabojarãti mua ya rujuna

queno yi masibeá mña. Yure queno cudi ãmobojarãti queno cudimenaji mña, yiyijũ Jesús Pedro mesare.

<sup>42</sup> Ito yicõri mucana tãdi wacujũ ado bajiro Diore busiy-ijũ Jesús:

—Yũ Jacũ yũ tõbujarotire mũ camota ãmobeja quena ñaroja. Mũ ãmoro bajiroti bajijaro, yiyijũ Jesús Diore busigũ. Ito bajiro Jesús ã Diore busiroca canicoayijarã Pedro mesa mucana.

<sup>43</sup> Tãdi wacũ ãna caniroca tãdi ejayijũ Jesús mucana. Bũto wũjo ãnare jeobũaja caniyijarã ãna. <sup>44</sup> Ito bajiro ãnare busicãriti mucana Diore busigũ wayijũ Jesús. Ito yicõri Diore ã busiádo bajiroti tãdi busiyijũ mucana. <sup>45</sup> Ito yija bero gũa tũ ejacõri gũare yujioquĩ Jesús:

—¿Tujacã canirã yati mña maji? Itocõti eja wajũ Masa Rĩjorũre ñiacõri ñeñaro yirãre ãna ãsirotijũ eja wajũ ãja. ãti ãna yũ Masa Rĩjorũ. <sup>46</sup> Ito bajiri yujiya mña. Wato. Yure ãna ñiatoni gotiri masũ wadicoami ãja, yiquĩ Jesús gũare.

*Jesure ãna ñiare gaye*

*(Mr 14.43-50; Lc 22.47-53; Jn 18.2-11)*

<sup>47</sup> Ito bajiro Jesús gũare ã busi ñaroca riti, jũa gũbojeno ñagũ Judas ejaquĩ. Jãjarã ã rãca wadicã sarera jãiri rucorã, gãjerã yucũ rucorã. Paia mũjarã, judio masa bũcurã ãna cõajare wadiñi ãna. <sup>48</sup> “Ado bajiro mũare goticũja yũ”, yi ãnare busi wadicãri seyoñi Judas:

—Recoti yũ usugũ ãti ñagũ yiguĩji Jesús. ãre ñiama mña, yi ãnare busi wadiri seyoñi ã.

<sup>49</sup> Gũa tũ ejacõri ado bajiro yiquĩ Judas Jesure:

—¿Ñati yure Riasogũ mũ? yi ejaquĩ ãre.

Ito yigũti wayugajũ muwãcõri Jesure usuquĩ ã.

<sup>50</sup> —¿No yigũ wadiri yũ baba mũ? yiquĩ Jesús ãre.

Ito ã yiroca ãre ñiacã Judas rãca wadiana.

<sup>51</sup> Ito bajiro Jesure ãna ñiája ticõri, sigũ gũa rãca gagũ ã ya sarera jã ãmiquĩ, ito yicõri paia mũja ya moari masure



gãmoru jataquĩ. <sup>52</sup> Ito ï yija ticõri, ado bajiro yiquĩ Jesús ïre:

—Mu ya sarera jãi m̄cana iti wirojũ ñusacõña. Sarera jãina gãmeri jarã itinati godarã yirãji. <sup>53</sup> Adocãta yũ Jacũre yũ seni ñucaja, ángel mesa jãjarãguti jũa gãbojeno masa buturi cõagũ yiguĩji ï. ¿Itire masibeati m̄a? <sup>54</sup> Ito bajibojarocati ïre senibicũ yigũja yũ. Yũre ïna ñiajare ito bajiro gotia Dios oca. “Ito bajiroti r̄etaro yiroja”, Dios ï yicãre ñari, ito bajiroti bajiro ya yũre, yiquĩ Jesús gãare.

<sup>55</sup> Ito yicõri ïre ñiarã ejarãre ado bajiro yiquĩ Jesús:

—¿Riniri masũre ñiarona bajiro sarera jãiri rãca, yucũ rãca yũre ñiarã wadiri m̄a? Co r̄mũ r̄yabeto m̄a wato riaso rujisotibojacũ yũ minijuara wijũ. Ito bajibojarocati yũre ñiabiticũ m̄a maji. <sup>56</sup> Jeyaro yũre r̄etaroti Diore goti ïsiri masa ïna ucado bajiroti r̄etaro ya, yiquĩ Jesús ïre ñiacãnare.

Jesure ïna ñiaja ticõri, rudicoacũ gãa. Jesús s̄gũti ïna rãca tujaquĩ.

*Ujarã ñasarã, “Seti ña m̄re”*, Jesure ïna yire gaye

*(Mr 14.53-65; Lc 22.54-55,63-71; Jn 18.12-14,19-24)*

<sup>57</sup> Jesure ñiacõri paia uju Caifás wame cutigũ tu ïre ãmi wayijarã. Itojũ minijua ñayijarã judio masa rotirise riasori masa ito yicõri ïna masa bucãrã c̄ni minijua ñayijarã ïna. <sup>58</sup> Jesure ïna ãmi waroca sõbũsa yeyo ti s̄ya wayijũ Pedro. Paia uju ya wi soje riojo sãjacõri rujiyijũ Pedro. Iti wi coderi masa rãca rujiyijũ ï. “No bajiro Jesure ïna yi gajanoaja ticũja yũ”, yirocũ ito bocati rujiyijũ Pedro.

<sup>59</sup> Paia ujarã, ujarã ñasari masa c̄ni Jesure s̄ia ãmoyi-jarã ïna. Ito bajiri, “Ado bajiro ñeñaro yiquĩ Jesús”, yi r̄uo gotironare ãmabojayijarã ïna. <sup>60</sup> Jãjarã socari masa ïna oca menibojarocati, “Riti baja ïna gotirise”, yi masibisijarã ïna. S̄sari jũarã r̄uo gotiri masa ejayijarã ïna. <sup>61</sup> Ado bajiro gotiyijarã:

—“Dios ya wi minijuara wi iti wire yu ruyuriocōja, ũdia r̄m̄m̄ beroti m̄cana iti wire jōrojocōḡija yu”, yiquĩ āni, yiyijarā ĩna.

<sup>62</sup> Ito ĩna yija t̄ocōri, paia ũju w̄m̄m̄ r̄ḡcōri ado bajiro yiyiju Jesure:

—¿C̄dibic̄ati yati m̄? Ito bajiro m̄re ĩna b̄s̄ituja, ¿no yireoni yirā yati ĩna? yibojayiju ĩ Jesure.

<sup>63</sup> Ito ĩ yibojarocati Jesuama c̄dibisiju ĩre. ĩ c̄dibeja ticōri, ado bajiro yiyiju paia ũju Jesure m̄cana:

—Dios catigu ĩ tiro riojo riojo gotiya m̄. ¿M̄ti ñati Cristo Dios ĩ cōaru? ¿ĩ mac̄ati ñati m̄? Ḡare gotiya maji, yiyiju ĩ Jesure.

<sup>64</sup> —M̄ senīaro bajiroti, ĩti ña yu. Gaje ado bajiro m̄are gotia yu: Dios jeyaro masiḡu ya riojocad̄ja Masa R̄joru ĩ rujija tirā yirāji m̄a. Ito yicōri ũmac̄ju ide buerina ĩ ruji wadija tirā yirāji m̄a. ĩti ña yu Masa R̄joru, yiyiju Jesús paia ũjare.

<sup>65</sup> Ito bajiro Jesús ĩ yija t̄ocōri, b̄to junisiniḡu ĩ ya yutabuju t̄a ñiḡayiju:

—Āni ũm̄ḡu ñeñaro Diore b̄situami. Ḡajerā, “ĩre seti ña”, yironare āmare ma ĩja. M̄a c̄ni Diore ĩ b̄situja t̄oa m̄a. <sup>66</sup> ¿No bajiat̄i m̄aca? ¿No bajiro ĩre yir̄jati mani? yiyiju paia ũju masare.

—Seti ñasac̄a ĩre. S̄ar̄jami, yi c̄diyijarā masa.

<sup>67</sup> Ito yija Jesús ya riore go ide eobate guyijarā ĩna. Ito yicōri ĩre jayijarā. Ḡajerā ĩ ya rioju jayijarā. <sup>68</sup> ĩ ya cajea moabiacōri, ĩre jayijarā ĩna. Ito yicōri ado bajiro ĩre senīa tudiyijarā:

—Riti Cristo Dios Mac̄u m̄ ñaja, “ĩ yure jami”, yi masiḡija m̄, yi tudiyijarā ĩna Jesure.

*Jesure masibea yu, Pedro ĩ yire gaye  
(Mr 14.66-72; Lc 22.56-62; Jn 18.15-18,25-27)*

<sup>69</sup> Wi totijm ito bajiro rētaroca, macĕjm soje riojo rujicōayijm Pedro. Sīgō moa ĩsiri maso Pedro tĕ ejacōri ado bajiro yiyijo ĩre:

—Jesús Galilea sita gagm rāca wa ucuyijm mĕ cĕni, yiyijo iso ĩre.

<sup>70</sup> Ito bajiro iso yija tĕocōri, masa jeyaro ĩna tĕoro riojo ado bajiro yiyijm Pedro:

—“Riti ya mĕ”, yi masibea ym mĕre, yi rĕoyijm Pedro isore.

<sup>71</sup> Sājasuora soje tĕ Pedro ĩ ejagm wagm yiroca tiyijo gajeo mĕcana:

—Jesús Nazaret cĕto gagm rāca wa ucuĕni ĩ cĕni, yiyijo gājerāre gotigo.

<sup>72</sup> —“Dios ĩ tiro riojo ĩre masibea ym”, ya ym, yiyijm Pedro.

<sup>73</sup> Ito bero yoa bĕsari Pedore ado bajiro yiyijarā gājerā:

—Riti ĩa. Jesús rāca wa ucugĕti ĩa mĕ cĕni. ĩnare bajiroti bĕsia mĕ cĕni, yiyijarā ĩna Pedore.

<sup>74</sup> —Ito bajiro mĕa bĕsigĕre tĕiabea ym. Rĕore oca ym gotija, Dios yĕre sĕajaro, yi oca sĕoro bĕsiyijm Pedro.

Ito bajiro ĩ yiroca riti cara yujicoayijm ĩja. <sup>75</sup> Cara ĩ yujija tĕocōri, Jesús ĩre bĕsigorere tĕoĕa bĕjayijm Pedro: “Cara ĩ yujiroto riojma ũdiaji, ‘Jesure masibea ym’, yigm yigĕja mĕ”, Jesús ĩ yire tĕoĕa bĕjayijm Pedro. Ito budi wacōri bĕto otijijm ĩja.

## 27

*Pilato tĕjm Jesure ĩna āmi ejare gaye*

*(Mr 15.1; Lc 23.1-2; Jn 18.28-32)*

<sup>1</sup> Busuri gaje rĕmĕ paia ĕjarā, judio masa bĕcĕrā minijua ĩayijarā. Sīgĕre bajiro riti tĕoĕacōri, “Ado bajiro Jesure sĕarĕja mani”, yi tĕoĕa ĩayijarā ĩna. <sup>2</sup> Ito bajiro ĩna yija bero Jesure āmojm siacōri āmi wayijarā ĩna. Ito yicōri

ĩre ãmi wacõri Pilatore ĩsiyijarã ĩna. Romano masa ʘjũ ñayijũ Pilato.

*Judas ĩ godare gaye*

<sup>3</sup> Judas Jesure ĩna ñiatoni gotirũ, “Jesure sĩarã go yirũ ãna”, yi tũoĩayijũ Judas. Iti tũoĩacõri, “Queno yibiticũ yũ”, yi tũoĩa bojori bũjayijũ Judas. Ito bajiri paia ʘjarãre, judio masa bũcũrãre cũni ĩna tũ wacõri niyeru treinta tiri ĩ bũjabojare jũdacõayijũ ĩnare. <sup>4</sup> Ado bajiro ĩnare yiyijũ ĩ:

—Queno yibiticũ yũ. Ñe seti macũreti mũare oca menibojacũ yũ, ĩre mũa ñiatoni, yiyijũ ĩ paia ʘjarãre.

Ito bajiro ĩ yibojarocati ado bajiro ĩre cũdiyijarã ĩna:

—Ito bajiro mũ guare yibojaja, no yibea guare. Mũreti seti ñaroja, yiyijarã ĩna Judasre.

<sup>5</sup> Ito ĩna yija tũocõri, Dios ya wijũ niyeru cujiri rea bateyijũ Judas. Ito yi, budicoayijũ. Budi wacõri yucũgũjũ mũjayijũ. Mũjacõri ĩmasiti ĩ ya ãmũmajũ jũgũbo cano yicõri quedi yoja godayijũ.

<sup>6</sup> Dios ya wijũ niyeru cujiri ĩ rea batere mioyijarã paia ʘjarã. Itire ãmicõri ado bajiro yiyijarã:

—Adi niyeru mani sĩarocũre ĩ goticati waja ñacãre ñacũ adiamo. Sĩare waja mani waja yire ña. Ito bajiri Diore yiari masa ĩna niyeru sãri jedojũ sãdo ma, yiyijarã ĩna.

<sup>7</sup> Sĩgũre bajiro tũoĩacõri, “Riri goje ñari sitajũ waja yiana mani”, yi tũoĩayijarã ĩna. “Iti sita ñaro yiroja gaje masare mani yujeroti sita”, yi tũoĩayijarã ĩna. <sup>8</sup> Ito bajiri adi sita adi rũmũri cũni, sĩare wajana ĩna waja yira sita wame cũtia maji. <sup>9-10</sup> Ito bajiro ĩna yija jane mejejũ Diore goti ĩsiri masũ Jeremías ñayorũ ĩ ucare ado bajiro bajiadoja: “Treinta niyeru cujiri ñarise ãmicõri riri goje ñari sita waja yiyijarã ĩna, Dios ĩ ãmocãdo bajiroti. ‘Itocõti waja cũtiami sĩgũ ʘmũgũ’, yi tũoĩayijarã Israel sita gãna”, yi ucañi Jeremías ñayorũ. ĩ ucado bajiroti rẽta adi.

*Pilato Jesure ï seniïare gaye**(Mr 15.2-5; Lc 23.3-5; Jn 18.33-38)*

<sup>11</sup> Jesure ãmi wacõri Romano masa ɥju Pilato wame cutigu tu ãmi ejayijarã ïna. Ito bajiri ï riojo rŭgõyiju Jesús. ï Jesure ado bajiro seniïayiju:

—¿Muti ñati judio masa ɥju? yiyiju ï Jesure.

—Mu yiro bajiroti bajia, yiyiju Jesús ïre.

<sup>12</sup> Ito ï yija tucõri, paia ɥjarã, judio masa bucũrã cuni, “ïti ñami ñeñaro yigu. Queno yigu meje ñami ï”, ïna yibojaja, ïnare cudi ñuca yibisiju Jesús. <sup>13</sup> Ito bajiro Jesure ïna busituja tucõri, ado bajiro seniïayiju Pilato Jesure:

—Ito bajiro mure ïna seti yija, ¿tucobeati mu? yiyiju ï Jesure.

<sup>14</sup> Ito ï yibojarocati cudibisiju Jesús ïre. ï cudibeja tucõri, tuoïa oca jai rŭgõyiju Pilato. Ito bajicõri ñe tuoïare mañiju ïre.

*Jesure sïarɥja mani, ïna yire gaye**(Mr 15.6-20; Lc 23.13-25; Jn 18.38-19.16)*

<sup>15</sup> Pascua basa ñari rumure ado bajiro yisotiyiju romano masa ɥju. Tubiara wiju ñarãre “ïre bure ãmoa gũ”, ïna yi besegure bucõasotiyiju ï, basa ñari rumu. <sup>16</sup> Iti rumari tubiara wiju ñayiju sïgũ, masa jeyaro ïna masi jedigu Barrabás wame cutigu. <sup>17</sup> Masa ïna minijua ñaroca ado bajiro seniïayiju Pilato:

—¿Ñimɥjare yu bucõare ãmoati mua? ¿Barrabásre, Jesucristo mua yigure bucõagũtite? yi seniïayiju Pilato.

<sup>18</sup> “Jesure tuo junisnicõri yure ïsicã no cuni”, yi tuoïa wacu ito bajiro yiyiju Pilato.

<sup>19</sup> Gãjerã ɥjarã rãca Pilato ï rujiroca ï manojo ïre oca cõayijo: “Ñeñaro yibesa ïre. Ñe seti macu ñami. Guijoro cãimɥ yu ï gaye. Ito bajiri bũto oca jaia yu”, yi oca cõayijo iso, iso manɥjare.

<sup>20</sup> Paia ujarã, judio masa bucũrã cuni, “Barrabásjuare bucõa rotiya mua”, yiyjarã ñna masare. “Ito yicõri Jesure sãa rotiya mua”, yiyjarã ñna masare. Ito bajiro ñna yijare ito bajiroti tũõiyjarã masa cuni. <sup>21</sup> Ito ñna yija bero masare mũcana ado bajiro seniĩayijũ uju Pilato:

—¿Nijũare yũ bucõare ãmoati mua? yi seniĩayijũ Pilato ñnare:

—Barrabásjuare mũ bucõare ãmoa gũa, yiyjarã ñna Pilatore.

<sup>22</sup> Ito ñna yija tũocõri, ado bajiro ñnare seniĩayijũ ñ:

—¿No bajiro yigũti yũ Jesure, Cristo mua yigureama? yi seniĩayijũ ñ masare.

Ito ñ yija ñna ñnarcõti ado bajiro ñre awasã cũdiyjarã:

—Yucũtẽojũ ñre jaju sãacõña mũ, yiyjarã ñna.

<sup>23</sup> Ito ñna yija tũocõri:

—¿Ñeonire ñeñaro yicati ãni? yiyijũ Pilato ñnare.

Ito ñ yibojarocati mũcana tũdi awasãiyjarã ñna:

—Yucũtẽojũ jaju sãacõña ñre, yiyjarã ñna Pilatore.

<sup>24</sup> Ito ñna yija tũocõri, “No robojũa yi masibicũja yũ”, yi tũõiyijũ Pilato. “Ñna ãmoro bajiro yũ yibeja, ñnama-siti gãmeri birarã yirãji”, yi tũõiyijũ Pilato. Ito bajiro tũõiacõri ide ãmi rotiyijũ ñ. Ito yicõri masa ñna tiro riojo ãmo coecõri ado bajiro gotiyijũ ñ masare:

—Ñni ñeñaro yibicũre mua sãaja, yũre seti ma. Mũareti seti ña, yiyijũ ñ masare.

<sup>25</sup> Ito ñ yija tũocõri, masa ñajediro ado bajiro ñre cũdi jediyjarã:

—Gũa, gũa rĩare cuni seti ñaro yiroja ñre gũa sãaja, yiyjarã ñna Pilatore.

<sup>26</sup> Ito yija bero Barrabásre bucõayijũ Pilato. ñre bucõacõri ñ ya surarare ñsiyijũ Pilato Jesure ñna bajetoni, ito yicõri yucũtẽojũ ñna jaju sãatoni.

<sup>27</sup> Jesure āmi wacōri ɥjɥ ya wijɥ āmi ejayijarā ĩna. Surara jeyaro Jesure gāni bia rūgūyijarā. <sup>28</sup> Ĩ sāñarise yutabuju ruacōri, ɥjɥ ĩ sāñarise sūari buju ĩre sāyijarā. <sup>29</sup> Ito yicōri jota bedo ĩna menira bedo Jesure rijogajɥ jeoyijarā ĩna. Ito yicōri riojocadɥja āmo jota jāi ĩsiyijarā. Ʋjɥ ĩ rucori jāi bajiri jāi ĩre ĩsiyijarā ĩna. Iti ĩre ĩsi t̄iocōri ĩ riojo rijomunigāna ĩni rūjūyijarā ĩna. Gaje ado bajiro ĩre aja tudiyijarā:

—Judio masa ɥjɥ yoari catiba mɥ, yiyijarā ĩna Jesure.

<sup>30</sup> Ito yicōri go ide ĩre eobate guyijarā ĩna. Ĩ rucori jāi ēmacōri ĩ ya rijogajɥ jayijarā ĩna. <sup>31</sup> Ito bajiro ĩre ja tudi t̄iocōri ĩ ya yutabuju sūaro ruayijarā ĩna mɥcana. Ito yicōri ĩ yaro ñasuoadojɥare sāyijarā. Yutabuju sā t̄iocōri yucutēojɥ jaju s̄iarona ĩre āmi wayijarā ĩna.

*Yucutēojɥ Jesure ĩna jaju s̄iare gaye  
(Mr 15.21-32; Lc 23.26-43; Jn 19.17-27)*

<sup>32</sup> Cuto sōjɥa ĩre āmi warājɥ s̄īgū Cirene gagɥ Simón wame cutigure bocayijarā ĩna. ĩre bocacōri Jesús gajari t̄eo gaja rotiyijarā ĩna ĩre.

<sup>33</sup> Ito baji warājɥ Gólgota wame cutirijɥ ejayijarā ĩna. “Rijoga gōa iti ñarijɥ”, yireoni ña Gólgota yire. <sup>34</sup> Ito ejacōri Jesure ɥyé ide jiarise wucōri ioyijarā ĩna. Itire idiñacōri itocō idi jidicāyijɥ Jesús.

<sup>35</sup> Jesure yucutēojɥ ĩna jaju t̄ioja bero, “Ñimujɥa ĩ ya yutabuju bɥjaja tiana mani”, yirona gūta ajerina rea ajeyijarā ĩna. Ito bajiro ĩna yija Diore goti ĩsiri masɥ ñayorɥ ĩ ucado bajiroti r̄etayijɥ. Ado bajiro ucayoñi ĩ. T̄uote: “Yɥ ya yutabujure ĩnamasi gāmeri batorona gūta ajerina gāmeri rea ajecā ĩna”, yi ucayoñi Diore goti ĩsiri masɥ. <sup>36</sup> Ito bajiro aje t̄iocōri ĩre code rujijijarā surara. <sup>37</sup> Jesús ya rijoga weca rujajāi uca wōyijarā ĩna. “Adi seti

ña ñre”, yira jāi uca wōyijarã ñna. “Ñniti ñnami Jesús judio masa ɯjɯ”, yi wãñayijɯ iti jāijɯ.

<sup>38</sup> Jesús rāca jūarã riniri masa jaju ecoyijarã. Sīgũre ī ya riojocaduja, gājire ī ya gācoduja jaju rūgōyijarã ñna. <sup>39</sup> Masa ñna rētaja, rijogari yureyure yi rētayijarã ñna Jesure būsiturã. <sup>40</sup> Ado bajiro yi aja tudiyijarã ñna Jesure:

—“Dios ya wire jore batecãcōri mɯcana ɯdia rɯmɯ beroti menicōgũ yigɯja yɯ”, mɯ yigɯ ñaja mɯmasiti mɯ ya rujure masogũ yigɯja mɯ. “Riti Dios Macɯ ña yɯ”, mɯ yijama, mɯmasiti yucutēore rujigogɯ yigɯja mɯ, yi aja tudiyijarã ñna Jesure.

<sup>41</sup> Paia ɯjarã, judio masa rotirise riasori masa, ñna masa bɯcɯrã cɯni ito bajiroti Jesure aja tudi ñayijarã ñna.

<sup>42</sup> —Gājerāreama masobojañi. Ī ito bajibojaguti ī ya rujureama maso masibeami ĩ. Judio masa ɯjɯ mɯ ñaja yucutēore rujigogɯ yigɯja mɯ. Ito bajiro mɯ yija ticōri, mure tɯorũnɯrã yirãji gɯa. <sup>43</sup> “Dios Macɯ ña yɯ. Īre tɯorũnɯa yɯ”, yicɯ mɯ. Ito bajiri mure ī maija ĩmasiti mure masogũ yiguĩji, yi aja tudiyijarã ñna.

<sup>44</sup> Jūarã ĩ rāca yucutēojɯ jaju ecoana rācati būsituyijarã Jesure.

*Jesús ĩ ɯsi jedire gaye*

*(Mr 15.33-41; Lc 23.44-49; Jn 19.28-30)*

<sup>45</sup> Ito yija ũmacañi riojo ñabobarocati rãitĩacoayijɯ ĩja. ɯdiaji cōrecō rãitĩa ñayijɯ. <sup>46</sup> Ito yija ñamica tres ñaroca sēoro ado bajiro awasāyijɯ Jesús:

—Elí Elí, ¿lama sabactani? yiyijɯ Jesús. “Dios yɯ Jacɯ, ¿no yija yɯre jidicāti mɯ?” yireoni ñayijɯ iti ĩ awasārise.

<sup>47</sup> Coriarã itijɯ ñana ĩ awasāja tɯocōri, ado bajiro yiyijarã ñna:

—Diore goti ĩsiri masɯ Elías ñayorure jigɯ yirɯ ĩ, yiyijarã ñna.



<sup>48</sup> Sīgũ ĩre aja tudigu ũmaquedi wacōri ide udi āmirisena uye ide jiare weoyijũ. Yucuna sia wōcōri Jesús ya rise tu ñutubojayijũ. Idibisijũ Jesús. <sup>49</sup> Ito bajiro ĩ yibojarocati ado bajiro yiyijarã gãjerã:

—Yibesa mũ ito bajicōato. Elías ñayoru ĩre masogũ ejaja tiana mani, yiyijarã ĩna.

<sup>50</sup> Mucana susari oca sēoro awasācōri usi jediyijũ Jesús. <sup>51</sup> Itijũ Dios ya wi yobiado saya webutiro ũmacũjuana ñigã ruji wadicōri jacaju ñigã ruji ejacoayijũ. Ito yicōri sita ueyijũ. Gũtagãri cuni wadicoayijũ. <sup>52</sup> Masari cumari cuni janacoayijũ. Ito bajicōri jãjarã Diore tuorũnurã tũdi catiyijarã. <sup>53</sup> Ito bajiri masari cumaju ñana budiyijarã ĩna. Budicōri Jesús ĩ tũdi catija bero Jerusalénju Dios ĩ mairi cutojũ wa ucuujarã ĩna. Masa jãjarã tiyijarã ĩnare, ĩna wa ucuja.

<sup>54</sup> Jesús yucũtēo ĩ yosaroca maji, surara ĩna mũ cuni code ñayijarã maji. Sita iti ueja, ito yicōri gaje iti rētaja ticōri, buto gũiyijarã ĩna. Ito bajiri ado bajiro yiyijarã:

—Riti bajia, Dios Macuti ñabojaña āni, yiyijarã ĩna.

<sup>55</sup> Jãjarã romia cuni sōju ti rũgōyijarã. Galilea sita Jesús ĩ ñaroca maji ĩre sũyasũoyijarã ĩna. Ito yicōri ĩre ejabusotiyijarã. <sup>56</sup> ĩna wato ñayijo María Magdalena, ito yicōri María Santiago, José jaco. Zebedeo rĩa jaco cuni ñayijo.

### *Jesure ĩna yujere gaye*

*(Mr 15.42-47; Lc 23.50-56; Jn 19.38-42)*

<sup>57</sup> Iti rãio wadiroca sīgũ José wame cutigu Arimatea gagũ ejayijũ. Niyeru jaigu ñayijũ ĩ, ito yicōri Jesús rãca riasotigorũ ñayijũ. <sup>58</sup> Jesure yujerocũ Pilatore senigũ wayijũ José. Pilato tu ĩ ejaja ĩ seni ejaro bajiroti rotiyijũ ĩ. <sup>59</sup> Ito ĩ yija tuocōri, Jesús ya rujure rujiogu wayijũ ĩ. ĩre rujiocōri saya ueri manona ĩre gũmayijũ. <sup>60</sup> Ito yicōri masari cuma mamaju gũta toti ĩ menirajajũ ĩre

cūyijũ. Ito yicōri masari cuma soje gūtagã jajocana biacũ, wacoayijũ. <sup>61</sup> Ito bajiro ĩ yiroca masari cuma riojo María Magdalena, ito yicōri gajeo María ruji codeyijarã ĩna.

*Jesús ya masari cuma ĩna codere gaye*

<sup>62</sup> Gaje r̃m̃uti ñayijũ tujacãra r̃m̃ũ. Iti r̃m̃uti paia ɸjarã, fariseo gaye t̃oĩarã c̃ni Pilatore busirã wayijarã.

<sup>63</sup> Ado bajiro ĩre gotiyijarã ĩna:

—G̃na ɸjũ t̃oƷa: Jesús socari masũ ĩ yicati gaye masi b̃jabũ g̃na. “Udia r̃m̃ũ bero m̃cana t̃di caticɸja yũ”, yiquĩ ĩ godaroto riojũ. <sup>64</sup> Ito bajiri ĩ ya masari cuma soje t̃ surara code roticõañã ĩ rãca riasotigoana ñami ĩ ya rujũ rinime yirocũ. ĩ ya rujure ĩna ãmija, “Godarũ ñabojaguti m̃cana t̃di caticoami”, yirã yirãji ĩna. Ito bajiro ĩna yija cajero r̃ocato r̃eto busaro socarã yirãji ĩna, yiyijarã ĩna Pilatore.

<sup>65</sup> Ito ĩna yija t̃ocõri, ado bajiro yiyijũ Pilato:

—M̃are c̃ni coderi masa ñacãma. ĩnareti tirũnũ rotiba. Queno ĩna tirũnɸja quena ñaro yiroja, yiyijũ Pilato fariseo gaye t̃oĩarãre.

<sup>66</sup> Ito ĩ yija t̃ocõri, Jesús ya masari cumare, coderi masare code roti cūyijarã ĩna. Ito yicōri, “Adi masari cumare jana yibesa m̃a”, yire gaye wame wõyijarã ĩna masari cumajũ.

## 28

*Jesús ĩ t̃di catire gaye*

*(Mr 16.1-8; Lc 24.1-12; Jn 20.1-10)*

<sup>1</sup> Tujacãra r̃m̃ũ iti jediroca m̃cana moas̃ora r̃m̃ũ iti busu m̃ja wadiroca María Magdalena ito yicōri gajeo María, Jesús ya masari cumajũ tirã wayijarã ĩna. <sup>2</sup> Ito ĩna waroca ñajasaroti sita ɸeyijũ. S̃gũ ángel ruji ejayijũ. Ruji ejacõri masari cuma g̃ta ĩna biabojaragare janayijũ ĩ, ito yicõri itiga joere rujiyijũ. <sup>3</sup> B̃jo ĩ borea yirisere bajiro

yogu ñayijũ ã, ito yicõri ã ya yutabuju cõni bũto botirise ñayijũ. <sup>4</sup> Ñre ticõri gũirã ñna ya rujuri nuũoyijarã coderi masa. Godacãna robo bajiro ñayijarã ñna. <sup>5</sup> Ito yija ángel ado bajiro yiyijũ romiare:

—Gũibesa mua Jesús yucutẽojũ ñna jaju sãarure ãmarã ya mua, yũ tija. <sup>6</sup> Mami ado. Ñ goticãdo bajiroti tũdi caticoãni. Ñre cũgorajũ tirã wadite mua. <sup>7</sup> Coji wasa ã rãca riasotigoanare gotitẽña. “Ñ gotiado bajiroti mucana tũdi caticoãni”, yiba. “Mani riojũ busa Galileajũ warocũ ñayijũ ã. Itojũ ñre tirã yirãji mani”, yi gotiba mua Jesús rãca riasotigoanare, ya yũ muare, yiyijũ ángel.

<sup>8</sup> Ito ã yija tuocõri, masari cuma budicõri gũi ũmaquedi wayijarã ñna. Gũibojarãti bũto wanũre rãca Jesús rãca riasotigoanare gotirã wayijarã romia. <sup>9</sup> Ñna wabojaroca riti ñnare senĩa ejayijũ Jesús. “¿Ñnati mua?” ã yija tuocõri, bũto wanũyijarã ñna. Ito bajiri ñre rucubũorã ã ya gũbo wana cunũyijarã ñna. <sup>10</sup> Ado bajiro yiyijũ ã ñnare:

—Gũibesa mua. Yũ rãca riasoticãnare oca gotitẽña. “Galileajũ wajaro. Itojũ ñre tirã yirãji mani”, yiba ñnare, yiyijũ Jesús romiare.

*Ado bajiro bajiyija, yi surara ñna gotire gaye*

<sup>11</sup> Romia ñna wagoja bero masari cuma code ñana cutojũ ejacõri paia ujarãre gotiyijarã iti rẽtado bajiroti. <sup>12</sup> Iti oca tuocõri judio masa bucũrã rãca busirã wayijarã paia ujarã. Sĩgũre bajiro tuoĩacõri coderi masa ruori oca ñna gotitoni ñnare jairo niyeru isiyijarã ñna. <sup>13</sup> Ado bajiro ñnare ruo rotiyijarã ñna:

—“Ñnami gua canigoja bero Jesús rãca riasotigoana ã ya rujũre ãmirã ejañi ñna”, yi goti batoba mua masa jeyarore, yiyijarã paia ujarã ito yicõri judio masa bucũrã cõni. <sup>14</sup> Mua ruo gotirise uju ã tuo masija guamasiti muare busi queno isirã warã yirãji, yiyijarã ñna coderi masare.

<sup>15</sup> Iti niyeru boca ãmi tĩocõri, ãnare ãna rotiro bajiroti rño goti ucurã wayijarã ãna. Ito bajiri adi rãmuri cuni, “Tũdi catigu meje yiĩni Jesús. Ĩ rãca riasotiri masa rinirã yiĩni ãna”, yire gaye busiama judio masa adi rãmuri cuni.

*Ado bajiro yu* oca masare riasoba mua, yi Jesús ĩ rotire gaye

*(Mr 16.14-18; Lc 24.36-49; Jn 20.19-23)*

<sup>16</sup> Jesús tũdi catire, romia ãna gotija tuocõri, Galileaju wacu gua. “Ito gũtagũ joeju bocatiba mua”, guare ĩ yiadoju wacu gua. <sup>17</sup> Itoju ejacõri Jesure ticu gua. Ito bajiri ĩre rũcubhorã wanucu gua. Coriarã, “Ĩ meje ñaguĩji”, yi tuoĩacã ãna. <sup>18</sup> Ito yija ado bajiro guare yiquĩ Jesús:

—Ũmacũju adi tutiju cuni yu rotire gaye jeyaro jidicãmi yu Jacu Dios yure. <sup>19</sup> Masa jeyarore oca goti ucurã, oca goti ucuteña mua. Yu ya oca tuorũnuroca yiba ãnare. Yure ãna tuorũnũja ticõri, yu Jacu wame, Espiritu Santo wame, yu wame rãca ãnare idé guba mua. <sup>20</sup> Jeyaro yu rotirise ñarocõti ãna cuditoni ãnare riasoba. “Co rãmũ ruyabeto mani rãca ñasotigu yiguĩji Jesús. Adi macãrucũro iti jediroto riojuaju mani rãca ñasotigu yiguĩji ĩ”, yi tuoĩama mua, yiquĩ Jesús guare. Itocõ ña.

Dios Oca Tuti  
New Testament in Macuna

copyright © 2012 Wycliffe Bible Translators, Inc.

Language: Macuna

Translation by: Wycliffe Bible Translators, Inc.

Copyright Information

© 2012, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Macuna

© 2012, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-08-06

Updates

eBible.org

---

PDF generated using Haiola and XeLaTeX on 3 Jul 2018 from source files dated 3 Jul 2018

2581ee54-739f-5595-8d44-83c638ed667b